

增補卷目錄

卷四之卷七

尚友錄卷四

陳

穎川徵音周武王封舜後胡公滿於陳以邑為氏

陳良

周楚產也悅周公仲尼之道北學于中國北方之學者未能或之先也

陳仲子

周齊人其兄戴為齊卿食祿萬鍾仲子以為不義携妻子適楚居於陵自謂於陵仲子窮不苟求乏糧三日乃匍匐而食井上李實之蟲者三咽而能視聽身自織履妻辟繡以易衣食楚王

聞其賢欲以為相遣使持金百鎰聘之仲子入謂妻曰楚王欲以為相今日為相明日結駟連騎食方丈于前意可乎妻曰夫子左琴右書樂在其中矣結駟連騎所安不過容膝食方丈于前所甘不過一

肉今以容膝之安一肉之味而懷楚國之憂亂世多害恐先生不保命也于是出謝使者遂相與逃去為人灌園

陳倉

周秦穆公時掘地得一物似豬羊形倉以獻公道逢二童子曰此媪也在地食人腦欲殺之先用栢木捶首媪曰此童子曰陳寶得雌則王得雄則霸倉舍媪逐童子童子化為雉入林中言

於公公大獵得其雉化為石置汧渭之間作陳寶祠

陳勝

周字涉陽城人嘗與人傭耕息於壠上曰苟富貴無相忘傭者曰若為耕傭何富貴也勝歎曰燕雀安知鴻鵠之志哉遂舉兵稱扶蘇項燕自立為將軍後為其御所害

陳嬰

秦本東陽令使居縣中素信謹東陽少年殺其令欲立嬰為王嬰母謂曰自我為汝家婦未聞汝先有貴者今暴得大名不祥不如有所屬嬰乃止後相楚懷王

陳平

漢字孺子陽武人少家貧好讀書美如冠玉有田三十畝兄伯常耕與平游學後佐高祖定天下凡六出奇計未遇時里中社平為宰肉父老曰善陳孺子之為宰曰使平得宰天下亦如此

肉及長無與婚者里有富人張負女孫五嫁夫輒死負至平家以席為門門外多長者車轍負謂子仲曰豈有美如陳平而長貧者乎遂以女孫嫁之借老官至右丞相曲逆侯

陳 咸

漢字子康萬年子爲郎有異才抗直數言事元帝時擢御史中丞累官冀州刺史後爲尙書王莽專政誅何武鮑宣咸喟然歎曰吾可以逝矣卽乞骸骨去父子相與歸鄉里閉門不出入猶

用漢家祖職或問之答曰我先祖豈知王氏臘乎戒子孫曰爲人議法當依於輕雖有百金之利慎勿與人重

陳 寵

漢字昭公咸曾孫父詔事光武爲廷尉寵明習家業肅宗時爲尙書是時承永平故事尙嚴切寵上疏請濟之以寬是後風俗和平屢有嘉瑞歷守三郡所在有績官至司空寵雖傳法律

而兼通經書奏議
溫粹號爲稱職

陳 綱

漢字仲卿少與同郡張宗同受學南陽及綱以母喪歸宗爲安衆劉元所殺綱免喪復往南陽值元醉臥遂殺之自拘有司會赦得免

陳 琳

漢字孔璋廣陵人初爲何進主簿後歸曹操操愛其才軍國書檄多出琳手操先苦頭風是日疾發臥讀琳所作書然起曰此愈我病數加厚賜官至門下督琳建安七子之一也

陳 容

漢射陽人隴臧洪爲東都丞洪被執於袁紹將死容曰將軍舉大事而先殺忠義可乎紹慙使人牽出容顧曰仁義豈有恒所蹈之則君子背之則小人今日寧與臧洪同死不與將軍同生

漢見
殺

陳 登

漢字元龍下邳人許汜嘗與劉玄德共論人物汜曰元龍湖海之士豪氣未除劉問故汜曰昔過下邳見元龍無主客禮自上大牀臥使客臥下牀劉曰君有國士名而不留心救世乃求田

問舍言無可采是元龍所諱也如我自當臥
百尺樓上臥君于地下何似于上下牀間哉

陳 湯

漢字子公山陽瑕丘人仕爲郎使外國矯制發兵斬郅支單于後賜爵關內侯西域都護段會宗爲烏孫所圍朝用湯議解其圍 雄向曰懸旌萬里之外揚威崑山之西自漢以來征伐方

外之將未
之有也

陳俊

漢南陽西鄂人少爲郡吏從光武擊銅馬王校短兵所向必破斬其渠帥光武嘆曰戰將盡如是吾何憂哉以功封祝阿侯

陳靖

漢餘干人幼慷慨有大志王莽篡漢靖忿恨聞王常起曲阿率義兵赴常署爲中牙典軍校尉甚得江湖間心光武時拜散騎常侍以母老乞歸封餘干侯

陳遵

漢字孟公杜陵人哀帝末以功封奮威侯性好客每會飲取客車轄投井中雖有急不得去善書凡與人尺牘衆皆珍藏之初爲京兆史列侯有與同姓字者每至入門坐中莫不震動既至

而非因號曰陳驚座

陳重

漢字景公宜春人少與鄭陽相善最密舉孝廉爲郎有同署郎負息錢數十萬債主日至重密爲代還終不言惠與義俱拜尙書郎義黜重亦以病免復舉茂才爲細陽令政有異化遷會稽

太守

陳臨

漢字子然香山人爲蒼梧太守推誠而理嘗有殺人者爲吏所獲臨知其無嗣令其妻侍獄中後產一男郡人歌曰蒼梧府君惠及死能令死人不絕嗣

陳安世

漢京兆人稟性慈仁家貧爲樸叔本家備賈叔本好道有二仙人託爲書坐從叔本遊叔本意怠二仙曰幾成而敗矣見安世篤實曰汝好仙乎曰好二人與約明日早會大樹下三期皆早

至乃以藥二丸與之服不復食但飲水叔本知其得仙反師事之後安世白日昇天

陳稚升

漢蒼梧太守政事多暇嘗臨水釣魚民醇訟簡與之相安

陳寔

漢字仲弓桓帝時爲太丘長在鄉里平心率物其有爭訟輒求判正衆歎曰寧爲刑罰所加不爲陳君所短嘗夜讀書有盜止梁上寔呼子弟謂曰不善之人未必本惡習與性成遂至于此

梁上君子是已盜驚投地稽首歸罪寔曰當由貧困所致遺絹二匹遣之嘗詣荀淑使長子元方將車季方執杖孝先長文尙幼坐車中既至荀使叔慈應門慈明行酒餘六龍下食文若尙幼坐膝前是

夜德星聚明日太史奏五百里內有賢人聚卒諡文範先生 客有問陳季方足下家君太丘有何功德而荷天下重名季方曰吾家君譬如桂樹生泰山之阿上有萬仞之高下有不測之深上爲甘露所霑下爲淵泉所潤當斯之時桂樹焉知泰山之高淵泉之深不知有功德與無也 中常侍張讓母死名士無至者讓深耻之寔獨往弔後黨人之禍寔自復免善類得其保全者頗多長子紀字元方次子諶字季方與父寔並著高名時號三君元方子長文季方子季先各論父功德咨於祖太丘太丘曰元方難爲兄季方難爲弟 太丘與友期行期日中過中不至太丘舍去去後乃至元方時年七歲門外

戲客問元方尊君在不答曰待君久不至已去友人怒曰非人哉與人期相委而去元方曰君與家君期日中日中不至則是無信對子罵父則是無禮友人慚下車引之元方入門不顧

陳

蕃

漢字仲舉汝南平輿人年十五獨處一室庭宇荒蕪父友薛勤候之謂曰孺子何不灑掃以待賓客蕃曰大丈夫當掃除天下安事一室勤甚奇之爲樂安太守時郡人周璆高潔士也蕃字之而不名既遷守豫章不接賓客惟徐禰來特設一榻去則懸之後拜太傅與大將軍袁武謀誅宦官反爲所害蕃既被害郭林宗哭之于野慟既而歎曰人之云亡邦國殄瘁瞻烏爰止不知于誰之屋

陳

農

漢成帝河平三年以中祕書散亡使講者陳農求遺書於天下詔光祿大夫劉向校之

陳

矯

三國東陽人魏明帝時爲尙書令帝嘗至尙書門矯跪請曰陛下欲何之帝曰欲按行文書耳矯曰此臣職非陛下所宜臨也帝乃命回車其直亮如此

陳

泰

三國字立伯高貴鄉公時爲尙書右僕射大將軍司馬師殺帝太傅司馬孚并泰枕帝尸於股號哭盡哀大將軍入禁中泰見之悲慟大將軍亦相對泣謂曰立伯其如我何泰曰獨有斬質

充少可以謝天下大將軍久之曰卿更思其他泰曰豈可使泰復發後言遂嘔血死

陳

壽

晉字承祚巴安漢人少好學師事同郡譙周張華愛其才舉孝廉除著作郎撰三國志六十五篇時人稱其善敘事有良史之才又著晉書十餘篇行于世

陳

達

晉宣六世孫永嘉中爲長城令有惠政嘗謂所親曰此地山水秀麗當有王者興二百年後我子孫必鍾斯運遂家焉後十世孫簡先受梁陳命

陳遺

晉吳郡人性至孝母好食糲底焦飯遺作都主簿但裝一盞每煮食輒貯餘焦飯歸以遺母後值孫恩作亂吳郡袁府有松野日便進征遺已聚得數斗焦飯未及歸家遂帶以從軍戰於淝

清而敗軍人潰散逃走山澤皆多餓死遺獨以焦飯得活人以爲純孝之報也母憂

夜蒸泣自爲失明耳無所聞遺還入戶再拜號咽母憐然卽明後又爲河南孝廉

陳方期

晉字長年以孝行稱太康中辟爲功曹不就親喪號泣幾滅性一日假寐若有人曰無益存亡領擇出處既寤終身不仕

陳慶之

南北義興國山人幼從梁武帝甚見親賞爲武威將軍後除假節總知軍事與魏兵相持各數百戰魏人倚角作十三城慶之陷其四疊復鼓噪攻其九城斬獲殆盡二子昕暄俱有名長

子昕字君章七歲能騎射十二隨父入洛還都詣鴻臚卿朱异异訪北間事昕聚土畫城指揮分別异甚奇之慶之在懸瓠魏營將燒雄于寶樂恃其驍勇求單騎校戰昕躍趣寶樂雄卽潰散太清二年侯

景圖歷陽昕爲重將軍騎未及下清爲景所虜使其儀同范桃棒嚴禁之昕因說桃棒歸降許之遂立盟射城中景邀得之逼昕更射昕不從遂遇害次子暄學不師受文才俊逸尤嗜酒其兄子秀嘗憂

之暄與秀書曰吾旣寂寞當世朽病殘年若不日飲醇酒復欲安歸汝以飲酒爲非吾以不飲酒爲過吾平生所願身沒之後願其墓云陳放酒徒陳君之神道若斯志意豈避南征之不復賈誼之痛哭哉

速營糟丘吾將老焉太康中徐陵爲吏部尙書暄直上陵坐陵不之識命吏持下暄徐步而出舉止自若後主在東宮引爲學士及卽位遷通直散騎常侍後主甚親暄而輕侮之嘗倒懸于梁臨之以卞命

使作賦仍限以晷刻暄拔筆卽成後傲弄轉甚後主不能容暄發悸而死

陳奇

南北河北人少孤奉母至孝博通諸經於易尤達常非鄰立馬融解經失旨因作注釋與河間邢祐同赴召補祕書太尉高允曰奇通識遠致非凡學所及其爲名流見知如此

陳茂

隋實直恭謹文帝引爲僚佐待遇甚厚嘗從帝與齊師戰於晉州賊甚盛帝將抗戰茂固止不得因促馬控帝怒拔刀斫其額流血被面辭氣不撓帝感而謝之

陳元敬

唐梓州射洪人弱冠豪俠歲饑嘗散粟萬斛以賑鄉里後以明經擢第拜文林郎武后居攝遂由樓茹木而終子昂字伯玉文明初舉進士上書言事武后奇其才擢麟臺正言累遷右

衛黎軍唐之文章王子昂始變雅正王適稱爲海內儒宗子昂初入京未遇有賣胡琴者價百萬豪貴傳示無辨者子昂斂千緡市之衆驚問曰余善此樂明日可集宣陽里衆如期飲畢笑曰蜀人子昂有交百軸碌碌塵土不爲人知此樂賊工耳豈足留心學琴者之以文軸編贈會者一日名震京師

陳叔達

唐字子聰武德初判納言嘗賜葡萄酒不舉帝問之對曰臣母病渴求不能致願奉之

陳巖

唐字夢臣建寧縣人慷慨有智略乾符間黃巢轉掠福建諸州巖聚衆數千號九龍軍保鄉里巢不能爲害時邑爲黃連鎮巖表爲寧義軍置鼓角賜牌印巖剪餘寇撫安鄉井境內賴之中

和四年福建觀察使鄭鑑表巖自代巖爲治有威惠吏民懷服

陳道明

唐時州人日織草芻蕘以養稅又於開元寺潛作屨施行路者人號陳蒲鞋黃巢兵犯境一郡洵洵明戒勿憂織大草履命標之三十里外巢軍竭力不能舉巢曰有大聖人在此乃捨城去

民免兵難壽九十八端坐而逝宋賜號悟空禪師

陳詡

唐字載物貞觀中及第三府交辟德宗覽奏異之詡以文章名於時官終戶部員外郎知制誥有詩集十卷子納字廣裕亦及第

陳利貞

唐幽州范陽人初爲平盧將從李光弼征安祿山累遷太子賓客封靜戎郡王李希烈叛利貞出奇兵橫擄賊鋒朱泚反麾下欲從亂畏其勇乃止德宗嘉之擢汝州防禦使

陳京

唐桐廬人有制行親喪虛墓制史蕭定上言詔表其門時人目所居鄉曰至德里曰如曾

陳饒奴

唐饒州人年十二父母併亡寄弱居喪又歲饑或勸其分弟妹可全性命饒奴流涕丐訴不忍離散衆爲感動刺史李復給資儲署其門曰孝友童子

陳岳

唐玉蜀人累官南昌觀察判官著唐書自高祖至穆宗爲統紀一百卷子濬任揚吳爲翰林學士濬吳濬二十卷

陳 賦

五代閩人志操古朴不荷仕進居廬山三十年學者多師事焉南唐主以幣致之賦布裘鹿鞞進止閒雅因歎景陽臺懷古詩南唐主稱善欲授官固辭賜粟帛遣還

陳 陶

五代劍浦人結廬西山吟咏自適殊有佳語如中原不是無鸞鳳自是皇家結網疎之可人所稱道陶操行高潔郡守嚴譔欲試之遣小妾蓮花往視陶竟夕不納妾獻詩曰蕪花爲泥玉爲

膠珍重尙書遺妾來處士不生巫峽夢空勞雲雨下陽臺陶答云近來詩思清於水老去風情薄似雲已向昇天得門戶錦衾深愧卓文君

陳 搏

五代字圖南真源人隱居華山寢處百餘日不起嘗乘白驢欲入汴中塗聞太祖登極大笑墜驢曰天下自此定矣太宗召以羽服見于延英殿宋琪問脩養之道搏曰假令白日昇天何益

于世今君臣同德興化勤行脩煉無出于此帝益重之賜號希夷先生又自號扶搖子方四歲戲渦水側有青衣迺抱置懷中乳之聰悟日益入武當山辟穀鍊氣二十餘年徒居華山雲壑觀周世宗召至禁中賜號白雲先生宋太宗再召辭曰九重仙詔休教丹鳳銜來一片野心已被白雲留住端拱初命弟子張超鑿石爲室化形蓮花峰下搏嘗曰優游之地勿久戀得志之地勿再往聞者以爲至言

陳 恕

宋字仲言南昌人少爲縣吏折節讀書第進士通判澧州以吏幹聞召爲三司判官累遷鹽鐵使太宗深器之官至尙書左丞封晉公恕爲戶部郎時眞宗命條具中外錢穀以聞恕曰陛

下富于春秋若知府庫充實恐生侈心臣不敢進嘗知貢舉首薦王曾歎曰名世才也時號知人

陳省華

宋閩中人智辯有吏幹初仕孟景爲西水尉蜀平歸宋累官光祿卿拜諫議大夫卒贈太子少師封秦公三子堯叟堯佐堯咨每賓客至三子衣金紫侍立客去秦公曰此兒子輩天下以

秦公教子爲法陳氏世家爲榮長子堯叟字唐夫端拱初登進士第一累官同平章事後以右僕射知河陽卒諡文忠堯叟偉姿貌奏對明辯久典機密軍馬之籍悉能周記所著有請盟錄三集次子

堯佐字希元進士及第官至叅知政事同平章事以太子太師致仕卒諡文惠爲人寬厚儉約好學不輟善古隸尤工詩自號知餘子所著有文集三十餘卷季子堯咨字嘉謨精於弧矢自號小由基咸

平中進士第一爲知制誥出守荆南其母馮氏問曰汝典名藩有何異政咨曰州當孔道客以堯咨善射無不歎服母曰汝父教汝以忠孝輔國家今不務異政善化而專卒伍一夫之技豈汝先人之意耶

以杖擊之金魚墜地卒謚康肅子
述古篤學能文官至館閣校勘

陳

漸

宋堯叟從子少以文學知名太宗時嘗與父堯封同廷試漸中第辭不
就願擢其父許之後累官耀州節度推官有文集十五卷自號金龜子

陳

侃

宋字君和永嘉人居建牙鄉事親至孝親有疾省侍嘗藥夜不解衣執喪盡禮五世同居家無
異爨至道二年郡守何蒙上其事太宗嘉之詔旌表其門閭曰孝門陳君賜其母李氏束帛杭

米祥符七年侃卒今建牙
鄉猶稱其門曰陳孝門

陳

綱

宋字舉正泉州同安人淳化中第進士為建州觀察推官故事歲春夏間率丁夫數萬為採茶
之役綱以為奪民時勞民力奏請以北苑園供御之外餘皆賦民收其租入在民者官復定其

直償之詔如所
請建民德之

陳

謙

宋字益之永嘉人累官寶謨閣待
制著兩漢精義及春秋解等書

陳彭年

宋南城人博聞強記年十三著皇綱論萬餘言真宗時上表獻箴詳練儀制真宗器重之一日
賜坐便殿對甚從容上因問墨知墨充是何人彭年曰伯夷叔齊也上問見何書曰春秋少陽

即令祕閣取此書既至令于第幾版尋檢果得之
上甚喜累官兵部侍郎未幾擢為執政諡文僖

陳

競

宋德安人十八世同居太宗旌表其
門世號義門陳氏弟旭拜江州助教

陳

烈

宋福州人為人介僻孝友居親喪勺飲不入學行端飭動遵古禮
從學者常數百仁宗朝歐陽脩薦之召為國子監侍講辭不至

陳

芳

宋河陽人一門十四世同居三百年孝義
為寺所重芳士為大理寺丞召在長其門

陳洙

宋字思道建陽人登進士第歷殿中侍御史嘉祐中上疏與司馬光乞早建儲嗣且曰陛下以臣懷異日之圖莫若殺臣之身用臣之言疏方上即飲藥以卒奏下大計遂定仁宗聞洙死賜

錢百萬元祐初用光之言官其一子

陳知柔

宋字體仁溫陵人自號休齋居士在天台乘安輿徧遊名山歸至會稽愛巖壑之秀畱止二年寵賀州歸畱惠易三年暇日泛湖登白鶴峰追和東坡詩陶寫羅浮風物殆盡凡四奉祠諸生

受業戶履寄第姪模楷皆登第

陳之奇

宋字漢卿吳人其母丁謂妹謂欲授以官之奇不赴後官中允即乞歸每出行小兒必斂容曰此陳君子也四方賢士至吳則相造請與胡瑗蘇舜欽爲友時號吳下三賢

陳從易

宋字簡夫晉江人天聖二年知廣州罷任還不著南物仁宗聞之擢知制誥御書清字以賜之元豐中從易外孫蘇頌知滄州陞辭語及親戚畱京師未能偕行上問頌母誰氏對曰故龍圖

直學士陳從易之女因及前事神宗曰其清節過於馬援矣

陳道周

宋潭州人少孤貧奉母至孝母歿感慕自陶埶口成五枚歷四年塋墓高三丈墓成而道周繼亡附葬母傍鄉人立碑表之

陳希亮

宋字公弼青神人幼孤好學其兄使治息錢希亮悉召遺家焚其券天聖中舉進士歷知數府州累官太常少卿以才幹剛直名長子忱度支郎中次子恪滑州推官三子恂大理寺丞季子

鎡字季常寓居黃岡號方山子又號龍丘子有隱名以溪山自娛初與東坡同學於道士張易簡後東坡謫居黃州與之往來倡和爲作方山子傳

陳汝錫

宋字師子青田人幼穎悟數歲能屬文或以其詩一聯示黃庭堅曰閒愁莫浪遣畱爲痛飲資黃擊節稱賞曰我輩人也紹聖四年由太學登進士第邑之登第自汝錫始崇寧間諸路學事

始置提舉首除提舉福建學事官至浙東安鎮使有鶴溪集判于郡齋子棟以父任終通判潭州著蒙隱集邢于宜春

陳如晦

宋字日昭長樂人幼嗜學貫穿經史從勉齋黃幹遊嘗讀西山真德秀夜氣箴作曰須見得冬爲四時之夜夜乃一日之冬便是自家鄉晦入息處又見得造化發育之妙便是自家事物周旋處於此敬慎夾持動靜交養則兩得之矣遂次其韻爲生意箴後西山得其箴亟稱賞焉一時耆德鉅公樂與晦爲道義交

陳起宗

宋字與祖少入庠連冠多士一日歸省囑同舍生投試卷起宗治書同舍嫉之輒易以周禮試復第一年三十七以微猷闈學士知井州卒起宗工詩灑灑有陶謝風

陳世脩

宋恭公執中之姪恭公生日親屬多獻老人星圖世脩獨獻范蠡遊五湖圖且贊曰賢哉陶朱竊越平吳名隨身後扁舟五湖公卽日納節

陳易

宋字體常少好學該綜經史工詩與寧初遊京師會太學秋試諸生競求舉易以爲非吾所以學卽棄去乃從佛氏之徒論出世法有所契就邑蔡溪之左結廬而處遠韋絕慾日惟一飯遇風雨溪漲則併一孟飯間經句不食易亦自若如是者五十年不變嘗曰性命之理儻與釋一也顯爲教不同耳崇寧初舉遺逸又舉八行郡守郭重致禮聘易謝牋曰早粗脩於八行晚但了於一心心既本無行亦何有重不敢強易嘗傳易學於仙遊張弼自謂有得又旁涉五行醫卜地理之術善筆札作文必精警平生無忤視妄言教人必本於孝弟其接朋友或終日不交一談或語莊老釋氏塵壘不倦蓋隨其興意所至人莫得而測也宣和八年卒

陳經

宋字正甫安福人慶元中進士官終奉議郎泉州泊幹經嗜書成癖啓益後學爲多有書解五十卷及詩講義存齋語錄行世

陳敏

宋無錫人舉進士知台州朝命立元祐黨籍碑敏不肯立監司促之急敏曰誣司馬相公爲好臣是無天也倅立之敏碎其石或咎敏敏曰我死且不辭何彈劾之畏遂掛冠去後以八行薦

不起

陳師道

宋字無已彭城人少刻苦問學高介有節諸經皆有訓傳於詩禮尤邃苦吟每披土覓句或累日不起其爲文師嘗爲詩宗黃庭堅平爽雅健自成一格

詞色不敢出元祐中編職鵬其文行除本州教授累遷秘書省正字從徽宗郊時天寒趨庭之與一裘無已據其食汚部之而凍死

陳與義

宋字去非洛陽人天資卓偉政和間上舍甲科累官太學博士徽宗見所賦墨梅詩有見晚之歎紹興中拜翰林學士遷參知政事其出處氣節文章翰墨卓然可稱所著有簡齋集行于世

陳朝老

宋字廷臣政和人元符末爲太學生論事劄切囊諫受蔡京風旨以狂妄目之大觀三年以何執中爲左僕射朝老上書曰陛下卽位以來凡五命州有苦韓忠彥之庸懦曾布之賊汚趨擬

之之素愚蔡京之跋扈今復相執中執中碌碌常質初無過人天下敗壞至此如人一身臟腑受疹已深豈庸醫所能起乎執中黃綠攀附致位二府固已大幸遽傳之經體贊元是猶以蚊負山多見其不

勝任也宣和未與陳東等上書論蔡京等編置道州建炎改元遇宥歸耕石門紹興間三詔徵之堅辭不赴學者稱曰陳三詔

陳禾

宋字季實鄞縣人元符中進士累官殿中侍御史遷左正言立朝有風操嘗與對論童貫不已徽宗欲起禾引帝衣願畢其說衣裙落帝曰正言碎朕衣矣禾曰陛下不惜碎衣臣豈惜碎首

以報陛下帝色變曰卿能如此朕復何憂卒諡文介

陳公輔

宋字國佐臨海人政和三年上舍及第調平江教授累官至禮部侍郎端方之操始終不渝爲諫官論書劄切疾惡如仇晚居田里著書自樂有文集二十卷奏議十二卷子夷行登進士治

行高
潔

陳東

宋字少陽丹陽人傲齷負氣宣和末在太學上書論蔡京童貫王黼夸彥梁師成朱勳六人且曰此六賊者異名而同罪伏願陛下擒之肆諸市朝傳首四方以謝天下欽宗嘉納之至高宗

南渡復力陳請相李綱滌黃潛善汪伯彥二人誣以訕上殺之東初未識李綱特以國家故爲之死識與不識皆爲流涕及汪黃貶逐高宗悔悟追贈秘閣脩撰官其親屬一人卹其家

陳襄

宋字述古侯官人初爲浦城簿民有失物者捕偷兒數輩問鞠襄曰某廟鐘能辨盜犯者們之輒有聲乃引偷兒詣鐘所陰使人以墨塗鐘以帷藉之令偷兒一一暗摸出繪其手皆有墨惟

一人無墨訊之乃服遂按之累遷判尚書都省論青苗法不便乞貶王安石呂惠卿請罷韓絳政府以杜大臣爭利而進者風節凜然嘗使契丹不屈學者概爲古靈先生

陳叔易

宋初與晁以道俱隱嵩山叔易赴召晁以詩送之云處士何人爲作牙盡搗猿鷄到京華故人巖壑應惆悵六六峰前只一家以道宣和間領郡人復以此嘲之

陳剛中

宋字彥深侯官人性慷慨致論事胡銓以劾秦檜貶昭州剛中啓曰知無不言願借尙方之劍不遇故去聊乘下澤之車檜怒遂與張九成同謫客死貧不能葬士論惜之

陳至道

宋字元和號野雲崇高節至孝養親不仕親歿終身初度閉門杜客必躬酌松楸戀戀盡日不能返以詩鳴後隱香嶺得道上昇爲冲和大仙人號詩仙

陳可大

宋字齊賢仙遊人父汝器喜積善一夕飛錢滿其室視曰願一子光顯門閭乞錢減半可大政和中登科調漳州工曹兼右推後知榮慶府民不能欺去郡之日唯衣衾書藉而已官終朝請

夫大

陳康伯

宋字長卿戈陽人以直節忤秦檜家居十餘年檜死拜尙書左右僕射性沉靜明敏語不妄發嘗謂大臣當盡公若佞阿極黨鄙夫所爲每勸高宗蚤爲兵備因奏曰金狄敗盟天人共憤

今日之事有進無退聖意堅決則將士之勇自倍帝嘗謂輔臣曰康伯有器量其從容不迫可比晉謝安卒封信國公

陳瓘

宋字彥中沙縣人登進士徽宗朝爲右正言以論蔡京蔡卞連謫通台楚州瓘平生論京卞皆披瀝其處心發露其情惡故爲京所忌恨而得禍最酷嘗論會布專權貶居合浦杜門謝客擢

子史中有關係者卽錄粘于壁久之合爲一卷名曰壁記或問游辭以當今可以濟世之人醉曰四海人才不能周知以所識知陳了翁其人在楚州病發劉安世使人勉以醫藥自輔曰天下將有顛于公當力加保養以待時用卒于楚州追贈諫議大夫諡忠肅自號了翁所著有兩漢議論八十卷尊獎集十二卷子正業在杭訟蔡京有勳擢東宮之述杭守蔡巖執正彙送京師蔡京黨李孝壽坐以

所告失實

陳淵

宋字分默瑞兄孫自少穎悟於書無所不讀師鳩時其深識聖賢旨且妻以子高宗朝爲監察御史遷右正言其行已立朝忠言謫論爲時所重

陳祥道

宋清縣人元祐中爲太常博士終祕書省正字著禮書一百五十卷弟暘應紹聖制科累官至禮部侍郎著樂書二十卷

陳德豫

宋字子順連江人少好學博通六藝諸子百家之旨淳熙中登進士甲科調建州戶曹試教官首選分教宣城郡學舊有二程遺文時禁程氏學令焚毀之德豫護藏唯謹改京教累遷諸軍糧料院歲早求言德豫上封事以諱天變諱人言爲致早之由乞去二諱以回天變上嘉納之又累遷著作耶會胡僧入覲錫予甚豐乃歷陳梁武之失吳端邪說不足信即日有旨出胡僧於國門之外官

至大理卿有文選三十卷

陳桷

宋平易人政和中進士權禮部侍郎寬洪蘊藉以誠接物而淡於榮利自號無相居士有文集子汝楫汝賢汝諧孫覲俱以辭學擢第

陳俊卿

宋天資忠孝清嚴好禮在朝正色立言無所顧避凡所奏請闕治亂安危之大者其立意一以先哲爲法孝宗因射傷目俊卿切諫有云誠能任智能之士以爲腹心仗武猛之將以爲爪牙明賞罰以鼓士氣恢信義以懷歸附則英聲義氣不出樽俎之間而敵人固以逖巡畏讎於千里之遠尙何待馳射於百步之間哉時以爲名言子必以父任監進奏院慷慨盡言遷軍器監簿又言三事

謂人主之德貴乎明大臣之心貴乎公臺諫之言貴乎直後直祕閣卒所著有春秋三傳抄續通鑑綱目唐史贊疣等稿

陳均

宋字平甫俊卿從孫安貧力學以累舉當奉奏對不就叅稽宋史及司馬氏稽古錄徐氏國紀李氏續通鑑長編諸書用朱子綱目義例提要備言輯成宋鑑舉要備要二書起太祖建隆庚

申迄寧宗嘉定甲申凡八十八卷端平初時宰言於朝下福州取其書賜迪功郎不受

陳炳

宋韓縣人結廬睦岫躬耕求志與學者琢磨俱成雅器有文楮十卷白雲編二十卷包拯嘗師事之志其墓曰文高表世學優入聖

陳燾

宋宦白人誓目十年紹興間母死將葬燾欲扶柩至壙人或止之燾曰母生我鞠我今日視入土燾忍以疾辭執紼二里雙目頓開人皆異之

陳敏脩

宋號市隱居士紹興中進士第三人玉音云卿便是陳敏脩年幾何對曰七十三問有幾子對曰未娶乃出內人施氏嫁之年三十貨奩甚厚時人語曰新人若問郎年紀五十年前二十三

陳嶠

宋字景山年近六十方及第有儒家以女妻之合舊夕作詩云彭祖尙聞年八百陳郎猶是小孩兒

陳舜申

宋字休謨浦江人七歲能屬文淳熙中舉進士歷衡陽秭歸教授累遷知濟浦縣有惠政遷著作郎入對以正心任人爲先直而不訐上皆嘉納由是有忌之者遂主管武夷冲祐觀起衆議

淮關未赴卒舜申以學問淑後進以行義率鄉里以節操立朝廷以義方教子孫所著有易鑑語孟中庸大學集解渾灝發旨審是集兵書訂解及高齋文集

陳大年

宋字彥永貢辟雍同舍生陳仲防患疫人皆避之大年曰疾病相棄豈友誼耶爲召醫診視已而仲防獲謝曰彥永所謂生死交情者也以特奏名再調昭州推官嘗攝州事民皆宜之

陳亮

宋永康人自幼穎異才氣超邁善談兵議論風生志存經濟隆興初上中興五論不報退益力學著書淳熙中更名同詣闕上書極言時事帝將官之亮笑曰吾欲爲社稷開數百年之基寧

用以博一官乎曾觀聞欲見焉亮耻之踰垣而逃卽渡江而歸其學自孟子後惟推王通嘗曰研窮義理之精微辯析古今之同異以積累爲功以涵養爲正則於諸儒誠有愧焉至於堂堂之陣正正之旗

風雨雲雷交發而並至龍蛇虎豹變現而出沒推倒一世之智勇拓開萬古之心胸自謂差有一日之長紹興四年策士問禮樂刑政之要亮以君道師道對光宗大悅御筆批爲第一授簽書建康府判官

尋卒諡文毅

陳傅良

宋字君舉瑞安人乾道中進士爲中書舍人時光宗以疾不朝重華宮傅良抗疏忠懇至引帝裾言與淚俱後官至寶謨閣侍制卒諡文節傅良與張拭呂祖謙爲友文擅當時學者稱止齋

先生所著有左氏章旨及兩漢博議等書

陳●埴 宋永嘉人從學於文公所著有萬貫辯木鐘集等書學者謂

陳季雅 宋著有漢唐論斷行于世

陳孔碩 宋侯官人師事朱熹為高弟累官尚書郎卒祠于學

陳天麟 宋宣城人天資豪爽慷慨重義紹興中進士累官至集賢殿脩撰嘗編易三傳及西漢南北史左氏綴節等書

陳淳 宋字安卿龍溪人朱熹守潭時淳從游郡齋熹曰南來吾道得一安卿淳無書不讀無物不格義理貫通洞見條緒學者稱為北溪先生

陳天隱 宋字君舉蘭谿人端重好學父兄蚤喪事母以篤孝稱母將葬時六月六日畏日如焚先期焚香禱乞雲霧覆棺人皆晒之已而果應既窆雲散人皆異之

陳墳 宋字和仲鄞縣人嘉定中進士敏於為文頃刻數千言為人明白洞達一言之出終身可復仕終國子司業子榮年十八上萬言書論國事任為淮東總領官

陳嘉言 宋景陵人為復州學諭以文行為鄉里所推開禧初金人犯景陵被執脅使降嘉言厲聲罵賊自沉於水同室六人俱死

陳天福 宋茶陵人歲凶發廩平糶貧不能繼者天福輒周之有道士丐米福與之一斗道士酬以百錢福弗受道士出題其壁有桂子蘭孫聯步武之句後子桂孫蘭孫果登第亦慕義樂施有父風

遭宋季易姓弗復為祿仕營東山書院為終身計博學好古著述尤富輯文選補遺四十卷行于世

陳壽孫 宋瑞安人寶祐間登第授台州教授會新郡守初視篆乃丞相丁大全之黨至謁朔日壽孫乃揚言曰昔冉求為季氏聚斂聖人尚欲鳴鼓而攻之太守乃丁大全黨聚斂之徒烏可升吾夫

子之堂哉守聞之遂解印去後直龍圖閣歷福建提刑倉吏聞畏懼引去後入覲與賈似道爭鹽法事被劾歸里元兵至率市人操兵聚瑞安白巖橋禦之取民居扉戶牀桌累以為柵兵至民散潰遂被執

元將欲降之嘆曰厲聲曰我大宋靈臣乃從爾胡耶何不速殺我遂囚于獄邑吏或戲之曰提刑亦下獄耶孫孫叱之曰吾志尚能斬賊配吏顧力屈耳元將壯之命縊死於獄

陳 濬 宋字可大都昌人 潛心理學註禮記

陳元大 宋字孔頌號北山世稱北山先生元大遠接洙泗之傳尚友於濂洛關閩中君子任溫州儒學教授著四書講義行于世宋末來遊吳之常熟愛其風俗山水之美遂居焉子後山亦以道學

鳴仲子昇慷慨有大節當時敬仰 山斗孫伯琬伯珪皆為邑之名士

陳 容 宋三山人人呼為陳所翁寶祐元年由太學生知平陽縣簡易從容邑人化之時與名士論文 講藝數釋大義士習以興至於崇社稷闢道路通溝洫議賑糶民事舉備暇時則游戲翰墨以

蓋龍名

陳堯舉 宋南豐人淳祐中進士官至通判臨江軍營承江西運司檄考試廬陵士 子拔擢文天祥咸謂其知人居官甘澹泊毫無妄取學者稱為風崗先生

陳 瓚 宋字琴玉少有志節德祐中布衣詣闕上攻守之策不報景炎丙子媾家財航海助張世傑贍 軍世傑奇其才欲奏以官不受元人既執文龍以去就命林華為守瓚陰部署資客募義民誅

華復其城端宗除瓚知軍事且令乘勝與世傑倚角復福泉二州會凌都兵至瓚力不支被執欲使降 瓚曰汝知守城不降曰文龍者吾姪也吾家世忘義豈向胡狗求活耶凌都大怒車裂以殉張世傑上

其事贈兵部侍郎諡忠武子 若水張世傑辟為督府架閣

陳 炤 宋常州人元兵至常州知府姚善辟炤為通判與善協力固守城破嘗死炤猶巷戰家人曰 東北城可走炤曰去此一步非死所矣日中兵大至遂死焉事聞追贈直寶章閣官其子

陳敬叟 宋字炳然臨武人博學能詩文咸淳中進士授迪功郎主簿來陽學錄德祐時北附遂隱居不 仕益肆力於詩文有巽溪集若干卷行于世 子華伯字奎龍少習舉業後改讀經經目鳳

大義才藻秀發義不仕元胥生調略不治生業田數頃亦輒易去茅屋數椽室中釜盎亦無完器唯閉門玩讀雖饑食不廢其自著作題咏名曰巽溪詞藁

陳天瑞

宋公輔之後師事金華王栢明性理之學志潔而行廉爲金華令有能名宋末隱遁林壑詩文極高古效淵明書甲子文集五十卷

陳卓

宋咸寧人有田五千兄之田止一千願合戶而同之且曰人生飽煖之外骨肉交歡而已其後兄子康民登進士官至大中大夫

陳元桂

宋臨川人淳祐中進士知臨江軍開慶初元兵奄至元桂力疾登城督戰吏卒勸之避去元桂曰時事如此與其死於饑饉疾病盜賊孰若死於守土之爲光明俊偉哉兵至元桂叱罵不屈

遂遇害諡正節立廟死所

陳龍復

宋泉州人與文天祥同登第歷官太府少卿天祥開府南劍分司潮州積糧治兵天祥賴之及移屯爲元兵所襲死焉

陳寅

宋爲西河守元兵滿城寅竭智固守力不能支遂陷寅謂妻杜氏令避兵鋒杜氏曰安有生同君祿死不共主事者即飲藥自殺寅遂伏劍死

陳文龍

宋莆田人能文章負氣節淳祐進士第一累官叅知政事益王入閩稱制以爲閩廣宣撫使討平漳州興化元兵至有勸其降者文龍曰諸君特畏死耳未知此生能不死乎後被執至杭州

不食死

陳學心

宋崇安人淳祐間登進士歷官高州知府謝枋得起兵使守安仁元兵至力戰死之

甄

中山徵音舜陶甄河淑因氏音眞又云音堅

甄字

漢字長文拜博士每臘日詔賜博士人一羊字獨取其瘦者後朝會詔問瘦羊博士所在

甄

甄

甄

甄

甄叔遵

漢撰七要
本啓三卷

甄彬

南北定州人有行業鄉黨稱善嘗以苧就人質錢後贖苧於束中得五兩金即送還之爲益州錄事參軍帶郵縣令將行同列五人梁武誠以廉慎至彬獨曰卿昔有還金之美故不復以此

言相
屬

甄濟

唐字孟成無極人好學隱居青巖山遠近高其節環山不敢樵採諸府辟召皆不起玄宗嘗強致安祿山府中濟知祿山有反謀遂脫歸祿山反緘刃以授使曰即不起斷其頭來使至濟引

頭待刃使嘆歎而止後肅宗召授郎還太子舍人

甄權

唐中山人嘗以母病與弟立言專醫方得其旨趣隋開皇初爲祕書省正字

秦

天水徵音頡頏孤姓伯益之後裔孫非子封于秦因氏又望出太原又齊郡

秦

緩

周字越人鄭人居渤海少爲舍長客長桑君過緩奇事之君亦知緩非常人私謂曰我有禁方年老欲傳與君毋泄乃出懷中藥曰飲者以上池之水三十日當知物矣悉取禁方與之晉

景公有疾求醫于秦秦伯使越人往未至公夢疾爲二鬻子曰彼良醫也懼傷我焉其一曰居育之上膏之下若我何越人至曰疾在膏育之間攻之不可達刺之不可入公歎曰良醫也禮而遣之過虢

慎太子死緩視之曰此尸豎也臣能生之以藥飲之頃乃甦

秦

非

周魯人孔門弟子樂善墓道後世封華陽侯

秦

祖

周秦人孔門弟子篤于守道唐封少梁自宋加封郟威侯

秦冉 周孔子弟子

秦彭 漢字伯平茂陵人六世祖襲與羣從五人曰時為二千石三輔號萬石秦氏彭建初時為山陽太守以禮訓人後徙潁川有鳳凰獻麟嘉禾甘露之瑞肅宗巡行郡國輒加獎賚

秦周 漢黨人八尉之一

秦宓 三國字子勅綿竹人少有才學州郡辟命皆不往漢昭烈定益州廣漢太守夏侯雲請為師友祭酒宓臥不起及諸葛亮領益州牧選宓迎為別駕吳遣張溫來聘百官往錢宓與溫論天際

聲而對溫大敬服

秦伯南 三國曹真之父也夙與曹操善袁術部黨與操攻劫操出寇所追走入秦氏伯南開門受之寇問操所在答曰我是也遂害之由是操思其德故以其子真襲姓曹氏

秦瓊 唐字叔齊歷城人從太宗征伐有功累官左武衛大將軍贈徐州都督封胡壯公圖像凌煙閣

秦景通 唐晉陵人與弟暉皆精漢書號大秦小秦一時治漢書者多出其門官至崇賢館學士

秦系 唐字公緒天寶末避亂剡溪客泉州南安有大松百餘結廬其上穴石為研注老子號南安居士與劉長卿偕和權德輿曰長卿自以為五言長城系儒師破之雖老益壯

秦觀 宋字少游號大慶工詞賦元祐初東坡以賢良方正薦于朝除太學博士山谷詩云少游五十策其言明且清以初應制科進策五十篇也坡薦之安石安石曰君奇秦君口之而不置我得

其文手之而不釋嘗鼎嘗旨可知矣官至國子編修弟觀坐貶有淮海閒居集

秦傳序 宋江寧人淳化中充夔峽巡檢使賊攻夔州傳序督七卒晝夜拒賊久之度力不支乃為職書遣人上報赴火死子爽泝峽求父屍溺死人以為父死于忠子死于孝奏至太宗惻然錄傳序

子煦為殿直

秦當

宋上黨人金季兵起家山麓為洞率親以居傍築大洞墜其里中百人具牛酒出待兵兵入索惟見親屬曰孝士也釋之去人甚德之孫起宗仕元累官兵部尚書

申

魏郡商音姜姓炎帝之後封于申號申伯以邑為氏又望出丹陽

申伯

周宣王母舅封申侯築城于謝仲山甫作詩送之曰崧高維嶽峻極于天惟嶽降神生甫及申

申巫臣

周楚人說夢壽教戰陣使楚罷於奔命吳之強于中國自巫臣始夢壽思其功以其子孤庸為相

申不害

周學黃老刑名為韓相十五年著書說申子

申鳴

周家禮陽以孝聞楚王欲相之不赴父曰汝祿于朝吾死無憾矣鳴遂拜相白公勝為亂劫其父以懼鳴鳴曰始吾父之孝子也今吾君之忠臣也遂一戰而殺白公其父亦死王大徵之鳴

曰食祿避難非忠臣定國殺父非孝子名不能兩立遂自刎

申包胥

周楚人仕為大夫與伍員友善平王殺員父奢兄尚員曰我必覆楚包胥曰我必復之及吳師伐楚入郢包胥乃入秦乞師救楚依庭牆而哭日夜不絕勺水不入口者七日秦伯哀之曰有

臣如此楚未可滅也乃為之賦無衣之詩遣將定其國難昭王返國賞功逃而不受

申培公

漢魯人少事齊人浮丘伯受詩高帝過魯申公以弟子從師入見武帝遣使以束帛加璧安車蒲輪迎之至則以為大中大夫武帝問治亂之事對曰為治不在多言願力行何如嗣後以病

歸免

申秦芝

唐洛陽人其母夢吞芝而孕與玄宗同日生後隱邵陽山脩煉玄宗感夢以像求得之白晝冲舉

申世寧

宋鉛山人紹興六年潘達兵襲鉛山父年逾七十未及出戶遇賊賊意其有藏金欲殺之世寧年未冠亟引頸願代父死賊感其孝兩全之

申積中

宋成都人楊綸從其父起求之爲子及長知非楊氏而絕口不言登進士事所養父母素孝終身有二弟一妹爲畢婚嫁始歸木族復申氏政和中通判德順軍

眞

上谷百濟入姓其一曰眞

眞立菟

漢善算

眞德秀

宋字景元浦城人四歲受書過目成誦慶元中第進士累官至叅知政事世稱西山先生諡文忠德秀之學以朱文公爲宗所著有大學衍義唐書考疑讀書記文章正宗昭代從祀孔子廟

庭子志道以蔭補官累遷戶部侍郎志道子紹祖府判同祖同知志道孫蜀孫金德主簿宜孫永春縣尹

輪

輪扁

周齊人桓公讀書于堂上輪扁斲輪于堂下上問公曰致問公所讀者何言乎公曰聖人之言也曰聖人在乎曰死矣然則君之所讀者古人之糟粕矣以臣斲輪之事觀之徐則甘而不固

疾則苦而不入不徐不疾得之于手而應之于心口不能言有數存焉於其間臣不能以喻臣之子臣之子亦不能受之於臣是以行年七十而老斲輪古之人與其不可傳者死矣然則君之所讀者古人

之糟粕已矣

新

晉大夫新種稚子之後

新垣衍

周梁客垣衍欲共帝秦魯仲連貴而說之衍起拜謝曰吾今乃知先生天下之士

彬

見姓苑

彬霽

唐撰秘苑狀啓四卷

十二文

文

雁門商音文王支孫以諡爲氏又有本姓敬避諱去敬改文

文種

周春秋時越大夫吳王夫差敗越兵于夫椒越王勾踐使種行成于吳勾踐既歸國屬政于種及滅吳種謀居多後以范蠡遺書稱疾不朝或謂種將作亂王賜以屬鏃之劍遂伏劍死

文翁

漢舒人少好學通春秋景帝時爲蜀郡守崇尙教化興學校以變風俗由是蜀文風可比齊魯武帝時天下皆建學自文翁始後終于蜀蜀人祀之

文漸

漢資縣人事親至孝年七十持母喪負土成墳廬于墓側哀毀疾甚有白鳥白雀棲墓木回翔悲鳴若助哀者鄉人勾文鼎自娶妻後與父離居觀漸孝行深自悔責號慟而歸孝養盡志觀

感而化者甚衆

文賓

漢太乙鄉人賣草履爲業數取嫗數十年輒棄之後時故嫗壽老年九十餘續見賓年更壯他時嫗拜賓涕泣賓謝曰不宜至正月朝倘能會鄉亭四社中邪嫗老夜從兒孫行十餘里坐社

中待之須臾賓到大驚曰汝好道邪知汝爾前不去汝也教令服菊花地膚桑上寄生松子取以益氣嫗亦更壯復百餘年尙見云

文

頤漢字叔長注前漢

文 立

晉字廣休巴郡人在蜀時師事諸葛門人以立爲顏回治毛詩三禮通詳書任爲尚書郎

文 鶩

晉石勒陷襄陽王浚遣文鶩救之與王申大破勒於文石津

文 門愛

南北山陽人蚤孤供養伯父母以孝聞伯父亡服未終伯母又亡門愛居喪持服六年哀毀骨立鄉人魏仲賢等相與標其孝義

文 澹

五代蜀人生五歲謂母曰有五色香囊在杏林中往取之乃前生爲兒時所失者再生而記之

文 彥博

宋字寬夫介休人進士及第累仕四朝出將入相五十餘年再相時與富弼竝命士大夫相賀于朝彥博立朝端重願盼有威契丹使耶律永昌入覲見彥博於殿門外却立改容曰此澣公

邪何其壯也東坡曰使者見其容未聞其語其總理庶務貫穿古今雖少年名家有不如永昌拱手曰天下異入也以太師致仕封澣國公居洛陽與富弼司馬光等圖形於妙覺僧舍謂之洛陽書英會卒

年九十二諡忠烈八子皆歷要官及甫官至戶部侍郎

文 同

宋字與可梓潼人以文學名世操行高潔善詩文篆隸行草飛白又善畫竹蘇軾輩咸重之舉進士稍遷太常博士集賢校理歷知陵洋湖州所著有丹淵集四十卷 文彥博嘗稱之云襟

懷灑落如晴雲秋月塵埃不可犯

文 獻

宋八世同居旌表門閭蠲其租稅

文 天貞

宋廬陵人天祥兄寶祐間鄉舉廣濟學諭造士有方邑治丕變以天祥死節不仕元遂居廣濟之五里橋東家世業儒迄今未艾 弟天祥字履善號文山舉進士第一歷仕湖南提刑元

兵至寧亭山天祥往說之被脅至真州遁募兵勤王拜右相挾二王入閩廣兵敗被執遂拘燕三年坐臥一小樓足不履地元主聞其賢一日乃召天祥入殿中公長揖不拜元主問曰汝欲何言天祥曰我

大宋以堯舜之道平一天下北朝以遐陬之國殘擾中原滅我宋之宗廟欺人孤寡萬世之耻也吾英雄無用武之地不能復與言訖頓足元主喻曰天之所廢非人力可為朕承天眷命誠非偶然汝以忠宋之心事我我以汝居丞相位何如公對曰吾受宋恩甚厚惟思盡忠而已豈有事二姓之理宋室既亡願賜一死足矣元主不忍遽處之使退左右力贊乃詔有司殺于燕京柴市俄有詔止之至則死矣臨刑顏色自若且行且歌曰我為忠烈大丈夫詩書禮義聖賢徒竭心罄志匡扶國如何天假此強胡謂吏卒曰吾事畢矣南向再拜而死年四十七其衣帶中有贊曰孔曰成仁孟曰取義惟其義盡所以仁至讀聖賢書所學何事而今而後庶幾無愧元主臨朝歎曰文丞相真男子本朝將相皆不可及誠可惜也數日其妻歐陽氏收其屍面如生觀者無不流涕孫應麟偶儻尚氣節景定中隨叔壁守惠州元兵至城陷觸趾之搯其子起南遁于東莞之東清遂家焉今其子孫最為名族

殷 汝南宮音子姓商之後十九世小辛改國曰殷以國為氏

殷丹 漢會稽太守郡有孝婦以醜見殺連旱三年丹到郡刑訟者祭婦墓天應時澍雨

殷謨 漢字君長廩門人守節不仕王莽

殷亮 漢建武中為博士諸儒說經經席勝者坐之亮重席至八九

殷禮 三國字往嗣孔明歎曰東吳孤蘆中乃有此人作書與兄瑾曰殷往嗣秀才之矯勝者也

殷康 晉字唐子吳興太守開荻塘溉田千餘頃

殷羨 晉字洪喬西華人為豫章太守鄒中人寄書百餘函至石頭城下悉投之水曰沉者自沉浮者

天同慶臣無動焉而猥頌厚饗帝笑曰此豈可使卿有動耶子浩字深源清遠冠有盛名
好老易爲風流談論者所宗屏居幾十年時人比之管葛王蒙謝尙伺其出處以卜江左興亡曰深源
不起當如蒼生何妙解經脉中年都廢有嘗所給使人忽叩頭流血浩問其故云有死事終不可說
詰問良久乃云小人母年垂百歲抱病未久若蒙親一脉便有活理訖就屠戮無恨浩感其至性遂令
昇來爲診脉處方始服一劑疾便愈於是悉焚經方人有問浩何以將得位而夢棺器將得財而夢
矢穢浩曰官本是臭腐所以將得而夢棺屍財本是糞土所以將得而夢穢汚時人以爲名言簡文時
假節鉞後爲桓
溫所忌竟廢

殷仲堪

晉浩從子能清言善圖文出鎮江陵將之任詔曰卿去有日使人酸然嘗謂永爲廊廟之寶而
忽爲荆楚之珍歷五州刺史桓玄忌其勝已害之嘗收葬流棺甚多旬日門前溝忽起爲岸夜

夢有人自稱徐伯玄云感君之惠無以報也水岸爲洲君將爲州矣果任荊州都督軍事值歲儉脫粟
自甘每戒子弟曰不磷不淄寧淡薄而自盟知止知足毋赫腐以自恣豈可以我受任方州失故步也

仲堪嘗云三日不讀道德經便覺舌本間強父師病耳聰障
林下蟻動謂之牛鬪病積年仲堪衣不解帶執藥揮泪遂眇一目

殷裒

晉滎陽令與學教民民知禮讓歌曰滎陽令
有異政立學校人易性令吾子孫耻爭訟

殷道叔

晉滎陽太守撰
孝行錄三卷

殷鈞

南北字季和長平人九歲以孝聞善隸書爲學者楷法
仕宋至臨川內史閉閣臥理而百姓化之終國子祭酒

殷不害

南北字長卿長平人家世儉約居甚貧窶有弟五人皆幼弱不害事老母養小弟無所不至士
大夫以篤行稱之年十七仕梁爲廷尉平長于政事兼飾以儒術累官司農卿弟不佞字季

卿少立名節居父喪以孝稱魏克江陵母卒道路隔絕不得奔赴四載之中晝夜號泣居處飲食嘗爲
居喪之禮及迎母喪歸葬居處之節如始聞若此者又三年身自負土手植松柏每歲時伏臘必三日

不食歷官太傅錄尚書事
子梵章位尚書金部郎

殷景仁

南北與王華王曇首劉湛四人宋元嘉初同為侍中風力局幹冠冕一時後位至尚書
子道
矜孫恒三世尚書 景仁弟淳少好學有美名歷中書黃門侍郎好文義未嘗違捨在祕書閣

撰四部書大目凡
四十卷行于世

殷踐猷

唐字伯起長平人博學善記尤通氏族歷數醫方時稱為五總龜舉文儒異等
授祕書省學士兼麗正殿學士子寅舉宏詞為太子校書郎孫亮杭州刺史

殷七七

唐周寶鎮潤州知鶴林寺杜鵬奇絕謂七七曰可使頃刻開花
副重九乎七七曰諾至九日果爛漫如春寶遊賞後花忽不見

殷開山

唐鄆縣人從太宗征伐有功仕至
吏部尚書進爵鄖公圖形凌烟

殷澄

宋字公源華亭人性介持平生無宿諾元兵入華亭元將命屠城澄奮言不顧帥感悟而
止于時全活者以萬計丞相伯顏聞而義之授華亭總管澄即棄去野服隱居終身不仕

雲

琅琊徵音官氏志宥連氏改為
雲氏又縉雲氏之後望出河南

雲定興

隋善製器仗擢少府
丞累遷屯衛大將軍

雲景龍

宋字良遇汴許人乾道中知慈州蒞政嚴明幽枉必達輿學勤農謹身節用親小民如己子強
梗肅然而又不為權要所屈民望攸歸後去官祖錢者為之流涕孫逢吉郴州司戶參軍有文

學行

云 本姓雲改為云又據云氏

云

敞

漢字幼備平陸人師事同縣吳章王莽子宇與章諱夜以血塗莽門爲鬼神之戒事發莽殺宇章坐腰斬初章爲當世名儒弟子千餘人皆禁錮門人盡更名他師數時爲大司徒後自勸

乃吳章弟子收葬尸葬之京師稱其義官至中郎諱大夫

君

君

疇

上古堯學于君疇

君

陳

周成王命君陳繼周公保董東郊乃懋章昭周之訓克和厥中

十三元

元

河南商音術大夫元恒之後其先食菜于元因氏焉又北魏孝文帝改爲元氏又遷出太原

元

愨

晉書樂略四卷

元文遙

南北字德遠洛陽人有王佐才仕北齊遷尚書左僕射歷事三主明達世務時因魏縣宰多用虧濫文遙令搜別貴遊子弟發教用之士人爲縣自此始

元志

南北北魏公子也少清辯有志操邢暢曰露竹霜條故多勁節非驚則鳳其在本枝也

元偉

南北字茂宏洛陽人少好學能文仕周累遷少司寇嘗報聘于齊爲齊人所執後三年齊平偉方見釋高祖以其久被幽繫節義凜然進爵厚賜庾信贈詩曰虜亡垂誠反齊平實肆歸

元景安

南北洛陽人沉敏有幹局仕齊爲襄縣令累遷兼七兵尚書時初築長城鎮戍未立詔景安與諸將緣塞以備守督領既多且所部軍人富于物財賄貨公行景安鐵是無犯帝深嘉之

元 淑

南北字買仁仕魏爲河東太守俗多商賈至有年三十不識耒耜淑下車勸課躬往教示二年間家給人足爲之諺云泰州河東杼軸代魯元公至止田疇始理

元 顯和

南北後魏宗室爲徐州安東長史刺史元法僧叛命坐不肯曰乃可死作惡鬼不可生爲叛臣應刑神色自若

元 澹

唐字行冲河南人博學尤通訓故及進士第累官通事舍人狄仁傑器之嘗謂仁傑曰下之事上譬富家儲積以自資也脯脂腠肭以供滋膳參米苾桂以防疾疢門下充旨味者多矣願以

小人備一藥石可乎仁傑曰君正吾藥籠中物不可一日無也後爲弘文館學士玄宗自注孝經詔澹爲疏立于學官卒諡曰獻

元 德秀

唐字紫芝河南人少孤事母孝母亡廬墓天窆中任魯山令天下重其行稱曰元魯山房賸歎曰見紫芝詹宇使人名利之心都盡及卒家惟杖屨草瓢而已諡文行先生

元 稹

唐字微之河南人元和初對策舉制科第一拜左拾遺憲宗時陳西北邊事召問得失當路者惡之出爲河南尉拜監察御史遇事敢言太和間爲尚書右丞卒長于詩與白居易齊名時稱

元白號元和體宮中呼爲元才子元守湖西白牧採鹽置驛遞詩簡醉和至于稹有云有月多同賞無杯不共持又與寶榮唱和號闌亭絕唱有元氏長慶集百卷又小集十卷傳于世

元 集虛

唐河內人少好群籍仕爲協律郎博通三教以儒爲主南遊愛廬山之勝結溪亭于東南五老峰下自稱山人不復出仕與白居易柳宗元韓愈相友善

元 正

唐僧名節擢明經授監門衛兵曹參軍肅宗時河南節度使崔光遠表置幕府史思明陷河洛與父隱山中賊以名購正庚事急謂弟曰賊祿不可養親彼利我名誰免矣然不污身而死吾

猶生也賊既得誘以高位瞞目固拒兄弟皆遇害父聞仰藥死路人爲哭事平詔錄仗節十一姓而正爲冠禮謚書少監

元 結

唐字次山汝州人嘗避祿山亂居樊上自稱有二曰酒徒又曰漫叟有二子長叔開呼爲直者次曰叔靜呼爲正者韓愈稱唐文人獨及元結 嘗爲道州刺史杜甫嘗曰令天下得結葢十

數公泰結爲邦伯高

元懷景

唐高祖子懷景，字懷景，之撰國文要義十卷。

元萬頃

唐諸儒論撰楚中萬頃與選凡撰列女傳臣執百寮新戒樂書等九千餘篇至朝廷擬議表疏皆密使悉虛以分宰相權故時謂北門學士。

元明善

宋嘗副一蒙古出使交趾及還國王隨以黃金蒙古受之明善不受國王曰彼使臣已受矣公何固辭明善曰彼所以受者安小國之心我所以不受者全大國之體。

元達

宋洛州雞澤人身長八尺負智力善射嘗醉見道旁槐樹拔劍斫之樹立斲初亡命山林後隸太宗帳下累遷北而行營都部署與士大夫交能折節盡禮人以是稱之。

元溥

宋字泉卿宜興人幼業進士輒棄去喜爲唐詩自號耘軒有歲後書懷云他鄉故鄉老若此新歲舊歲窮依然烹茶但有二升水沽酒初無三百錢其處約安貧亦可尙云。

孫

樂安宮音周文王第八子康叔封衛至惠武公惠孫曾耳爲衛上卿以字爲氏望出太原。

孫陽

周字伯樂伯樂本天星名善識馬故名伯樂過虞坂有騏驎伏驢車下見陽而長鳴伯樂下車泣之騏驎于是俛而噴仰而鳴聲聞于天彼見知者也。

孫虞

周字子乘東武人明易學管商墨子木受易於孔子以授魯橋庇子庸子庸授江東駢臂子弓子弓授燕周醜子家子家授東武孫虞子乘子乘授田何子裝。

孫武

周齊人以兵法見吳王闔廬王出宮中美女百八十人使武教之戰孫子分爲二隊以王寵姬爲隊長皆令持戟三令五申婦人大笑斬二隊長以徇復鼓之婦人左右前後跪起皆中規矩。

繩壘用爲將西破強楚北威齊晉著兵法十三篇。

孫臏

周孫武之後生阿鄆之間與龐涓俱學兵法于鬼谷涓爲魏將嫉臏之能以計斷其足齊使淳于髡使魏以計載歸臏王以爲師魏攻齊臏用減龐法搗魏國度涓夜至馬陵白晝大樹云龐

涓死此樹下涓果至見白晝讀未畢萬弩齊發涓自剄腹由是名高天下。

孫叔敖

周兒時見兩頭蛇殺而埋之歸泣白其母曰吾聞見兩頭蛇者死我今見之母曰蛇今安在曰恐後人見殺而埋之矣母曰吾聞有陰德者必有陽報子不死矣後為楚莊王相遂爵三仕為

令尹無喜色
三已無懼色

孫期

漢字仲或濟陰成武人賀京氏易古文尚書家貧不仕事母至孝牧豕于大澤中以奉養焉遠人從其學者皆執經隨畔黃巾賊起適期里陌相約莫犯孫先生舍郡舉方正遺吏齋羊酒請

期期驅豕入草不顧司徒
黃琬特辟之不行終于家

孫居直

漢字德威鉅鹿人少剛介郭林宗母卒往弔之適林宗里有惡少亦往弔焉林宗納而不拒居直見之即回林宗追及之曰昔者孔子不拒互鄉童子予焉敢追其既往居直不從徑回其

為人剛
介如此

孫敬

漢字文實信都人性嗜學嘗閉戶讀書不寤其睡乃以繩繫頭警懸於梁上嘗入市市人見之皆曰閉戶先生來也

孫鍾

漢富春人性至孝以種瓜為業一日有三人來鍾殺瓜及飲三人曰示子葬地下山百步勿反顧鍾不六十步回看三白鶴飛去遂葬其母鍾後生堅堅生箴箴後建國為吳稱帝傳亮休

諸凡
四世

孫策

三國字伯符瑩子性潤達善于用人江淮間人或向之為討逆將軍建安五年陰欲襲曹迎漢帝治兵未發為客所刺年二十六時孫權年十四詣袁術俄而外逼劉豫州來孫便求援曰英

雄忌人既出下東塔玄繼從西塔上
但得轉顧視孫足下殆不能復說

系

三國字公和阮籍嘗過蘇門與談不答唯大笑阮去至半嶺聞歡聲如鳳凰登無家於汲郡

之水出而觀之乃復大笑蓋康乃後之遊問其所圖終不答居三年則別謂曰外生實與言子識火乎火生而有光而不用其光而果在於用光人生而有才而不用其才而果在於用才故用光在乎得薪所以保其燿用才在乎識真所以全其年今子才多識寡雖乎免于今之世矣子無求乎康不能用果遭非命乃爲幽憤詩曰昔慙丁惠今愧孫登

孫賓碩

三國北海人桓帝時趙岐有家禍變姓氏于市中販胡餅賓碩時年二十入市見岐疑其非常人也載之歸與平中岐以太僕持節使安惠天下復與賓碩相遇相對流涕

孫蔚

晉家世好學有書七千餘卷遠近來讀者恆有百餘人蔚爲辦衣食

孫叔然

晉本名炎與武帝同名故以字稱樂安人受學鄭玄之門稱東州大儒徵爲祕書監不就嘗作周易春秋例毛詩禮記春秋三傳國語爾雅諸注竝行于世

孫楚

晉字子荆太原中都縣人才藻卓絕爽邁不群少欲隱居謂王濟曰吾欲漱石枕流濟曰流非可枕石非可漱楚曰枕流欲洗其耳漱石欲礪其齒年四十餘始參鎮東軍事子荆初爲石

苞驃騎參軍自負才氣入見不拜但長揖曰天子命我參卿軍事楚除婦服作詩以示王濟濟曰未知文生于情情生于文覽之懷然增伉儷之重孫盛字安國自少至老手不釋卷著晉陽秋世稱良

史桓溫見其書枋頭敗畝之事怒謂盛子曰枋頭誠失利何至如乃公所言若此史行自是關君家門戶諸子因共號泣盛前請爲百口計盛大怒不從諸子潛改之所著有魏武春秋三十卷晉春秋十餘

卷盛弟綽博學能文後居會稽游放山水十餘年作遂初賦天台賦詞甚工綽以天台賦示范榮期云卿試擲地當作金石聲劉氏曰赤城霞起而建標瀑布飛流而界道此賦之佳處盛長子潛字齊

由次子放字齊莊二人俱慧放更清秀少時同詣庾公公問潛何字答曰字齊由公曰欲何齊耶曰齊許由復問放何字答曰字齊莊公曰欲何齊曰齊莊周公曰何不慕仲尼而慕莊周對曰仲尼生知故

難企慕至於莊周是其次者故慕耳庾公大嘉之

孫康

晉京兆人性敏好學家貧無油于冬月嘗映雪讀書少清介交遊不苟後官至御史大夫

孫

惠

晉字德施富陽人口訥好學有才識東海王越以為軍
容祭酒每造書檄或驕馬催之應命立成皆有文采

孫

晷

晉字文度富春人清約有學識辟命皆不就每獨處幽閣之中容止瞻
矚未嘗傾邪聞人之善欣若有得見人饑寒並周贖之有高世之風

孫

緬

南北為潯陽太守一日出遊江渚見一輕舟凌波隱顯俄而漁父至神韻清酒垂綸長嘯緬心
異之因為取魚漁父笑而答曰其釣非釣寧賣魚者耶緬益怪之遂褰裳涉水謂曰竊觀先生

有道者何不出贊緝熙之美而自晦若是也答曰僕山海狂人不達世務乃歌曰
竹竿翳蘿湖水悠悠相忘為樂貪餌吞鈎非夷非惠聊以忘憂歌竟悠然鼓棹而去

孫益德

南北樂安人其母為人所害益德幼童為之復仇還家哭
於殯以待罪孝文文明太宗以其幼而孝不逃罪遂免之

孫普濟

南北臨湘人居喪未葬鄰火將及舍普濟勿慟伏棺
上以身蔽火鄰人往救之焚炙已闕絕累日乃蘇

孫萬壽

隋武強人幼從熊安生受五經博涉子史善
屬文隋初徵拜豫章王長史有文集十三卷

孫舫

唐淮人性聰敏好學工于詩楊吳據有江淮文雅之士駢
集舫遂與沈彬李建勳為詩社仕為宗正郎卒有詩百篇

孫伏伽

唐貝州武城人高祖武德初上言三事其一置諍臣開言路以聞其過其二百戲散樂竝宜廢
之以復雅正其三皇太子諸王宜用賢才澄僚友之選帝大悅以為治書侍御史太宗即位遷

大理少卿帝初出馳射伏伽諫非所以道養聖躬垂憲後代帝悅曰
卿能言朕失朕能改之天下庶有瘳乎累遷大理寺久之出刺陝州

孫思邈

唐華原人通百家善言者莊獨孤信異之曰聖童也兼通陰陽推步醫藥居太白山隋文帝以
國子博士召不拜太宗召至京師時年已老欲官之不受竟稱疾還山胡僧祈雨壇於昆明池

側七日水縮數尺其龍化為老人求救於邈邈曰願得仙方則救
老人曰上帝不許妄傳今無從乃得其方十首自是也益學矣

孫虔禮

唐字通及勉人籍貫曾工書五前品嘗著書論如墨其書法精絕能書宋高宗嘗謂此諸妙盡草法手不少置惟禁中太清樓所刻最爲精絕

孫逖

唐博州武水人自幼警敏有文思累官中書舍人典詔誥極精密張九齡視其草欲易一字卒不能其父嘉之爲襄邑令逖求增父秩遂拜宋州司馬廳致仕後逖官至太子詹事子成

爲信州刺史歲旱發倉以賤直售民故畿而不亡後改桂管觀察使子公器亦至邕管經略使公器子簡元和初進士累官諫議大夫知制誥進中書舍人簡兄範亦爲淄青節度使世號顯家逖五

世孫揆以進士累官京兆尹昭宗討李克用授揆昭義軍節度以本道兵會戰克用伏兵執揆厚禮將尊用之揆大罵不風克用怒使以鋸解之鋸齒不行揆罵曰死狗奴解人當束以板汝輩安知行刑者

如其言揆誓聲不輟至死

孫樵

唐字可之韓昌黎門人所著有可之集

孫旣

唐樂安人母喪廬墓髮髭面垢疔瘰骨立俄有醴泉湧于墓側里人名之曰孝源泉貞元中碑刻今尙存

孫疆

唐處士富春人因顧野王玉篇增加字三十卷大槩本說文以高宗上元元年甲戌歲四月書成

孫萬登

唐青州人咸通時任金吾上將軍受命南征既平值唐祚移孤軍不能討賊日北向泣因家休寧名其里曰唐里仍建李天王廟以奉故主今江南孫姓蕃盛蓋其忠貞之報云

孫晟

五代密州人好學有文仕南唐爲右僕射周世宗征淮南遣晟使周見留晟謂其副王崇質曰吾行必不免然吾終不忍負永陵一坏土世宗待晟甚厚問以江南事但言臣主事陛下無貳

心世宗命曹翰與之飲酒從容問之晟終不言翰曰有旨賜相公死晟神色怡然整衣冠南向拜曰臣謹以死報國乃就刑并從者百餘人唐主聞之贈魯國公

孫知微

宋善畫張乖崖鎮蜀雅慕之欲一見一日聞知微在僧舍亟詣之知微卽投閣遁去後乖崖還朝路出劍閣逢一村童負篋迎于道左曰適山人命我以此爲獻啓篋視之乃畫一幅張知是

俞友象

孫四

孫

一七

知微即問童子所在曰已去遠矣及馬知節來守成都與知微游甚好得其畫甚多馬鮮金帶以贈知微繫金帶穿袍上人見其標韻蕭散白衣金帶皆以為思邈太白復出

孫 冕

宋字伯純新淦人雍熙間舉進士後守蘇州甫及引年大書一詩于壁有曰莫待朝廷差致仕蚤謀泉石養閒身題畢拂衣歸九華山再召竟不起

孫 奭

宋字宗古博平人以九經及第累官龍圖待制奭守道自處有所言未嘗阿附真宗問以天書對曰臣聞天何言哉豈有書也奭嘗上無逸圖仁宗施于講讀開景祐元年以待講學士年老

乞外因薦買昌朝自代嘗據五經切於治道者為五十篇號經典微言卒諡曰宣

孫長孺

宋字思齊嗜學聚書經史百家畢備人號書樓孫氏祥符八年賜五經出身知廣西潯州政尚仁恕累官太子中允長孺孫立節字介夫事李太伯友曾子固學問淹貫孫復嘗著春秋發

微見立節所作撫卷歎曰吾力所未及者盡廢之擢皇祐五年進士時行新法蘇轍議不合去王安石語立節曰吾條例司當得明敏如子者立節笑曰公過矣若我輩人亦不肯為條例司遂趨出後為鎮

江軍書記監司獨敬憚之立節長子臨字志康有父風讀書博洽年未弱冠受知蘇軾終不負所學元祐三年擢進士居官以勁直聞知湖廣鄂州未幾卒著有文集四十卷立節季子勳字志舉獵涉

經史尤工詩曾兄臨從蘇軾遊節氣凜然弗肯從仕臺府舉遺逸不應卜居延春谷軾榜其舍曰竹林隱居年七十無疾而逝

孫 冲

宋字子和趙州人舉明經歷知天雄軍再知瀋州加至集賢學士所至以強幹稱脩己甚嚴一毫不妄取知天雄時秋滿家人解其歸裝有一硯冲視之曰非吾來時物也命留之

孫 復

宋字明復平陽人范文正在睢陽掌學有孫秀才上謁文正贈之錢一千明年復謁又贈一千文正曰觀子辭氣非乞客也當補子學職月俸三千於是授以春秋明年各去後十年聞泰山

孫明復先生以春秋教授道德高邁之才召至乃向日孫秀才也復枯槁憔悴鬚皓白李文定見之歎曰先生年五十一室獨居誰事左右不幸風雨飲食生疾奈何吾弟有女頗賢可以奉先生箕箒

復辭文定曰吾弟女不事先生不過一官人妻先生德高天下幸婿李氏榮貴莫大復飲曰吾目女下

士不第退居泰山者... 十二歲國子監石介... 初復... 廷遂召爲國子監直講仁宗幸太學賜復五品服遷殿中丞及卒帝命其門人... 其家傳... 十

五萬言錄
藏于祕閣

孫

覺

宋字莘老高郵人官龍圖學士爲王安石所逐安石退居鍾山覺扁舟造訪及其卒作文誄之談者稱覺雅量

孫

錫

宋儀真人舉進士第以文學見稱居官忠厚正直除刑部有逮捕繫獄者一百二十人赦遇赦不原錫獨奏釋之後持憲淮南考課爲天下第一知舒州發陳州廣惠倉以活陳許頴蔡流人

孫

抃

宋字夢得衢州人登進士甲科皇祐中爲御史中丞內侍王守忠建節抃奏罷之張貴妃卒追冊命爲后抃力爭止之累遷翰林學士承旨官至叅知政事卒諡文懿 抃爲中丞日薦唐介

孫

固

宋宅心誠粹不喜驕兀與人居久而益信故不爲人所疾害嘗曰人當以聖賢爲師一節之士不足學也又曰以愛親之心愛其君則無不盡矣傅堯俞言司馬公之清節孫公之淳德蓋所謂不言而信者也 初神宗用宦者李憲總兵伐夏固力陳其不可狀帝不從既而師出無功帝曰朕始以固言爲迂今悔無及矣其明敏奇中如此

孫

沔

宋直言敢諫史稱盡職景祐初爲御史裏行抗疏指時政得失責監永州酒稅至和間官至樞密時仁宗所寵張貴妃薨欲追冊爲溫成皇后內侍阿上意欲令沔讀冊宰相護葬帝從之沔

曰陛下若以臣沔讀冊則可以樞密副使讀冊則不可遂力求罷乃知杭州竟卒

孫義伯

宋豐城人子書無所不讀謂治曆當備三法曰象曰氣曰數作六曆論渾蓋同歸圖寫古今七十六家法數有大曆賦復古著傳其他著述尤盛雖瓶無儲粟澹如也

孫博

宋河東人讀書能屬文晚學道能使艸木皆為火光照耀數十里行大水中身不沾濡人有疾指之言愈即愈出入山間石壁如有穴者後入林慮山合神丹仙去

孫昉

宋字景初為太醫自號四休居士山谷間其說對曰麤茶淡飯飽即休補破逃寒煖即休三平二滿過即休不貪不妬老即休山谷曰此安樂法也

孫何

宋字漢公汝易人幼嗜學與丁謂齊名王禹偁尤知之以謂自唐韓柳後三百年有孫丁也時人謂之孫丁舉進士開封禮部殿試俱第一弟僅字幾幾與何俱有名于時兄弟皆以進士

冠天下士學者稱之

孫祖德

宋字延仲濰州北海人少醫悟舉進士第歷殿中侍御史上疏請章獻太后還政復論郭皇后不得廢廢宦官閣文應獻計以藥化鐵成銅可鑄錢神國用祖德爭之出知兗徐蔡州尋除吏

部侍郎子珪為江東轉運使

孫誥

宋字正臣邵武人熙寧六年擢世科又中法科第一拜右正言力論楊畏在元豐間議論皆與朝臣合及元祐末呂大防蘇轍為政則變而從之紹聖初則又變而偷合詭隨謂之楊三變畏

以此落職又言免役者一代大法願採羣言毋以元豐元祐為間蔡京惡之罷誥言職知廣德軍後入元祐黨籍

孫甫

宋字之翰陽翟人少好學日夜誦千言舉進士累官右正言時事多所建明官至天章閣待制著唐史七十五卷未成而卒詔藏之祕府溫公書其後云孫公此言甚自重惜常別緘其藁於

笥甫直史館時人獻一石硯值錢三千貫輸曰硯有何為如此價高也客曰硯以石潤為寶此石呵之則水流孫曰一担水纔值一文何用之竟不受

孫諭

宋江陵人元祐間掛冠同時退休者吳師道梁宏朱光復賈亨彥張景遠布衣唐愈為七老會五日一集時人榮之

系連

宋字器之大庾人家貧嗜書善吟詠不應舉躬耕績屨以為食壽百歲嘗賦述懷詩云坐倦秋

求諸此記
想見其人矣

孫方武

宋長沙人爲州學正金人入城方武率居民連日巷戰金人四面放火人皆竄伏惟方武挺身罵不絕口死之今祀于學

孫之翰

宋字文學慈谿人少志學性孝友母病革封體取肝爲劑以進越夕母如醉自醒乃底於寧里人以其事上於郡守趙伯圭將聞於朝之翰曰木心救母他無所觀力止之卒葬五磊山

孫緯

宋字彥文長洲人擢進士第歷宗正寺丞官至尙書郎爲人誠朴好學精于一時典故所著有集論總錄本朝人物志

孫自脩

宋字敬夫偕從弟自新自任從朱子游時宣王正學久衰自脩兄弟獨知尊嚮時諡謚之朱子嘗貽書商確傳誦既歿自脩追記錄一卷附載朱子語錄

孫楸

宋字德操紹興甲戌舉進士歷判池眞鄆三州所至以興學節財爲務及入覲高宗申獎曰天下有卹而辨有不卹而辨卿所謂卹而辨者也嘗論公生明上問何以生公曰廉生公又問何

以生廉曰儉生廉上稱善累遷知太平州尋移温州學官有故秦檜祠楸至巫命撤之朱晦菴稱其愛立而教明古良吏也後韓侂胄用事謝官歸隱

孫道夫

宋丹陵人以張浚薦召對除祕書正字出知懷安軍知蜀綿州遇事明了有水晶燈籠之稱累遷至禮部侍郎道夫居官一意爲民不可干以私仕宦三十年俸給多置書籍

孫調

宋字和卿長溪人其學得朱文公之傳以排擻佛老推明聖經所著有策府五十卷易書詩解中庸發題共五十卷浩齋稿三卷學者稱爲龍坡先生

孫濤

宋榮經人號足菴居士孝友篤實行著鄉曲父嘗穴山通水灌田鄉人病其氣勢不廣濤慨然繼父志乃捐貲更鑿由是獲利者甚衆寧宗賜官迪功郎從子伯和亦讀書號竹溪隱士

孫嵩

宋字元京休寧人貌奇怪趣尚幽潔以薦入太學宋亡歸隱海寧山中自號艮山有艮山集誓不復仕杜門賦詠漢斷淪絕以寄其沒世無涯之悲焉

孫賣魚

宋不知何許人嘗賣魚楚州盛暑過一道士曰汝魚緩矣食我可使活遂飲以斗酒與之言竟日自是決人禍福輒應後於亳州太清宮號咷大哭人莫之噓記其時乃汴京陷日也

奇友錄

卷四

孫

十一

尚友錄卷五

溫

平原商音唐叔虞之後晉公族受封河內之溫因以命氏又郤至食采于溫小號溫季又望出汲郡清河

溫

恢

三國字曼基祁人年十五家足于財曰世方亂安以富爲一朝盡散賑施宗族州旅高之累官涼州刺史子生爵關內侯

溫

嶠

晉字太真父愷河東太守嶠博學能文丰儀秀整爲劉琨右司馬奉表江東元帝器之王導等竝與親善後除散騎侍郎累遷開府儀同三司嶠姑有女屬嶠爲覓婿答曰佳婿難得如嶠

者何如姑曰何敢希汝後報姑曰已得婿矣門第人才不減於嶠因下玉鏡臺一枚旣行婿禮畢女披紗扇大笑曰我故疑老奴果如卜嶠初都督江州軍事過牛渚深不可測世傳下多怪嶠燃犀照之奇形異狀赤衣乘馬者須臾水族覆火夜夢告曰幽明自別何意相照如此王敦旣下住船石頭欲有廢明帝意賓客盈座敦知帝聰明欲誣以不孝廢之每言帝不孝之狀皆云太真所說須臾溫至敦便奮其威容問溫曰皇太子作人何似溫曰小人無以測君子敦聲色並厲欲以威力使從已乃重問溫曰太子何以稱佳溫曰鈞深致遠蓋非淺識所測然以禮侍親可稱爲孝敦愧而衡之後嶠與陶侃共起兵訂蘇峻求糧于侃侃不與嶠曰師克在和古之善教也嶠與公俱受國恩若濟則臣主同祚如不捷當灰身以謝先帝今事勢又無旋踵譬如騎虎安可中下哉公若沮衆敗事義旗將迴指於公矣侃悟分米餉嶠遂水陸並進斬蘇峻于白石官至驃騎大將軍封始安公卒年四十二諡忠武子放之式之俱貴顯

溫子昇

南北字鵬舉博學百家文章清婉常景曰溫生是大才士孝莊以爲主客郎中濟陰王暉業嘗云江左文人宋有顏延之謝靈運梁有沈約任昉我子昇足以凌顏轢謝舍任吐沈庾信自

南朝至北方惟愛子昇寒山寺禪云惟寒山一片石堪共語耳賜夏守博據使吐谷渾見其國主牀頭有書取視之乃子昇文也

溫大雅

唐字彥宏與弟大臨字彥博大有字彥將俱知名薛道衡見之曰三人皆卿相才也與董常等詣河汾師事王通受王佐之道太宗朝大雅封黎國公大臨拜中書令

溫造

唐字簡與大雅五世孫父信安祿山亂往見平原太守顏真卿助為守計造妻表魁傑性嗜詩書隱東都王屋山慨然有高世之心河陽節度使烏重胤以禮聘至幕下後遷殿中侍御史抗

疏勅夏州節度李祐違詔進馬祐曰吾雪夜入蔡州擒吳元禧未嘗動心今日膽落于溫御史矣

溫庭筠

唐彥博裔孫少敏悟工為辭章與李商隱齊名號溫李作賦八父手而入韻成大中未授方山尉

溫璋

唐為京兆尹設鈴以通冤訴者一日聞挽鈴聲視之乃鴉也璋曰是必訴人探子命吏視之果得探子者累官有政績賜金紫

溫廷皓

唐咸通中署徐州幕府值龐勛反以刃脅之作表罵曰豈豈以筆墨事汝邪速殺我助笑曰儒生有膽耶

溫革

宋石城人寶元中上書願納家貲盡市國子監書得請歸椒誦堂開義學遠近之士多就教育鄉俗陶其善化

溫憲

宋咸通中及第與張喬等為十哲

袁

汝南羽音陳胡公七代孫莊伯生諸孫濤塗以王父字為氏世為陳上卿又墜出陳留新城其後去車為袁或作爰實同出一源也

袁盎

漢字絲文帝時為中郎將上欲西馳下墮坂盎曰臣聞千金之子坐不垂堂聖主不乘危不微倖陛下縱自輕如高廟何上乃止帝與慎夫人同坐盎引卻其坐曰陛下獨不見人疑乎

袁著

漢汝南人年十九見梁冀凶縱上書劾之冀殺之

袁安

漢字邵公汝南人徵時客洛陽時大雪洛陽令按行至安門閉無行跡令人除雪入戶見安僵臥曰大雪人皆餓死豈宜千人令舉為孝廉建初中為河南尹在職十年政尚慈愛上諭之

曰孫賓行秋霜之誅袁安留冬日之愛累官司空復為司徒子敞孫湯曾孫逢四世三公安子京字

氏易作難記三十萬言後宜至待中
不受賜賚縶扶柩冒犯寒露體脫枯毀手足血流見者莫不傷悼後魏稱其可登三事桓帝以安

車徵之及朋黨事作閔乃築土室潛身十八年絕不見客且暮于室中向母禮拜雖子往亦不得見子
亦向戶拜而去首不著巾身無單衣足著木屐母死不列服位范滂美而稱之曰隱不遠親貞不絕俗

可謂至賢矣 閔子弘字紹甫恥其門族貴勢乃變姓名徙步師門不應徵辟終于家 安曾孫逢字
周陽以累世三公子寬厚篤信著稱于時官至司空子基位至大僕弟隗官至太傅世皆歷顯官 安

玄孫紹字本初有姿貌威容愛士養名既累世台司賓客所歸皆傾心折節莫不爭赴其廷士無貴賤
與之抗禮輜軒紫轂填街陌歷大將軍兼督冀青幽并四州牧討曹操不克軍潰于倉亭疾作卒

袁

玘

漢陽羨令造長橋以利涉玘生有神異
能逆知水旱無疾而卒邑人至今祀之

袁藏機

漢有三鳥大類鷓每翔空而飛呼
之卽下令授人爵故謂之傳語鳥

袁宏

晉字彥伯小字虎自少有逸才謝安輩甚重之爲東陽太守安以扇贈行宏曰當奉揚仁風慰
後黎庶所著有咏史詩及東征等賦世稱其美 宏作東征賦都不道陶公胡奴誘之狹室中

臨以白刃自先公勳業如是公作賦如何相忽略宏嘗覽無計便答我大道公何以云無因誦曰精金
百鍊在割能斷功則治人職思靖亂長沙之勳爲吏所讚桓宣武北征宏時從被責免官會須露布文

喚宏倚馬前令作俄得七紙殊可觀東亭在側極嘆其才云當令齒舌間得利復命作北征賦既成宣
武與時賢共看咸歎嗟之時王珣在坐云恨少一旬得寫字足韻當佳宏卽于坐攬筆益云惑不絕于

予心泝流風而獨寫公謂王
曰當今不得不以此事推袁

袁山松

晉陽夏人少有才名博學有文著後漢書癖情秀敏善音樂善歌有行路難曲辭頗疎實山松
好之乃文其辭句婉其節制每因酒醉縱歌之聽者莫不流涕初羊曇善唱樂桓伊能挽歌及

松行路難繼之時人謂之三絕時張湛好子齋前種松柏松每出遊好令左右作挽歌人
謂湛屋下陳尸松道上行履歷官吳郡太守孫恩作亂城陷被害嘗撰後漢書一百卷

袁羊

晉字彥升陳郡人孝武將講孝經謝公兄弟與諸人私庭講習車武子苦難問因謂羊曰不問則德音有遺多問則重勞一謝袁曰必無此嫌車曰何以知爾袁曰何嘗見明鏡疲於屢照清

流傳於
惠風

袁

耽

晉字彥道陽夏人少有才氣傲儻不羈為士類所稱桓溫少時遊于博徒貨產俱盡尚有負遺無自振之方莫知所出欲求濟於耽而耽在艱試以告焉耽略無難色遂變服懷布帽隨溫與

廣主戲耽素有藝名廣者聞之而不相識謂之曰卿當不辦作袁彥道也遂就局十萬一擲直上百萬耽投馬絕叫探布帽擲地曰竟識袁彥道不其通脫若此

袁

豹

晉字士蔚陳郡人隆安中為著作佐郎累遷大尉長史丹陽尹殷仲文天才宏瞻而讀書不甚廣博亮歎曰若使殷仲文讀書半袁豹才不減班固

袁

粲

南北字景倩少孤好讀書及長有風操著妙德先生傳任宋累官左僕射出鎮石頭城為劉備靜所殺子景以身衛父俱死粲語景曰我不失為忠臣汝不失為孝子 粲疎放好酒嘗散

步自楊郊野間道遇一士人便呼與酣飲明日此人謂破知遇詣門求通粲曰昨日飲酒無偶故相偕何勞復為煩粲嘗謂周旋曰昔一國中有水名曰狂泉國人飲之無不狂者惟國君穿井而飲故獨不

狂國人既並狂反謂國主之不狂為狂遂謀共執國主療其狂疾火艾鍼藥畢具國主不勝其苦於是到泉所酌泉而飲之飲畢便迷不識大小其狂若一衆乃歡然我既不狂難以獨立比亦試飲此水矣

袁

象

南北字緯才陽夏人仕宋為武陵內史兄顛見誅宋明帝投尸江中象與舊奴一人微服求尸四十餘日乃得密懸石頭後岡尋改葬焉初象幼而舉卒養于伯母王氏象遂事之如母

袁廓之

南北字思度陽夏人因父死非命終身不聽音樂布衣蔬食足不出戶誓不臣宋時人比之晉王袁云頗延之每見歎曰有子如袁廓之足矣後仕齊為太子洗馬

袁昂

南北字千里梁從弟仕南齊為尚書令明帝謂曰昂昂千里駒在廂有之今改廂名為昂字千里昂立朝嘗誇不讓權勢後復仕梁為吏部尚書梁武詔曰齊明帝用廂為黑頭尚書朕用卿

為白頭尚書世號宗臣雅有人

袁淑

南北文冠當時作詩及賦及論議皆極其妙淑曰淑東朝也淑少時及一賜之傑宋元嘉中官至左衛率及逆劾弒文帝淑切諫被殺孝武帝起兵誅劬遂加封贈

袁躍

南北字景騰博學俊才性不矯俗其兄翻嘗謂人曰躍我家千里駒也歷任尚書都兵郎中散騎常侍

袁憲

南北字德章幼聰敏國子博士周弘正將升講堂授以塵尾令升講坐論說曰此兒已堪代博士矣時生儒對策多行賄賂其父君正曰我豈用錢爲兒買第邪尋擢高等 陳宣帝朝爲右

僕射嘗陪宴承香閣帝徙席山亭談宴終日帝謂僕後曰袁家固謂有人憲兄樞爲左僕射產省目樞爲大僕射憲爲少僕射 憲子頊仕陳後主命其爲月賦一篇灑然無留思後主曰謝莊不得擅美于

前矣復詔爲芝艸嘉蓮二頊帝歎賞尤厚唐太宗朝爲給事中 次子承序唐太宗崇選僚屬問梁陳名臣子弟誰可舉者岑文本曰昔陳亡百司奔散袁憲朝服立後主傍白刃不避其子承序風標清亮

無愧先烈乃召拜晉王友

袁聿脩

南北字叔德爲尚書郎十年未嘗受升酒之遺邢邵嘗呼爲清郎後爲大僕少卿出使巡省邢邵送曰紳爲信不受邢曰今日復作清卿矣 叔德嘗候李僧伽先減饑從然入門曰見此賢

令吾羞對軒冕

袁皓

唐字退山宜春人博學能文咸通間舉進士累官吉撫二州刺史集賢殿圖書使自號碧池處士有碧池書三十卷集道林士詩二卷

袁天綱

唐成都人有風鑑應驗不可勝紀太宗召見曰古有君平朕今得爾何如對曰彼不達時臣固勝之子客師傳其術無不奇中

袁利貞

唐字敬孫高宗時爲太常博士帝欲大會群臣命媪合宴宜政殿利貞上疏諫以爲非命媪宴會之所帝納之詔曰媪奕葉忠貞能抗疏規朕之失不厚賜無以勸能者賜物百段

袁仁敬

唐開元中爲杭州刺史時玄宗自擇諸司長官以仁敬刺杭詔宰相諸王御史以上祖道洛濱賜詩親書以寵其行仁敬治郡之暇嘗種九里松

袁

誼

唐為蘇州刺史司馬張沛嘗白誼曰州得一長吏隴西李實天下甲門也誼曰夫門戶者貴顯耳若名節為天下所高老夫是也山東人尙婚媾求祿利耳至見危受命則無人焉何足尙邪

沛大漸

袁光廷

唐天寶中安祿山據難西北戍兵悉入援故河隴郡縣皆陷吐蕃惟河西戍將袁光廷為伊州刺史固守歷年雖游說百端終不降諸下同心無攜叛者及糧竭手殺妻子自焚死建中初贈

工部尙書

袁人傑

唐無為人唐末盜賊充斥人傑以土豪招集強壯保障一方賊大入人傑挺身血戰度不能去仰天大呼自刎而死尸僵立者累日賊驚異舍其境遁去鄉人收葬立祠祀之

袁樞

宋字幾冲建安人幼穎悟七八歲時題詩屏間云泰山一葉輕滄浪一滴水我觀天地間何嘗猶一指來大奇之乾道間分脩國史章子厚家乃同里力求潤飾其傳樞曰吾為史官法雖

隱惡舉賢鄉人不可負天下後世公議時相趙鼎歎曰無愧古良史矣樞所居有飛瀑梅竹之勝為樓臺亭榭其上扁曰梅巖日杖屨往來賦詩飲酒其間官至祭酒遷寶謨待制

袁逢吉

宋字延之鄆陵人父蟾大理評事逢吉四歲能誦爾雅孝經七歲兼通論語尙書開寶中擢三傳第累官鴻臚少卿性脩謹練達事務子成務京東轉運副使從子楚材虞部員外郎

袁穀

宋字容直鄆縣人嘉祐中進士少以詞賦得名知邵武軍條鹽法利害以便民養減其誅邵人祠之累官朝奏大夫穀傳買翠書所著有韻類百卷

袁抗

宋字立之南昌人舉進士呂夷簡執政或讒以私謁訖不往自廣南提刑還橐中無錢兩兩貨累官至少府監抗喜藏書至萬餘卷子陟好學善為詩登第官至殿中丞

袁昇

宋鄆縣人初為郡吏五旬無子其妻付資往臨安買妾既得妾察其有憂色且以麻束髮問之泣曰妾乃趙知府女也家四川且貧母鬻妾為歸葬資耳昇即送還母泣曰財已破用昇曰願

相送復以囊中資贈之而歸妻迎問曰妾安在遂告其

袁申儒

嘗于江南築沒田一區名貢士莊以資入省者

袁鎮

宋奉化人養親孝謹百事備至雖顛沛不廢溫清之禮端平初父年七十病亟更醫禱弗驗乃一再割股和藥以進父病垂絕復存者十有五年異母兄有虐之者鎮友事益謹孝弟之稱無

間載表元爲作運
耐記以表其行

袁鏞

宋鄞縣人或淳進士尙氣節元兵至鄞往軍前責以大義遂遇害初孫士元纂鏞爲翰林國史檢討官不就所著有書林外稿

原

周文王第十六
子原伯之後

原憲

周字子思宋人孔子弟子原思也爲人狷介所居蓬樞葵廬正冠則纓絕振襟則肘見納履則踵決子貢過之曰夫子病乎憲曰無財之謂貧學道而不能行之謂病若思貧也非病也唐贈

原伯宋加封任城
伯今祀稱先賢

原亢

周孔子弟子字子籍
魯人宋封樂平侯

原涉

漢字巨先南陽太守常例二千石官賦送葬皆萬以上時又少行三年喪者涉父死讓選賜送扶柩歸葬廬墓三年

源

出自代北禿髮得檀之子賀入後魏太
武曰爽卿同源可謂源氏又盟出西平

源賀

南北西平人偉容貌事魏賜爵西平侯以功進平西將軍太武征涼州以爲鄉導累官冀州刺史封龍西王嘗上十二陣圖卒贈侍中諡曰宣子思禮賜名懷謙恭寬雅有大度文成末爲

侍御中散詔持節巡行北邊鎮恒燕
朔三州上事宜三十餘條皆見嘉納

源休

唐使回紇有口辯欲殺者數四不屈使還除光祿卿

源乾曜

唐湖州臨漳人第進士神龍中以殿中侍御史出知江東遷諫議大夫開元中拜相帝東幸以京兆尹留守京師治尚寬簡居三年政如始至

轅

陳轅濩之後

轅豐

漢建始間為長安令治有能名擢拜司隸校尉

轅固

漢齊人治詩景帝時為博士以廉直拜清河王太傅以疾免武帝立復以賢良徵諸儒多嫉毀之曰固老罷歸之時年已九十餘公孫弘亦被徵仄目事固固曰公孫子務正學以言毋曲學

以阿世請齊以詩顯者皆固弟子也

爰

望出權陽即袁氏陳胡公裔九代孫爰伯諸之後

爰廷

漢字季平陳畱外黃人為侍中桓帝嘗問朕何如主對曰中主帝曰何以知之曰尚書令陳蕃任事則治中常侍黃門預政則亂是以知之帝嘉其言後拜大鴻臚

垣

漢西河太守垣恭之後

垣敞

南北燕人與二子遵苗歸晉敞拜龍驤將軍苗子護之字彥宗少儻氣幹強果仕宋為殿中將軍累遷鍾離太守義宣反護之率水兵大破賊將封益陽縣侯拜青冀二州刺史尋徵為

右將軍卒諡壯侯護之兄詢之驍勇有力梁山之役力戰中流矢卒贈冀州刺史詢之子崇祖字敬遠年十四有幹略護之曰此兒必高大吾門歷琅琊蘭陵太守齊高帝踐祚徒為豫州刺史魏攻宜春

立堰塞澗水起小城崇祖謂長史曰庸必攻小城即破堰放水豈非小勞而大制耶魏軍果溺死數千

其兩翅毛脫空無馮預始命勳封將軍縣子遷兗州刺史

樊

上黨商音文王後漢仲支孫爲周卿士食采于樊因氏又遷出南陽

樊仲父

上古吳時人牽牛飲水見其父洗耳乃驅牛還耻令其牛飲于下流

樊須

周字子運魯人孔子弟子唐封郃伯宋封益都侯

樊噲

漢沛人以屠狗爲事從高祖起豐及與項羽會鴻門羽有殺沛公意張良出謂噲曰今項莊拔劍舞其意常在沛公也噲卽帶劍擁盾入軍門瞋目視羽頭髮上指目眦盡張羽曰壯士賜之

卮酒一生覆盾噲立飲唱之羽曰復能飲乎噲曰臣死且不避卮酒安足辭夫秦虎狼也天下皆叛沛公先破秦入咸陽勞苦而功高如此未有封爵之賞而聽細人之說欲誅有功之人此亡秦之續耳竊爲將軍不取也沛公欲亡去而以未辭雖噲曰大行不顧細謹大禮不辭小謹今人方刀俎我爲魚肉何辭爲沛公遂脫歸 高帝有疾臥禁中詔戶者莫得入絳侯灌嬰等莫敢入十餘日樊噲排闥直入大臣隨之噲等見上枕宣者臥流涕曰始陛下起豐沛至定天下何其壯也今天下已定又何憊也且陛下獨不見趙高之事乎帝笑而起噲累從征戰多立大功封舞陽侯

樊準

漢和帝時爲尙書即以儒風衰上疏陳得失略曰人君不可以不學光武受命中興不遵啓處然猶投戈講藝息馬論道又多徵名儒每宴會則論難衍衍共求政化介冑之士悉通孝經

今者博士倚席不講儒者競論浮麗忘警警之忠習譏諷之辭臣愚以爲宜下明詔博求幽隱寵進儒雅以俟聖上講習之期鄧太后深納之詔公卿各舉隱士大儒務取高行博雅者

樊重

漢家貴鉅萬賑給宗族恩加鄉閭貸人以數百萬臨終遺命焚其契券 重子宏光武之舅有大志帝卽位拜光祿大夫封壽侯侯畏慎不求荷進戒其子曰天道惡滿而好謙今保身全己

豈不樂哉宗族化之未嘗犯法 宏子儻字長魚謹約有文事後母至孝及母卒哀毀過禮帝嘗遣黃門朝暮送餽粥諭之節哀儻受公羊屬氏春秋於丁恭迺刪定二氏春秋章句世號樊侯學教授門徒

幾千餘人 去孫準字幼陵和帝時為鉅鹿太守歲饑民流準課農桑施方略明年歲大豐穀價賤十倍趙魏之間遭寇掠準外禦盜賊內撫百姓境內以安

樊

曄

漢字仲華新野人光武徵時以事拘新野後為市吏餽餌一箱帝德之及即位拜天水太守善惡立斷吏民及羌胡畏之刑罰嚴措道不拾遺

樊

英

漢字季齊魯陽人習京氏易兼明五經善風角州郡交辟皆不就嘗有暴風起西力英曰此成都市火甚盛因激水作雨息之後成都人至詢之果然順帝備禮徵之稱病不屈詔以為光祿

夫大

樊子蓋

隋字華宗仕為武威太守以善政聞煬帝曰人道公清果如人言不子蓋謝曰臣安能清只是小心不納賄耳帝乃賜口味百餘斛後陪宴積翠池帝親以金杯屬子蓋酒曰真嘉謀侯公

後勳即以此杯賜公用為高年之瑞

樊

澤

唐有將帥才德宗召對延英稱旨後拜相 子宗師字紹述力學博覽著春秋傳樊子凡百餘篇不蹈襲前人一言一句號灑體終諫議大夫韓愈稱議論有經據嘗薦其才可用

樊智遷

唐蜀郡太守秩滿去任民歌曰太守來門夜開太守去民惶懼

樊資深

宋字達原少遊汴徙司馬溫公學皇祐初中拔萃異科授澶州別駕致仕歸 資深性剛介博通經史睦姻族鄉人之貧無食者救之以粟死無棺者助之以木家居二十年費以萬計

樊若水

宋池州人舉進士不第謀歸宋釣魚采石磯以小舫載絲繩其中維南岸疾棹抵北岸計江之廣狹丈尺詣闕上書言江南可取狀請造浮梁以濟師帝然之及師南下試舟於采石不差尺

寸大軍渡江若履平地焉帝擢若水為右贊善大夫

言 優

唐字子波，號子石，在武聖祠。其子樂爲教，知滅明賢而取之，爲聖門高弟。唐贈吳侯，宋改封吳公。

敦

陳留姓之後，又云秦史敦之後。

敦 洽

周衛醜人

論

盧昆切吐番太姓，疎東贊之後。

論 瑀

唐字惟貞，以字行。本吐蕃族也。開元末爲左武衛右將軍，遷光祿，嗣李光弼討史朝義，以惟貞守徐州。

渾

平聲河南鄭大夫渾罕，渾良夫之後。

渾 釋之

唐蘭州人有將才，世爲本州都督。從朔方軍，戰功居多。累遷開府儀同三司，封寧朔郡王。與吐蕃戰，殺子城年十一，善騎射。隨釋之防秋，節度張齊丘獻曰：「與乳媪俱來耶？」是歲立跳盪功。

從破河魯部勇冠三軍，後從李光弼定河北。又從郭子儀復西京，討安慶緒，功勳赫奕。吐蕃常曰：「唐之良將，渾城馬健，李晟而已。」嘗以計去之，則唐可圖矣。官至檢校尚書右僕射，同平章事，封咸寧王。城

性謙謹，雖位窮將相，無自矜大之色。每貢物，必躬自閱視，受賜如在。上前每奏事，上有不從者，退輒私喜曰：「上不疑我矣。」故能以功名終。

根

見姓苑

根 牟子

周著書

繁

音變，商人七族有繁氏。潁川又出，上麻。

言 敦 論 渾 根 繁 韓

卷之五

言敦論渾根繁韓

六

繁

欽

晉字休伯以文章機辯少得名譽于汝穎間欽既長于書記又善為詩賦率皆巧麗為丞相主簿

十四寒

韓

南陽南音唐叔曠之後曲沃桓叔之子厲食邑于韓原因氏

韓

非

周韓之諸公子與李斯俱事荀卿善刑名法律之學作說難孤憤五蠹說林共五十餘篇號韓非子

韓

朋

周為大夫妻美貌康王奪之韓被囚自殺妻乃陰腐衣王與登臺自投下王速牽衣衣裂遺書于帶願以尸與朋合葬王怒令兩塚相望經宿忽梓木生于二塚根連于下枝連于上有二鳥

如鴛鴦常栖其上且暮悲鳴時謂二人之精魂

韓

信

漢淮陰人貧甚釣于城下漂母憐而飯信信曰吾必有以重報母母怒曰大丈夫不能自食吾哀王孫而進食豈望報乎又嘗見辱於屠中少年曰子每好帶劍能死刺我不能出我胯下信

俛首請伏出其胯下市人皆笑信為怯及項梁渡淮信仗劍從之信數以策于羽羽不能用從間道歸漢諫公薦于漢王以為治粟都尉蕭何與語奇之漢王未及重用信亡去何自策騎追之及還薦信于

王曰諸將易得至如信者國士無雙王必欲爭天下宜設壇具禮拜信王從之信既受命引兵從故道出虜雍定三秦擒魏取代仆趙齊燕破楚下齊立為齊王將兵會垓下漢取天下大抵皆信之功後徒

為楚王信至楚召漂母酬以千金召尋已少年以為中尉告諸將曰此壯士也方辱我時寧不能殺之耶後高祖偽遊雲夢擒信貶為淮陰侯後為呂后所殺臨刑嘆曰狡兔死走狗烹飛鳥盡良弓藏敵國

破謀臣亡天下已定臣固當烹三傑之一

韋

漢燕人文帝時為博士推詩人之意作內外傳數萬言亦推易意

韓 一福 漢人人行 高徽至京兆病不得進元鳳元年詔號曰朕感勞以官職之事賜帛五十疋遣歸其務備孝

弟以教鄉里福歸終身不仕卒于家

韓伯俞 漢梁人性至孝時有過母杖之大泣母曰往者杖汝常悅受之今者杖汝何得悲泣伯俞曰往者杖常痛知母康健今杖不痛知母力衰是以悲泣

韓 韶 漢長社人就辟為泰山嶽長賊聞其賢相戒不入境流民入縣界者甚衆韶怒其機開倉賑之主者爭不可韶曰長活溝壑之人而以此伏罪舍笑入地矣子融少有幹局累官至太僕

韓 說 漢字叔儒山陰人博通五經尤善圖緯之學舉孝廉與議郎蔡邕友善數陳災眚稍遷侍中光和元年十月說言于靈帝云其晦日必食乞百官嚴裝帝從之果如所言

韓 稜 漢字師伯下邳今來人德之立廟以祀徵拜司空平生不飲酒一日侍上忽醉上問其故稜對曰臣今日降且邳人或奠醑爾遣使徵訪果然唐宋以來瓊豆不絕封淵德公

韓 順 漢字子真天水紀人以素行清白辟州宰不詣王莽末隱于南山地皇四年漢起兵于南陽順同縣隗囂等起兵自稱上將軍西州大震惟順脩道山居執操不同囂以道術深遠遣人賞璧

帛卑辭聘順欲以為師順因使謝囂曰禮有來學義無往教即欲相師但入深山來驚聞囂然不能強屈其後囂等皆滅順惟山棲安然以貧潔自終

韓 歆 漢歆好直言無所隱諱光武不能容歆又嘗於帝前證歲將饑指天畫地忠誠所發言甚剛切坐免歸田里帝猶憾之不釋復遣使宣詔責之歆及子嬰皆自殺歆素有重名死非其罪衆心

不服帝知有外議甚悔乃以錢穀賜其家仍以成禮葬之

韓 康 漢字伯休霸陵人家世著姓康賣藥長安市口不貳價三十餘年時有女子從康賣藥康守價不貳女子怒曰公是韓伯休耶乃不貳價康歎曰我本避名今女子皆知何用藥為遂隱霸陵

山中連徵不起桓帝備立編安車聘康康辭安車自乘柴車冒晨先使者發至亭亭長以韓徵君當過方發人牛脩道及見韓柴車幅巾以為田叟使奪其牛有頃吏者至奪牛翁乃徵君也後竟道中遁去

韓 珩

漢爲袁紹別駕袁將焦觸背袁向曹率諸太守殺白馬盟令曰違者斬以次敵至珩曰吾受袁恩智不能救勇不能死于義闕矣若北面曹氏所不能爲也一坐爲珩失色曹操聞珩節甚高

之屢辟不至卒于家

韓 延壽

漢字長公燕人爲左馮翊行縣至高陵民有昆弟相與訟田延壽大傷之曰幸得備位爲郡表率不能宣教明化至今民有骨肉爭訟既傷風化咎在馮翊因閉閣思過一縣莫知所爲令丞

以下亦皆自繫待罪於是訟者自悔肉袒謝罪願以田相讓終死不敢復爭郡中翕然相飭勸不敢犯延壽恩信周徧二十四縣莫敢以辭訟自言者推其至誠吏民不忍欺給 初延壽爲潁川太守改趙廣漢之政教民禮讓後黃霸因其迹而大治後被蕭望之

韓 當

三國遼西人以便弓馬有膂力幸于吳孫堅從征伐犯危難陷敵擒虜爲別部司馬後與周瑜俱破曹操與呂蒙襲取南郡官至昭武將軍封都亭侯

韓 暨

三國字至公堵陽人祖術河東太守父純陽郡太守嗣縣陳茂暨父致大辟暨殺茂以首祭父墓由是顯名仕魏爲太常崇明正禮廢去淫祀累官至司徒卒諡恭侯

韓 伯

晉字康伯長社人清和有思理留心文學勝氣簡書談掩其勇殷浩及王坦之皆見推獎官至吏部尙書

韓 績

晉字典齊廣陵人少好文學以潛退爲操東士並宗敬之王導辟爲掾不就咸康中召拜博士累老病卒于家

韓 麒麟

南北仕魏爲濟州刺史爲政尙寬從事劉普慶說曰公杖節方夏不誅斬何以示威麒麟曰刑罰所以止惡仁者不得已而用今民不犯法又何誅乎若必斷斬然後可以立威請以刑應之

普慶慚懼而退

韓 靈敏

南北會稽人蚤孤與兄靈珍並有率性母亡家貧無以營葬兄弟共種瓜中款胡采瓜子養生已復如此

韓伊伯 止朋數尺鄰呼隨傷侵之係伯輒更改種久之鄰人慙愧還其所侵地躬往謝之

韓懷明 南北上黨人客居荊州十歲母患尸挂每發輒危殆懷明夜于星下禱賴祈禱時寒甚忽聞香氣空中有人曰童子毋須臾自差無勞自苦未曉而母平復鄉里以此異之

韓擒虎 隋字子通河東人容貌魁岸文帝時拜虜州總管委以平陳之任及大舉擒虎以輕騎五百直取金陵陳平進位至上柱國

韓洪 隋字叔明少驍勇臂力過人平陳之後授行軍總管晉王廣大獵于蕪山有猛虎在國中衆皆懼洪馳馬射之應弦而倒尋以功加柱國蕪州刺史

韓綽 隋南燕人爲右僕射封嵩爲左僕射嵩弟融爲東中郎將綽弟就爲西中郎將四人同拜帝曰羅二龍于長衝聘雙驥于千里

韓瑗 唐水穀初同宗欲立武氏爲后褚遂良極諫帝怒貶遂良瑗因問與事涕泣力救復上疏曰遂良體國忘家風霜其操鐵石其心社稷之舊臣陛下之賢佐願鑒無辜稍覺非罪上納之

韓嬌 唐好彈以金爲夫一日失者十數長安爲之語曰若饑寒逐彈丸嬌出則隨之

韓幹 唐善畫馬古今無兩

韓思復 唐爲雋州刺史黃芝五莖生州署民刻石紀頌之遷御史大夫卒元宗親臨其碑曰有唐忠孝韓長者之墓子朝宗爲荊州刺史李白與書云生不願對高戶侯但願一識韓荊州襄州有

二井飲者多死朝宗移書論神飲者無恙人號韓公井

韓休 唐開元中拜相休爲人峭直不干榮利及爲相甚允時鑿又能守正不阿宋璟歎曰不意韓休乃能如是所謂仁者之勇也玄宗或小有過差輒問左右韓休知否言終諫疏已至左右曰韓

休爲相陛下殊瘦於舊何不逐之上曰吾親雖覆天下則足蕭嵩順旨吾退不安韓休力爭吾退乃安吾用韓休爲社稷耳非爲身也休頭銳稱筆頭公子澁性節儉衣裘襦十年一易門當列戟以父

時第門不惡壞乃不請居重位清潔嫉惡不爲家人資產幼時已有美名所與游皆天下豪傑德宗因
遭亂幸天歲饑乏糧澆遣何士幹貢綾羅四十櫓運米數百艘又以米百艘餉李成衆賴以全 初澆
在鎮海聚兵脩城或謂其陰著異志上疑之李泌曰澆公忠清儉貢獻不絕脩城爲迎扈之備耳此乃
人臣忠篤之慮奈何更以爲罪乎臣請以百口保澆願陛下面諭澆子韓舉使之歸覲令澆速運糧餉
此朝廷大計也上卽諭韓舉歸澆感悅卽日運米百萬斛應舉留五日還朝自送至江上冒風濤而遣
之 初陳少遊卒大將欲自爲留后澆遣使謂之曰汝敢爲亂吾卽日全軍渡江誅汝矣上聞之喜謂
李泌曰澆不惟安江東又能安淮安吳大臣之器卿可謂知人遂加澆同平章事江淮轉運使澆入貢
無虛月朝廷賴之 先是關中有虜虜竭禁軍脫巾呼於道曰拘吾於軍而不給糧吾罪人也上憂之
澆卽貢米數萬斛李泌上奏上喜遂至東宮謂太子曰韓澆米已至陝吾父子得生矣 初澆過汴與
劉支佐約爲兄弟澆曰弟何時入朝支佐曰久欲入朝力未能辦澆曰澆力可及乃遣支佐錢二十萬
備行裝澆留大梁三日大出金帛賞勞一軍爲之傾動支佐驚服遂與之俱入朝 澆爲人彊力嚴
毅自奉儉素夫人常衣絹裙破然後易久在二浙所辟僚佐各隨其長有故人子相謁考其能否無所
長因與宴竟席未嘗左右視因使監
庫門其人終日危坐其能用人如此

韓

翊

唐字君平南陽人仕爲駕部郎中知詔誥有能詩名號天墜才子時有兩韓翊其一爲刺史時
制誥兩人上御批與翊宰相請與何韓翊德宗誦君平寒食詩云春城無處不飛花寒食東風

御柳斜日暮漢宮傳蠟燭輕烟散入五侯家與此韓翊終中書舍人 翊落第時與一李生善李家累
千金負氣愛才有幸姬曰柳氏黽絕一時善謳詠李生居之別第館翊於側翊雖貧所往來候問者皆
一時之彥柳氏自門窺之謂侍者曰韓夫子豈長貧賤者乎遂通意焉李生素重翊後知其意乃具酒
設酣飲以柳氏贈翊又以資三十萬佐渡之費明年禮部侍郎楊翊擢翊上第柳氏勸翊回家省親於
是翊省家於清池天寶末盜覆二京士民奔駭柳氏以豔懷見辱乃于法靈寺剪髮爲尼侯希逸節度
潤青素藉翊名請爲書記及宣宗反正翊乃遣人奉金并詩求柳氏詩云章臺柳章臺柳昔日青青
今在否縱使長條似舊垂亦應攀折他人手柳氏見詩嗚咽答云楊柳枝芳菲節所恨年年贈離別一

且相待於通政里門及期而往以輕素結玉合實以香膏自車中投之曰當遂永訣遂同車而去婦大
不勝情愴色皆喪希逸府中有虞侯許俊者素以材力自負見翊所爲撫劍言曰必有故願一効用翊
不得已具以告之後曰請足下數字當立致之俊乃徑造沙吒利之第候吒利出行里餘俊力被靴執

響排闥呼曰將軍中惡使召夫人僕妾辟易遂升堂出翊札示柳氏挾之跨鞍馬倏忽而至引裾而前
曰幸不辱命柳氏與翊交泣哽咽是時沙吒利恩威炎赫翊懼乃詣希逸暴明希逸大驚曰吾平

生難事俊乃能爾遂上疏曰檢校尚書金部員外郎兼御史韓翊久列叅佐累彰勳効頃從鄉賦有妾
柳氏阻絕免寇依正名尼今文明撫運遐邇歸化將軍沙吒利死恣撓法憑恃微功驅有志之妾干無

爲之政臣部將兼御史中丞許俊族本幽薊雄心勇決却奪柳氏於韓翊義切中抱雖昭感激之誠
事不先聞固乏訓齊之令尋有詔柳氏宜歸韓翊許俊欽賜錢二百萬其後柳氏遂得與翊偕老焉

韓

愈

唐字退之南陽人七歲讀書日記數千言比長盡通六經百家之學擢進士第累官刑部侍郎
時憲宗迎佛骨入內愈上表切諫以爲佛本夷狄自古無有至漢明帝時其教始入中國就使

其身尙在來朝京師陛下不過宣政一見賜衣一襲衛之出境不令惑衆也况其朽骨豈宜入宮乞投
諸水火以斷天下之疑佛如有靈能禍福人凡有殃咎宜加臣身上大怒將加極刑裴度崔群爲言乃

貶愈爲潮州刺史時潮有鱷魚爲民害愈爲文祭之鱷患乃息尋改袁州召拜國子祭酒歷轉吏部侍郎
卒贈禮部尚書諡曰文愈爲文粹然一出子正輔翊六經學者仰之如泰山北斗云 皇甫湜稱退

之文曰穿天心出月脇柳子厚嘗得昌黎集先以書蔽露院手然後讀 愈父仲卿爲武昌令伯父雲
痾爲禮部郎中叔父紳痾涇陽令 愈子昶幼聰穎長慶中第進士爲集賢校理 愈姪湘字清夫祖

介父老成蚤卒湘幼育于愈落魄不羈愈勉之學湘曰吾所學非公所知公使言其意作詩曰青山雲
水窟此地是吾家後夜流瓊液凌晨咀絳霞琴彈碧玉調爐養白朱砂寶鼎存金虎元田養白鴉一瓢

藏世界三尺斬妖邪解造逖巡酒能開頃刻花有人能學我同去看仙葩公曰子能奪造化乎曰茲事
甚易卽聚土以盆覆之良久花開花片上出金字一聯云雲橫素嶺家何在雪擁藍關馬不前公不曉

湘曰事久可驗後公貶潮州途中遇雪俄有人冒雪而來乃湘也詢其地知爲藍關公遂足成一詩與
同宿傳舍湘作詩云舉世盡爲利名醉吾今獨向道中醒他時定見飛昇去衝破秋空一點青乃出藥

弟維在翰林草制兄弟同時爲宰相近輔者三人衣冠之盛近世未有封原國公證獻廟 德五子維
字持國多深思以父輔政不試進士宰相薦其好古嗜學神宗時累官龍圖閣直學士知開封府上言
諸縣團結保甲民驚擾安石惡之出知表州尋召爲學士承天久不雨維言陛下憂憫災旱損膳避殿
此乃舉行故事恐不足以應天變當痛自克己廣求直言因極言青苗及開邊之害帝感悟卽命維草
詔詔出人情大悅是日雨元祐初赴闕哀臨太后勞問維對曰人情貧則思富苦則思樂困則思息鬱
則思通誠能常以利民爲本則民富常以憂民爲心則民樂賦役非人力所堪者去之則勞困息法禁
非人情所便者闕之則鬱塞通推此而誠行之則子孫觀陛下之德不待教而成矣太后深然之拜門
下侍郎未幾急者諷之出知汝
州後坐黨籍納官而歸卒于家

韓

琦

宋字稚圭相州人年二十登進士第一唱名終太史奏日下五色雲見與范公在兵間最久二
公名重一時朝廷倚以爲重天下稱爲韓范邊人謠曰軍中有一韓四賊聞之心膽寒軍中有

一范西賊聞之驚破膽 公知秦州日嘗夢以手捧天者再其後歷相兩朝已先兆之夢矣 爲定州
安撫使時歲饑設法行賑全活者七百萬入五代以來學校久廢琦葺舍宇課儒生絃誦比之鄒魯

公駐兵延安忽夜有人携匕首至臥內公起問是誰曰某來殺諫議又問誰遣汝曰張相公魏公復就
枕曰取我首去其人曰某不忍得諫議金帶足矣遂取帶去公亦不治此事 公嘗夜作書令一卒持
燭偶他顧燭灺公驟公遽以手摩之而作書如故少頃回視則別易其人矣公恐主吏鞭之卽亟呼之
曰勿易灺今已解持燭矣軍中感服 公在魏府時有禁卒私逃數日而顯其母以至者軍中執之以
見按法當死卒曰母老且病近在數舍閒常恐不復見誠知擅去當誅得一見死無恨公惻然考核得
實卽以便宜釋之軍中感泣有垂涕者 公知大名府日有人獻玉盞二隻表裏無瑕公以百金答之
每開宴召客特設一桌以錦衣置玉盞其上一日召守使飲且將用之酌酒勸坐客俄爲一吏誤觸倒
其盞玉盞俱碎座客皆愕然吏伏地請罪公神色不動乃對客曰凡物成毀皆有時數俄顧吏曰汝誤
也非故也何罪之有坐客歎服 英宗初立曹太后同聽政公欲太后撤簾還政乃取十餘事稟帝裁
決悉當公卽詣太后覆奏后每事稱善公因白后求去后曰相公不可去我當歸深宮耳公曰前代馬

郭雖賢不免食戀權勢今太后便能復辟誠馬鄧之不及未審決取何日撤廢太后連起琦卽厲聲命
驚儀司徹廢旋旣落猶於御屏後見太后衣也 初帝有病內侍等煽惑兩宮遂成嫌隙公與歐陽脩
同奏事儀前太后嗚咽流涕俱道所以琦與脩反覆勸解太后終未釋琦曰此病固爾病已必不然子
病母可不容之乎臣等在外聖躬若失調護太后不得辭其責后驚曰是何言我心更切也同列皆爲
縮頭流汗後數日琦獨見帝帝曰太后待我少恩琦曰自古聖帝明王不爲少矣獨稱舜爲大孝豈其
餘盡不孝哉父母慈而子孝此常事不足道惟父母不慈而子不失孝乃爲可稱但恐陛下事之未至
耳父母豈有不慈者哉帝大感悟 初任守忠建議欲立昏弱以邀大利及帝卽位又乘帝疾語言妄
誕交構兩宮一日琦出空頭敷一道歐陽脩已簽趙繁離之脩曰第書之韓公必自有說繁不敢違旣
而琦坐政事堂召守忠立庭下曰汝罪當死姑謫新州取空頭敷填與之卽日押行意以少緩則中變
也其黨史昭錫等悉竄南方中外咸稱快焉 琦安撫陝西時上疏切言青苗法不便畧曰陛下勵精
求治若但躬行節儉以化天下自然國用不乏何必使與利之臣紛紛四出以致遠邇之疑乞盡罷諸
路提舉官依常平舊法施行帝袖其疏示執政曰琦眞忠臣雖在外不忘王室朕始初意利民不意害
民如此遂諭執政罷青苗法安石堅持不肯琦申辯愈切且論安石妄引周禮以惑上聽 公在嘉祐
時爲相曾公亮爲亞相趙鼎歐陽脩悉大政凡事關政令則曰問集賢典故則曰問東廳文學則曰問
西廳至大事則自決人以爲得宰相體爲相十年光輔三后上曰侍中國之龜鑑歐公心服其德量嘗
曰韓公臨大事決大議垂紳正笏不動聲色措天下於泰山之安可謂社稷之臣又曰累百歐陽脩何
敢望韓公哉 或問伊川曰魏公可學否曰魏公是間氣焉可學英宗朝封魏國公神宗熙寧八年薨
前一夕大星隕州治樞馬皆驚帝自爲碑文載琦大節聚其首曰兩朝顧命定策元勳之碑諡忠獻徽
宗朝追封魏王子四人忠彥粹彥純彥嘉彥 忠彥數宗初拜相召還流入進用忠諫之士壅諫庶司
翁然稱爲得人但被姦黨所嫉不得久居朝耳 初忠彥知定州州人語曰此相公子也吾曹可安枕矣
嘉彥後亦拜
相封儀國公

韓晉卿

宋字伯庸密州安丘人爲童子時日誦書數千言嘗以明經中第歷州縣政循吏課

韓世忠

劉正彥之亂累遷樞密武寧安化三鎮節度使初世忠駐軍青龍鎮金兀朮欲濟江世忠乃

遣蘇德將百人伏龍王廟戒之曰聞江中鼓聲急出擊之兀朮至五騎趨廟中伏兵先鼓而出獲其兩

騎既而接戰江中世忠妻親執桴鼓敵終不得濟虜兀朮之婿龍虎大王兀朮懼請盡歸所掠以假道

世忠以入千人拒兀朮十萬之衆金人自是不敢渡江矣張浚薦世忠爲京東淮東宣撫使屯楚州

世忠拔草萊立軍府與士同力役夫人梁氏親織箔爲屋將士有怯戰者世忠遺以巾幘故人人勵撫

集流散通商惠工山陽遂成重鎮世忠在楚州十餘年兵僅三萬而金人不敢犯岳武穆被冤世忠

心不平往詰秦檜曰莫須有三字何以服天下也遂抗疏言秦檜誤國之罪檜謫言官論之世忠連章

乞解樞柄請骸骨歸遂罷爲醴泉觀使進封福國公節誠如故自是杜門謝客絕口不談兵時跨驢携

酒從一二奚童遊西湖以自樂澹然自如若未有權平時將佐罕得見其面顯仁皇后自金還世忠詣

臨平朝謁后在北方聞其名慰問良久世忠自號清隱居士孝宗隆興初追封新王諡忠武子三人彥

直彥質彥古彥直登進士第調太社令累官工部尙書兼知臨安府屢進讜言後以龍圖閣學士

提舉萬壽觀卒封蕪春郡公嘗撰宋朝事分爲類目名水心鏡凡百六十七卷

韓洙

宋字宗魯鉛山人海南黎安宿其家既去遺囊金數十星宗魯謹識之未幾黎復至詰實悉還之一無所取州以事聞詔賜束帛又事父母能竭其力鄉人稱爲孝廉

韓大寧

宋玉山人紹興中進士有經世志嘗著續百將傳及周易集註乾道間上書劄切上覽而異之除知德興縣有惠政

桓

諱國宮音齊桓公宋桓公之後俱以諱爲姓向魑亦稱桓氏

桓譚

漢字君山沛國相人父成帝時爲太樂令譚以父任爲郎因好音樂編習五經能文章尤好古學光武卽位拜議郎上疏陳時政帝欲以讖決疑譚極言讖之非經帝怒出爲六安郡丞譚者

書二十九篇言當世行事號新論又有賦諫書奏楊子雲工賦王君大習劍桓欲從二子學子雲曰能讀千賦則善賦君大曰能觀千劍則曉劍諺曰習伏衆神巧者不過習者之門

桓景

漢隨費長房學長房謂景曰汝家九月九日當有災速令家人各作絳紗囊盛茱萸繫臂登高飲菊酒可消此災景如言學家繫囊登高飲酒及夕還家雞犬牛羊皆暴死房曰代之矣

桓榮

漢字春卿沛郡龍亢人少學長安精力不倦建武中拜議郎授太子經累遷太子少傅車駕幸大學會諸博士論難於前榮辯明經義每以禮讓相厭不以辭長勝人帝賜以輜車乘馬榮大

會諸生陳其車馬印綬曰今日所蒙稽古之力也可不勉哉明帝即位猶尊以師禮拜為五更子郁字仲思忠厚敦篤學傳父業以尚書教授門徒常數百人郁嘗襲爵上書讓于兄子不許悉以租入與

之官至待中授二帝經業門人楊震朱寵皆至三公郁子叔元明經篤行二女適孫綽及李膺時謂二女俱乘龍言得婿如龍也郁曾孫典字公雅舉孝廉為郎靈帝朝拜侍御史常乘驄馬宦官畏之

京師為之語曰行行且止避驄馬御史三遷至羽林中郎將典弟彬字彥林靈帝朝拜尚書郎與蔡邕齊名邕論彬有過人者四一夙智岐嶷二學優文麗三仕不苟諫四辭隆從非乃樹碑而頌之

桓寬

漢字次公汝南人治公羊春秋宣帝時舉為郎累官廬江太守博通善文推行鹽鐵之議者數萬言以究治亂成一家之法焉凡十六篇

桓彝

晉字茂叔榮九世孫有人倫識鑒拔才取士或出於無聞或得之孩抱時人方之許郭庚亮每屬彝寬一佳吏部及至都謂亮曰為卿得一吏部矣亮問所在彝曰人所應有而不必有人所

應無而不必無徐寧真海岱清士因為敘之遷吏部郎竟歷顯秩東晉初遷吏部郎後為宣城內史蘇峻反彝起兵赴難長史裨惠以郡兵寡弱宜按甲以待彝厲聲曰見無禮於其君者猶鷹鷂之逐鳥

雀今社稷危逼義無寧安遂進屯蕪湖峻陷建康彝進兵涇縣裨惠勸彝與峻通使彝斥之曰吾受國恩義在致死豈可與賊通問遂遣俞縱守關石韓晃攻之將敗或勸退軍縱曰吾受桓侯厚恩當以死

報之吾之不可負桓侯猶桓侯之不負國也遂力戰而死見攻城陷守節而死子冲字子幼性儉朴其妻嘗進新衣冲怒促持去復進之曰衣不經新何緣得故冲乃笑而服之宋武朝兄溫卒以其子

熙才弱使冲領其家代為都督楊豫江州諸軍事冲盡忠王室符堅率兵入寇冲深以根本為憂遣兵入援京師後除揚州刺史冲以謝安有重名以揚州讓之自領徐州力求外出桓氏族黨莫不苦諫冲

處之恬然卒封豐城公諡宣穆子三人嗣爵謙兄器六子石度石慶石民石生石綬石康俱知名嗣子胤有清操位至中書令石度字鎮惡有才幹頗捷絕倫從父於疆園中見猛虎被箭而伏者督將

業知其勇戰令拔箭度往拔之得一箭猛虎跳處亦屬高子虞身驅虎伏一箭以入威鎮敵人冲被符健所圍垂沒石慶羅馬赴之拔冲於數萬乘之中而還其敢抗者時有病者石慶來以怖之病多獲愈為豫州刺史與謝玄率兵經略中原石秀幼有令名風韻秀徹博涉群書尤善老莊嘗獨處一室簡于應接時人方之庾純任西陽太守性放曠不以榮爵嬰其心善騎射發則命者傾坐石秀未嘗屬目止嘯咏而已

桓

伊

晉字叔夏有武幹標悟為王濛劉惔所知嘗督豫揚二州軍事所至撫綏百姓賴焉與謝玄共破苻堅於淝水以功進號右將軍封永脩縣侯伊性謙素不伐善音樂盡一時之妙為江左第一得蔡伯皆柯亭笛嘗自吹之王徽之赴召京師泊舟清溪側伊素不與徽之相識時于岸上過船中客有識伊者稱伊小字曰此桓野王也徽之便令人謂伊曰聞君善吹笛試為我一奏伊是時已貴顯素聞徽之名便下船踞胡牀為作三調弄畢使上車而去客主不交一言

桓彥範

唐字士則狄仁傑薦之于朝彥範與袁恕已共薦陽嶠為御史楊再思曰嶠不欲搏擊之任彥範曰為官擇人豈必待其所欲不欲者尤須與之所以長難進之風抑躁求之路竟擢為御

史彥範與張柬之袁恕已敬暉崔玄暉等謀起兵討武氏之亂彥範以其事白其母母曰忠孝不兩全先國後家可也時太子起居於北門彥範等密陳其策遂率羽林兵五百人斬關而入誅易之昌宗於廡下太后驚起問之對曰易之等作亂臣已奏太子誅之太后謂太子曰小子既誅可還東宮彥範進曰太子安得更歸昔天皇以愛子託陛下今年齒已長久居東宮天意人心久思李氏群臣不忘太宗天皇之德故幸太子誅賊臣願傳位太子以順天人之望太后從之中宗立除為納言封譙國公未幾賜五人皆王爵太后崩五王皆被武三思所殺

桓康

南北蘭陵人隨齊武帝起兵摧堅陷陣江南人畏之肅其形貌可禦瘧疾後封吳平縣侯

潘

榮陽羽音周文王畢公之子孫食采于潘因氏

潘黨 周字叔黨楚大夫與養由基躡甲而射徹七札焉以示楚王曰君有二臣如此何憂於戰

潘璋 三國東郡發干人居貧嗜酒好除沽債家至門輒言俟後豪富相還事吳主權屢平寇盜有功官封右將軍璋為人嚴猛禁令嚴然領兵數千而所在常如萬人

潘京 晉字世美武陵人郡辟主簿有機辯後舉秀才至洛與尚書令樂廣共談累日廣歎其才曰君天才過人若加以學必為一代談宗京感其言遂勤學不倦時武陵太守戴昌父子亦善談俱

為京所風歷巴丘邵陵泉陵三令明于政術道不拾遺

潘茂名 晉潘州人永嘉中入山遇二道士奕願謂潘曰子亦識此否答曰入猶蛇虺出似鷹行道士笑可其說因語以服食之法遂仙去

潘岳 晉字安仁榮陽人鄉邑號為奇童才名冠世藻思如江濯錦綺而增絢累官中書令有西征閒居等賦美姿容少時挾琴彈出洛陽道婦人皆投之以果滿車而歸累官太常卿封安昌公常

為河陽令滿縣種桃李故云河陽一縣花

潘尼 晉字正叔岳從子尼少有清才與岳俱以文章見知性靜退不競唯以勤學著述為事著安身論以明所守

潘綜 晉烏程人孫恩之亂綜與父驥共走避驛困乏綜迎賊叩頭曰父年老乞賜生命賊斫驥綜抱驥賊斫綜凡四創有一賊謂曰殺孝子不祥父子俱得免後以薦累官遂昌縣長宋元嘉中改

其里曰純孝獨租布三世

潘晃 唐廣德人事父至孝嘗以役事至京一夕夢祠山神告曰汝父病篤晃覺驚惶不已日夜奔走以歸一夕復夢神語曰汝父疾愈歸問其故果如夢中言後父卒履墓側三年昭宗詔旌其門

授令

潘師正

唐貝州宗城人少嬰母願墓以孝聞王知遠爲道士師正行其術居逍遙谷高宗幸東都召見問所須對曰茂竹清泉臣所須也山中不乏帝尊異之詔卽其廬作崇唐觀及營奉天宮又敕直造逍遙谷作門南曰仙遊北曰尋眞時太常獻新樂帝更名祈仙望仙翹仙曲卒年九十八贈大中大夫諡體元先生

潘辰

唐常游江淮間自稱野客善劍術落托有大志常謁海州刺史鄭匡國匡國不甚禮館于外廐一日從匡國獵匡國妻因詣廐中視辰棲泊之所唯破榻竹籠而已籠中有錫彈丸二顆餘無所有辰還發籠視之大驚曰定爲婦人所觸幸吾攝其光芒不爾頸落矣國人異之以告匡國匡國密召問曰先生其有劍術乎曰素所習也曰可一觀乎曰可當齋戒三日得平曠之地請試之匡國如期召辰俱至東城辰乃探囊出二錫丸俄出光如白虹旋繞匡國頭上有聲錚然匡國懼汗如雨下謝曰先生神術固已知之幸收其威靈辰笑舉一手二白氣復貫掌中少頃仍爲二錫丸自此匡國甚敬重之後不知所終

潘美

宋字仲詢大名人士少儻有大志仕周以功遷客省使宋太祖受禪陝帥袁彥兇悍美往諭以天命彥遂入朝自後平澤潞楊州下江南廣東討蠻代皆有功累官忠武軍節度使同平章事卒諡武惠

潘閔

宋字逍遙江都人嘗居洛陽賣藥暇日負囊騎驢看山行吟意有所適終日弗返好事者因繪圖以觀焉孫僅魏野皆有詩贈之至道初有言其能詩者因召見崇政殿賜進士及第授四門國子博士後坐盧多遜黨變姓名縉服入中條山嘗題詩鐘樓句奇崛僧疑而迹之逸去朝廷捕治方急閔度不免出首謫信州移太平結廬郡治西南瀕溪居焉吟咏不輟詩苦淡清勁劉攽謂其不減劉長卿後不知所終嘗作苦吟詩云髮任莖莖白詩須字字精貧居詩云長使詩無病不憂家更貧

潘盎

宋著梧人常儒衣持一大髮行坐獨語皇祐中儂賊陷邕至梧城下聞其異召而問曰吾形貌如何盎曰汝一賊爾又曰梧州幾日可陷曰百年亦不陷又曰我欲據此以爲南粵何如曰汝

將斬首豈能有嬰
邪賊怒遂害之

潘谷

宋精墨法山谷嘗以錦囊貯其墨半丸後飲酒三日發狂赴井死人下視之跌坐井中手尚持數珠也坡詩云一朝入海尋李白空看人間畫墨仙

潘大臨

宋字彌老黃岡人與弟大觀皆有詩名與蘇軾黃庭堅張來游山谷嘗稱曰天下奇才謝無逸嘗問有新詩否曰秋來景物佳句

潘懷

宋字景進壬辰兵亂懷父希古被寇縛索貨露刃脅之懷爭前曰貧家無所有則賞不重於父將軍必欲逞怒懷請代父寇試之即引頸遂併釋之後被薦入官

潘兌

宋字說之自進士累官中書舍人歷顯謨閣待制知洪州不登朱勳之門勸護喪歸亦不往見路允迪稱其言語文章一本六經之醇毅然有守終無玷缺與從子民瞻有倡和詩集

潘殖

宋字子醇浦城人大觀中兩以鄉薦上禮部不偶建炎戊申始以累舉除官調真州推官性嗜學不倦嘗悟新學之非于是述忘荃書五卷理性書九篇自號浩然子劉勉之劉子輩皆喜其

書子輩跋其後極稱其得易門戶

潘汝一

宋字古玉海陵人淹貫經史善文章建炎中許容攝州事迎虜西郊汝一不食數日所親強之乃起虜遣人誘之乃罵曰吾生于宋死于宋闔門為忠義鬼含笑入地矣後以進士名次得官

更歷州縣

潘翼

宋字維飛處州青田人貫穿諸子百家之書凡禮樂制度與夫傳註箋疏雜說靡不淹通明天文作皇圖證驗休祥畢應又著九域賦凡山川州里遠近與嘗親歷者言無少異括隱僻字補

註篇韻遺漏辯爾雅本艸名物訓釋舛誤尤工古文記問橫臆動輒數千言邑之聞人登科者多出於其門王公十朋自少從游每歎不能竟其學

潘

宋字文叔萍鄉人年十七領鄉舉入京獻書宰相張浚浚奇之隆興初以累舉特奏名時高宗

後多廣西軍李討平洞賊李樹著豐林一屬又上言二廣通國醫治事宜與當國者異竟格其貸不行致仕弟僊不仕著葛幾古幾五十卷

潘友文

宋字文叔東陽人朱熹呂祖謙皆與友善開禧初知崑山縣寬慈愛人人呼爲潘佛子

潘柄

宋字謙之候官人年十六有志于道朱熹悉以所學授之平生多著述如易解尙書解之類懷瓜山先生卒祠于三山書院

安

武陵商音安息王子入侍送爲漢人

安期生

秦耶邠人賣藥海上號抱朴子秦皇請見與語三日夜賜金璧萬數出阜鄉亭皆置之而去留書以赤玉爲一兩爲報曰後子誠求我於蓬萊山下廣州有葛蒲湖安期所餌也郭祥正詩云

葛蒲湖中生九節流水遂作葛蒲香安期服之已仙去謾說兩烏留秦皇安期生道術皆河上丈人所傳河上丈人不知姓名明老子之術者老子章句戰國時聽說之士咸以權勢相傾唯丈人隱身備

道而不虧爲道家之宗

安金藏

唐武后時或有誣皇嗣反者后命來俊臣鞠時金藏爲太常工人大呼謂俊臣曰公旣不信金藏之言請剖心以明皇嗣不反即引佩刀自剖其胸五臟皆出太后令鑿入宮傳以藏經宿始

蘇嘆曰吾有子不能自明使汝至此卽命俊臣停推審宗由是得免

安重誨

五代隴州人唐明宗時官至中書令時有獻嘉禾白鸞白兔者皆却而不獻務盡忠補過人皆稱焉

安重榮

五代朔州人善騎射晉高祖卽位拜成德軍節度使重榮雖武夫而曉吏事時高祖與契丹約爲子重榮以爲阻中國以辱夷狄此萬世之耻也子德裕字燕之性介潔博貫詳史精于禮

傳宋初舉進士甲科累官金部郎中出知睦州還判太府寺有集四十卷

安昌期

宋皇祐中舉進士調橫州永定尉去官不仕放浪山水間至清遠峽山寺遊和光洞數日不返僧疑為虎所食求之洞前見石壁上有詩曰蕙帳將辭去猿猴不忍啼琴書自為樂朋友孰相

携丹壺非吾藥青雲別有梯
峽山子曾隱人莫擬夷齊

安民

宋長安石工也崇寧間頃蔡京所書元祐黨碑刻石于州縣令監司長史廳皆刻石安民時應役辭曰民愚人固不知立碑之意但如司馬相公者海內稱其正直今謂之姦邪民不忍刻也

府官怒欲加之罪民泣曰被役不敢辭乞免
錮安民二字于石未恐得罪後世聞者愧之

樂

四河徵音唐叔虞之後晉靖侯孫實食采樂邑因氏稱

樂書

周字武子晉大夫成公二年伐齊而歸公勞之對曰士用命也書何力之有焉

樂共子

周晉武公伐異殺哀侯謂其子曰苟無死吾令子為上卿辭曰民生於三事之如一父生之師教之君食之故一事之唯其所在則致死焉從君而二君焉用之遂闕而死子枝事文公為

大夫將下軍趙衰讓之為痢

樂布

漢梁人彭越為家人時嘗與布游及越為梁王請布為大夫越被誅鼻首洛陽下令曰敢有收親者輒捕之時布使於齊還奏事收越頭祠而哭之吏捕以聞上欲烹之布曰願一言而死方

上之困於彭城敗於滎陽越一顧與楚則漢破與漢則楚破今天下已定彭王已死臣生不如死請就烹
世今陛下因徵兵王病未至而陛下誅滅之臣恐功臣人人自危也今彭王已死臣生不如死請就烹

上壯其義拜為都尉後吳楚反布以功封卞侯燕齊之間皆為立社號樂公社

樂

巴

漢字叔元成都人桓帝朝四遷桂陽太守定婚姻之禮興立學校有道德能役鬼神帝正旦大

成相果奏火災云是門火有
雨從東北來火息有酒氣

樂

肇

晉書論語駁三卷釋
疑十卷任尚書令

樂文博

南北長安宿儒
有門徒數千人

檀

清河姜姓齊公族有食暇已檀
城因以爲氏又望出平盧高平

檀

子

周齊臣威王與魏王會田于郊惠王曰齊有寶乎威王曰無惠王曰吾有徑寸之珠照前後各
十二乘者十枚豈以齊大國無寶乎威王曰寡人之臣有檀子者使守南城則楚人不敢爲寇

泗上十二諸侯皆來朝又有盼子守高唐黔夫守徐州
種首捕盜賊此四臣者固將照千里豈特十二乘哉

檀

弓

周魯人
見禮記

檀

敷

漢殿戶人家貧而行清立精舍教授遠方至者數百人仕至紫令
家無產業子孫易衣而出後舉方正遷議郎黨人八及之一也

檀道濟

南北高平人仕宋參建武將軍府事遷太尉參軍從武帝征洛陽獲秦人四千餘議者欲盡坑
之道濟曰弔民伐罪正在今日皆釋而遣之夷夏感悅所至望風降附封丹陽公文帝卽位進

爵司空領兵伐魏所戰皆捷食盡引還有亡卒降魏具告以食盡魏人追之衆洶懼將潰道濟唱鑿量
沙以所餘少米覆其上及旦魏人視之見道濟資糧有餘以降者爲妄斬之道濟全軍而反道濟立

功前朝威名甚重朝廷疑畏之下詔誅之道濟見收憤怒目光如炬脫幘投地曰乃壞汝萬里長城魏
人聞之喜曰道濟死吳子輩不足憚矣子二人臻珪子珪字伯玉王僧虔以爲參軍求祿不得與書

曰蟬腹魚腸爲日已久蟻彪嚇人連與之肉
餓麟不噬誰爲落毛僧虔乃表爲安成郡丞

俞

友錄

卷五

樂檀干官乾

五

檀道鸞

南北字萬安位國子博士永嘉太守亦有文學撰晉續陽秋二十卷

檀翥

南北字鳳翔十歲喪父志清介幼孤寒不與鄰人來往好讀書能屬文又精于琴年十九以名家子仕北魏爲中書舍人

干

穎川干音宋大夫干擘之後又望出崇陽

干吉

三國瑯琊人精脩苦道忽得痼疾晨夕告天誠感老君令仙翁授吉經曰非但愈疾當得長生化行天下吉得之疾遂除凡消災治病無不立驗後孫策將士多病請吉噴水卽瘥策惡之會

天久旱乃縛吉暴日中卽大雨策忌而殺之竟失其尸周旋人間復百餘年後竟仙去宮蓋師事吉服靈母數百歲而色如童後入紆嶼山仙去

干寶

晉字令升新蔡人徙嘉興博覽強記以才器聞召爲著作郎著晉紀三十卷直而能婉成稱良史作搜神記三十卷以示劉惔惔曰卿可謂鬼之董狐撰春秋左氏外傳註爲始安太守

干大本

晉姓許旌陽族也得仙道教姓干夫妻偕隱西山下夫詩云自從明府昇仙後出入塵寰直至今不是戴名問時俗實柴沽酒費無心妻詩云醉舞狂歌踏落花綠羅裙帶有丹砂往來城市

賣生藥那個西山是我家

官

東易商音

官鑑

宋朱文公石鼓書院記云蘇侯諱官侯鑑嘗濟金幣割公田以佐其役

乾

見姓苑

乾思彥

唐性偏僻質遂亮贈以詩云志氣百年內平生一寸心秋交天下士未而已

蘭

中山富鄉穆公名蘭其支庶以王父字爲姓

蘭欽

南北字休明中昌魏人有謀略武勇進號智勇將軍爲龍州刺史屢有惠政甚得民心

蘭宗周

唐猶水氣略三卷

寒

潯陽周武王寒侯之後以國爲氏又望出諷川

寒泉子

周襄惠王謂寒泉子曰蘇秦欺寡人欲以一人之智反覆山東之君合從以欺寡寡人忿然舍怒日久吾欲使武安子起往諭意馮寒泉子曰不可夫攻城墮邑請使武安子善我國家通好

諸侯請使客卿秦惠王曰敬受命

寒朗

漢字伯奇魯國薛人舉孝廉官侍御史車帝時考察楚獄理出千餘人累遷至太尉

寒貧

南北字德林安定人建安初客三輔常讀老子五千文及諸內書晝夜吟咏不絕口後漢中破還長安遂廢愚問其姓名口不言因號曰寒貧

邗

邗子

周蜀人好道往來蜀山百餘年

冠

姓苑云吳人鵬冠子之後又云去聲

冠崇奭

南北著本帥衍義十卷

十五山

顏

魯國商音魯伯禽支庶食采子顏以邑爲氏又望出瑯琊

顏丁

周善居喪見禮記

顏無繇

周字路魯人孔子弟子孔子始教于闕里而授學焉後世累封曲阜侯子回字子淵孔子問子天資明睿聞一知十少孔子三十歲家貧一簞食一瓢飲人不堪其憂回不改其樂孔子問

回家貧居卑胡不仕乎對曰回有郭外之田五十畝足以給飢粥郭內之田十畝足以爲絲麻鼓琴足以自娛所學夫子之道者足以自樂也回不願仕回願貧如富賤如貴無憂而威與士交通終身無患

難亦且可乎孔子曰善哉回也夫貧而如富其知足而無欲也賤而如貴其讓而有禮也無勇而威其恭敬而不失於人也終身無患難其擇言而出之也若回者其至乎雖上古聖人亦如是而已孔子厄

於陳蔡之間仲由有愠言回曰夫子之道至大天下莫能容雖然夫子推而行之世不能用有國者之醜也夫子何病焉不容然後見君子嘗問孔子曰夫子步亦步也夫子趨亦趨也夫子言亦言也夫子

辯亦辯也夫子馳亦馳也夫子言道回亦言道也及奔逸絕塵而回視者乎後矣夫子北遊於農山回與子路子貢辯志曰回聞蕭蕭不同器而藏斃榮不共國而治以其類異也回顧明王聖主而輔相

之數其五教導之以禮樂使民城郭不脩溝池不越罽絺載以爲農器放牛馬於原野室家無離曠之思千歲無鬪爭之患則由無所用其勇而賜無所用其辯夫子曠然曰美哉德乎不傷財不害民不繁

詞則顏氏之子有矣回問爲邦夫子曰行夏之時乘殷之輅服周之冕樂則韶舞子曰用則行舍則藏惟我與爾有是夫又曰吾見其進也未見其止也年二十九髮盡白三十二而卒孔子哭之慟曰天

喪予葬曲阜縣防山東南二十里謂之顏林漢高帝時配祀孔廟唐贈兗國公元贈復聖公爲四配之首

顏之僕

周魯人孔子弟子銳志

顏高 周魯人孔子弟子得其

顏噲 周魯人孔子弟子志存

顏闔 周魯人守道不仕魯君遣使致幣闔曰恐驕誤而遣使者謂不若審之使者還而復來求之則不得矣

顏叔子 周魯人獨處一室夜大雨比舍屋塌一女子趨而投之叔子使執燭于手燭盡焚煉以繼至明不二其志其篤行如此

顏辛 周魯人孔子弟子學業

顏蠋 周齊人隱居不仕嘗言處窮方其藥有四一曰無事以當貴二曰早寢以當富三曰安步以當車四曰晚食以當肉東坡云若此可謂巧于處窮矣 齊景公遊海上而樂六月不歸令左右

曰致有先言歸者死蠋進曰君樂治海不樂治國彼若有治國者君安得獨樂此海乎景公悟遂歸

顏烏 漢會稽人事親孝父亡負土成墳群烏銜土助之其吻皆傷因以名縣

顏駟 漢龐參為郎武帝望過郎署帝問何老也對曰文帝好文臣好武帝好美臣親醜陛下好少臣已老是以三世不遇上拜為都尉

顏含 晉字弘都瑯琊華人少有操行以孝聞仕至侍中加光祿大夫王丞相名位隆重百僚欲為降禮馮太常以問含含曰王公雖貴重禮無偏敬降禮之言或是諸君事宜鄙人老矣不識時務

既而告人曰吾聞伐國不問仁人向馮祖思問佞于我我其有邪德乎 郭璞過含欲為之箴含曰年在天位在人脩已而天不與者命也守道而人不知者性也自有性命無勞著龜 舍兄讎客死其婦

夢讖曰我未應死為醫所誤可急開棺舍時尙小力請父發棺尙有餘息含旦夕營視不出戶者十三年而讖始卒嫂哭喪明藥須蚺蛇膽含逼求之不得忽有童子持一青囊授含開視之乃蛇膽也童子

即化青鳥而去

顏延之

南北朝字延年文章冠絕當世與靈運齊名鮑照曰謝五言如初發芙蓉公詩如鋪錦繡亦雕績滿眼江左稱顏謝宋文帝嘗召之不見但于酒店狂歌了不應對他日醉醒乃見帝問諸子才

能對曰竣得臣筆測得臣文矣得臣義權得臣酒何啻之曰誰得卿狂曰其狂不可及性激直所言無忌諱論者謂之顏彪幸武加金紫光祿大夫子竣從武帝討逆劾以功封右將軍貴重無比凡所資

供延之一無所受布衣茅屋蕭然如故嘗乘羸牛策車達峻嶮源即屏往道側嘗語竣曰吾平生不喜見要人今不幸見汝竣起宅延之曰善為之無令後人笑汝拙也延之嘗早詣竣見賓客盈門竣尚未

起延之怒曰汝出糞土之中升雲霧之上遽驅佚如此其能久乎後竣竟為宋主所殺

顏髦

南北朝字君道顏同二十八代孫博學行父喪在塚鄰家失火廳與二弟謀約抱棺叫號煇燄垂至忽雨頓絕時人以為孝感歷太尉至黃門侍郎卒諡曰定

顏見遠

南北朝博學有志行仕南齊為御史中丞及梁武帝受禪見遠發憤不食數日而卒帝聞之曰我自應天順人何預天下士大夫而顏見遠乃至如此

顏協

南北朝字子和臨沂人顏子三十四世孫少以器局稱博涉群書工于艸隸飛白不求顯達恒辭徵辟僅為梁湘東王記室而已子之推字子分博識才辯當待詔文林館遷散騎侍郎齊亡

入周為御史上士開皇中召為文學深見禮重尋以疾終有文集三十卷家訓二十篇竝傳于世

顏孝初

唐永春人力學起家嘉祐中第進士初廷對有聖勳孝初凡兩中南宮以文名世尤長于詩人爭誦之官祿書

顏籀

唐字師古瑯琊臨沂人顏子三十七世孫性簡嗜視同輩傲然唐初為祕書監校定經史注班固西漢書脩五禮當時典策皆出其手進子爵銀青光祿大夫弘文館學士時人稱為顏祕書

弟相時為瀛洲學士通儒高行以學聞諫議有厚臣

顏元孫

唐字敏脩顏子三十九世孫年十歲試石櫛賦立就嗣舉進士歷官太子舍人玄宗出諸家書賜數千卷令定真偽元孫分別以進帝悅遷滌沂二州刺史終朝散大夫上柱國子杲

卿字昕之爲常山太守安祿山反杲卿起兵討賊河北諸郡響應賊引兵至杲卿舉兵纔八日以守具未備城陷爲賊所執祿山曰吾擢汝爲太守何所買而叛杲卿瞋目罵曰我爲國討賊恨不斬汝何謂

叛也汝營州牧羊羯奴耳豈從汝叛耶祿山怒命縛之天津橋柱節解以肉啖之杲卿嘗不絕口賊鉤斷其舌曰復能言否杲卿含糊而絕顏氏死者三十餘人

顏真卿

唐字清臣博學工詩事親以孝聞開元中遷監察御史使河隴時五原有冤獄久不決天旱真卿辯獻而兩郡人呼爲御史兩爲平原太守祿山反公獨倡義討之元宗嘆曰河北二十四郡

無一人忠臣邪及聞真卿討賊曰朕不識真卿作何狀乃能如是李希烈反朝廷使大臣往陳禍福

盧杞素憾真卿舉之行詔下滿朝失色真卿至東都希烈欲腦之降真卿叱曰汝知有罵賊而死顏杲卿乎乃吾兄也吾知守節而死耳何必多端希烈乃謝之後朝廷誅希烈弟希清希烈怒乃遣中使至

蔡州縊殺之年八十歷相四朝忠直孝友羽儀王室故詩評云千百五年如烈日二十四郡惟一人位

太師封魯國公諡文忠兄春卿子二人顏頌初公之往諭希烈內外知公不還親族餞于長樂坡公曰吾蚤過道士曰陶八八授以刀圭晉霞丹至今不衰老又云七十有厄吉他時待我于羅浮山得

非今日之厄乎公至大梁希烈縊殺葬于城南希烈敗家人啓柩見狀親如生偏身金色後有商人至羅浮山見二道士圍棋一道士曰何人至北笞曰小客洛陽人道士笑願曰奉寄求書至北山顏家商

顏標

唐寒士也咸通中鄭薰主試錯認爲魯公之後以爲狀元無名子嘲之云主司頭腦大冬烘錯認顏標作魯公

顏泉明

唐彭州長史家貧居官廉而孤蔬相從百口飯粥不給無慍色

顏太初

宋彭城人顏子四十七世孫少博學有雋才慷慨好義而詩多譏切時事孔聖祐卒罷襲封太初作詩以諷在位遂以聖祐弟襲封文宣公復中進士累官國子監說書所著有深南子堯樞

集及淳耀聯英集
子復為奉議郎

顏唐臣

宋龍溪巨族里有練石渡湖平可舟潮退則潭行者病焉唐臣乃于北涯鑿土填淤鞭石為陸從地跨石長二千八百七十尺為垂虹亭以戲涉者子敏若復築南堤至新亭凡一千九百尺

歲久淤深其孫戴復砌石增高行者便之昔嘗有
諺云波不難待三顏此其驗也里人為之立祠

顏度

宋字魯子亮公五十三世孫居崑山以文章政事名一時歷臨海令民有去思拜監察御史歷祕閣脩撰孝宗時度每出一言不動如山因以如山自號

山

河南商音周山師掌山林之官以
官為氏風俗通云列山氏之後

山冰

漢黃門令與太
傅陳蕃同坐黨

山濤

晉字巨源河內懷人器量不群少與阮籍為竹林遊武帝朝為吏部尚書甄別人物各為題目時稱山公啓事累官至僕射加侍中諡康侯初羊祜與武帝謀伐吳濤曰自非聖人外寧必

有內憂釋吳以為外懼豈非算乎人服其遠識王戎目之為璞玉渾金人莫知其器濤雅與嵇康善康臨刑謂子紹曰巨源在汝不孤矣長子簡字季倫性溫雅有父風仕為征南將軍鎮襄陽每出遊

習家池上置酒輒醉而歸名之曰高陽池時有兒童歌以嘲之簡子遐仕至東陽太守濤子謨字季長明慧有才志官至司空兄該并州刺史淳允奉車騎都尉

山謙之

南北撰吳興統紀十卷
分吳會丹陽三都三卷

山玄卿

唐名不傳世唐時有夢人遺新宮銘題曰新宮宏宏崇軒轅末云紫陽真人山玄卿撰

山圖

唐隴西人少好乘馬馬賜之折脚過山中道人教之服地黃當歸羌活獨活苦參散服之一歲而不嗜食脚愈身輕復遇道人言忠實吾使汝不死圖即置之瀛洲名山論六十年一旦歸家

正值母死葬畢後
去遂莫知所之

○班 扶陽徵音楚叔放孫令尹子文爲虎
乳楚人謂虎班其子名圖班因氏

班

壹

周秦人遊地樓煩生彌彌生長生稚稚生彪彪班固之父也 壹曾孫稚漢哀帝時爲廣平太守 稚子彪字叔皮沉重好古初事竇融勸融歸漢光武初舉茂才拜徐令所著有王命論

及賦論奏事凡九龍家有賜書好古之士自遠方至父黨揚子雲以下莫不造門 彪長子固字孟堅九歲能文及長博通載籍明帝時與校秘書續成父所著四漢書及作兩都賦與頌記若干卷 次子

超字仲升少有大志不脩小節家貧備書表母嘗投筆歎曰大丈夫無他志略當效傅介子振繫立功吳城以取封侯安能久事筆研間乎左右笑之超曰小子安知壯士之志哉有相者見而奇之曰虎

頭燕頰飛而食肉萬里封侯相也明帝朝竇固命超使鄯善王王禮敬甚備後忽疎慢超謂其屬曰此必有北虜使者來明者觀未萌况已著邪若不入虎穴安得虎子乃會三十六人在斫窳營斬其使鄯

善王大驚納子爲質竇固奏其功并求遣使使西域帝曰吏如班超何故不遣而更選乎以超爲司馬使子寬國於是諸國皆遣子入侍章帝拜超將兵長史以徐幹爲軍司馬令李邑護送烏孫使者邑不

敢前因上書毀超擁愛妻拘愛子安樂外國無內顧心超歎曰身非曾參而有三至之讒恐見疑於當時矣遂去其妻帝知超忠乃切責邑令受超節制超即遣邑將烏孫侍子還徐幹曰邑前毀君今不可

遣超曰內舍不夜何郵人言快意留之非忠臣也和帝朝以年老乞歸久之未報其妹曹大家復爲超上書臣不敢望到酒泉郡但願生入玉門關帝乃以任尙代超爲都護尙見超請教超曰君性太感魚

水清無大魚察政不得不和宜薄快簡易寬小過總大綱而已尙私謂所親曰我以班君常有奇策今所言平平耳尙後果失邊和如超言 超妹昭字惠姬適曹世叔世叔亡和帝召入宮令皇后貴人皆

師事之號大家作女誡七章兄固著漢書未就死昭昭踵而成之 超子勇有父風和帝時匈奴殺漢吏太后召勇問之勇請復置都護通西域以拒北匈奴詔從其議

班嗣脩

漢儒學尤貴老莊桓生借其書嗣脩報曰若莊子者絕聖棄智脩生保真漁釣于一壑棲遲于十丘不結聖人之網不賦羸君之餌今子旣繫鞶于世故何用大道爲

班景倩

唐自採訪使入爲大理少卿過大梁刺史倪若水饒之立望其行塵久之乃返謂官屬曰班生此行何異登仙

班肅

唐貞元中高郵知貢舉舉肅第一柳子有送歸序

關

關西商賈夏業大夫關龍逢之後又尹喜爲關吏亦以關爲姓又聖出東海

關龍逢

夏以諫桀而死相傳爲今安邑人

關羽

三國字雲長解州人與劉玄德同生死曹操進兵擊下邳困羽使張遼說之降羽表三約以明已志操從之封羽爲漢壽亭侯時備甘糜二夫人亦爲操所獲操欲亂其臣主之義使羽與二

夫人共室羽避嫌秉燭侍立至天明 袁紹遣大將顏良戰曹操使張遼關羽先登擊之羽望見其

躍蓬策馬刺良於萬軍之中斬其首而還紹軍奪氣 初操壯羽之爲人而察其心神無久留之慮使

張遼問之羽歎曰吾極知曹公待我厚然吾受劉將軍恩誓以共死不可背之吾終不留要當立效以

報曹公乃去耳遂以羽言報操操善之及斬顏良盡封其所賜拜書告辭而奔劉備於袁軍左右欲追

之操曰彼各爲其主勿追也 羽誓爲流矢貫左臂後病愈每陰雨卽痛發者華佗曰矢鏃之毒入

骨須剗開流去其毒以藥續縫之庶水無患羽仰臂命醫之血流淋漓羽割炙飲酒自若 後劉備卽

帝位拜前將軍假節鎮荊州事秉政曹仁於樊城擒于禁殺龐德自許以南往往過歷羽威震華夏

孫權遣使求婚於羽羽罵其使不許骨痛憾之使用呂蒙計伏兵船中以白衣搖櫓作商賈人服

關文衍

南北爲散騎常侍壽九華山園子白巖中贊號九華中贊自云吾此身常在雲泉之內

關康之

南北字伯倫河東人性清約獨處一室若與妻子相見頗延之及一時諸名士嘗入山候之見

傳授尤善左氏春秋所撰有禱論齊高帝絕愛賞之臨崩遺詔以入立宮

關

魯

宋以進士起家盡力於官歷守池治兩州為尚書郎年八十歸老錢塘陳襲作鴻飛詩送之八子景彥景元景仁希聲杞景山景宣景夏皆學行備立以進士同升者五人後相繼第進士又

三人景元能其官景仁字彥長性多能經律歷數草隸圖畫無所不學尤長於詩子四人潔淳演注皆舉進士景仁第四子注字子東登紹興五年進士第嘗教授湖州與胡暖之孫漁良暖遺書得易解中肅義藏之學宮又錄暖言行為一帙汪藻為之序官至太學博士卒注號香巖居士有蘭博士集二十卷

環

楚有環烈子孫氏焉

環濟

漢博士撰要略十卷

子孫氏焉

尙友錄卷六

一先

先

諱都南音

先軫

周晉人文公時爲大夫城濮之役將中軍敗楚師文公卒秦師伐鄭襄公從軫之謀敗秦師于穀卒陸曰貞子襄亦爲大夫襄弟且居襄公以其父軫死敵命將中軍初文公之世諸侯

朝晉獨衛不朝襄公謀伐衛且居曰彼尤禍也請若朝王臣從師晉侯朝王子履且居晉臣伐衛圍齊取之後又敗秦師于彭

錢

彭城徽音顧胤曾孫陸終生彭祖
詛孫字爲周錢府上士以官爲氏

錢丹

周職國時隱士

錢林

漢字元茂本徐州人建平中爲諫議大夫元始中王莽專政林遂棄爵隱長樂殿門里不干名利子孫因家焉

錢達

南北字通南臨安人梁大同中爲廬陵王國侍郎羽林監陳高祖立遷東海太守生九子皆掌郡符故其地所居之山號九州山見羅隱所爲碑記

錢九隴

唐字永業長城人善騎射累官右武衛將軍從平洛陽佐皇太子建成討劉黑闥有功封郟國公改隴國卒諡曰勇陪葬獻陵

錢起

唐字仲文長興人工於詩天寶中舉進士與郎士元齊名時語曰前有沈宋後有錢郎大歷十才子起其一也嘗赴舉夜聞空中歌云曲終人不見江上數峰青及賦洲靈鼓瑟末句用此

二句足之主司歎曰若有神助凡公痛出牧事使起與士元無詩祖行衆以爲恥起子微字蔚章元和和中進士憲宗時嘗切諫毋入無名貢獻後宰相段文昌以所善托求第籍微不如所請致貶江州人

勸出段私查以自直歐曰苟無愧于心安事辨證即焚其書爲庶子時有遺之錢二十萬者歐不納或言非當路可無拒曰取在義不在官也起孫翊工詩有雪晴早朝詩云紫微晴雪帶恩光逸仗偏隨

驚駕行長信月明寧曉堂
春花滿不飛香亦以詩名世

錢

朗

唐南昌人讀書西山以五經登科累官至光祿祿文宗朝歸隱廬山得補腦還元之術錢鏐延致于杭禮之如師玄孫數人皆以明經爲縣宰已皓首矣而朗猶如童子一日與家人曰我適

爲上清所召今去矣俄氣絕數日顏色如生舉棺尸解去時年一百七十歲

錢

鏐

唐字真美杭州臨安人幼年嘗與羣兒戲里中大木下坐石上指麾羣兒爲隊伍號令有法羣兒憚之及壯無賴不事生業以販鹽爲盜縣錄事起有子數人與鏐飲博起嘗禁其子子竊

從之遊豫章有術士蒼望氣觀王氣注斗牛間占之知在臨安邇求不得術士與鏐起嘗謂起曰吾占君縣有貴人求之未有親君之相貴矣然不足以當之起乃置酒悉召賢豪命術者歷觀之曰皆非也適見鏐大驚曰此真貴人也起笑曰此吾後舍錢生博徒爾術者止鑿然視之顧起曰君之貴者因此人也起乃厚待鏐資其窮乏及鏐貴將起爲賓客唐乾符初王郢作亂石鑑鎮將董昌募兵討賊表鏐

爲偏將軍鄒液之是時董昌兵大掠浙東鏐引勁卒蹙之斬首數百董大驚乃引兵還中和間越州觀察使劉漢弘與董昌構兵鏐擊斬漢宏拜都團練使景福間進鎮海軍節度使乾寧間加檢校太尉中

書令治錢塘封吳王收所居爲衣錦城幼所戲大樹曰衣錦將軍天復二年封越王天祐元年收封吳王梁太祖封吳越王屢飭坐廳幼時釣弋之所盡蒙以華屋版墮撫養亦裁錦袍之款曰焉敢忘本

鏐置酒高會故老執爵上壽歌曰三節還鄉掛錦衣吳越一王駟馬歸天明分愛日輝百歲荏苒兮會時稀收遠安爲衣錦軍明宗長興三年卒年八十二諡武肅初時錢塘人苦海潮築堤捍之惡潮

衝擊不能成鏐命張弩數萬射之潮退而成有錢箭大若杵今在杭城南新橋雖首出土可據不可拔父老云掘之則隨土陷塔之則隨土高鏐子元瓘字明實受唐命爲吳王晉天福二年加中書令瓘善

漢將士好儒學善爲詩使其國相沈恭置押能院選吳中文士錄用之然性奢侈好治宮室因火燒宮

弘佐季弟弘做字文德宋太祖卽位賜做開吳鎮越榮文耀武功臣開寶九年弘做來朝賜劍履上殿

詔書不名太宗時復來朝置爲大師中書令卒諡忠懿七子惟濟惟濬惟治惟演惟灑惟晉惟演 做長子惟濟知成德軍民有僞作白金質取緡錢者其家來告惟濟曰第聲言被盜示以重購質者當來

責餘直卽得之矣已而果然 做季子惟演字師聖幼有俊才賦遠山詩云高爲天一柱遠作海三峰 做深器之與楊億劉筠齊名家聚書侔於祕府咸平中除知制誥翰林學士尋知樞密院卒諡文僖

惟演子暄字載陽仕郎官知開撫台三州有治績除少府監又知鄆州爲三司鹽鐵副使時鈞考諸路 暄租兩浙轉運使當坐質暄因對從容爲言進租必亟斂恐民不堪惟稍寬乃可集得免出知鄆州除

寶文閣待制卒暄好學皇祐間撰後漢功臣年表載之祕閣所至不爲赫赫名而既去見思十二子 暄子景臻尙仁宗女許國大長公主官至少師封康國公 景臻子忱官亦至少師封榮國公宋朝父

子建節者十三家景臻其一也兄弟建節者七家錢忱錢愐其一也自做至忱四世節度 繆孫文奉 字廉卿善射能上馬運槩涉獵經史音律圖籍醫樂皆冠絕一時歷太尉中書令所著有賢語二十卷

錢

昆

宋字裕之儉之子昆隨做歸朝諸從子皆授官獨昆與其弟易願從科舉遂登進士第累遷至 三司度支判官仁宗時知廬灤泉毫梓壽許七州爲治尙寬簡官至右諫議大夫以祕書監致 仕卒年七十六昆善爲詩賦又善艸隸有文集十卷 弟易十七舉進士鄉試三題日中皆就後邁過 人爲文章數千言頃刻立成蘇易簡曰錢易李白才也 眞宗朝爲翰林學士章聖嘗圖山水扇命易作

詩稱旨上大喜子彥 遠明逸俱登制科

錢堯卿

宋字熙載樂清人吳越王七世孫年數歲居父喪如成人廬墓終制遂以孝稱母卒哀毀過禮 水漿三日不入口屏聲色却滋味者三年人以爲難閭族同居三十年餘竝無間言歲歉損穀

價以濟饑民不能償者焚其券紹興間詔舉 孝廉郡以名上未幾卒紹熙中旌表其閭

錢

僊

吳越湖州刺史有妖巫登大樹恣爲鬼神語州人驚畏僊 曰妖由人興命注弩而射巫果請命因鞭之州人咸服

錢

儼

宋字誠允少嗜學博涉經史少夢人遺以大硯自是樂為文詞頗敏速富贈當時國中詞翰多出其手歸京師與朝廷文士遊唱咏不絕為時所尚太宗朝出判和州

錢

熙

宋字大雅南安人博貫羣籍善屬文舉進士嘗獻四夷來王賦太宗愛其才遷殿中丞直史館熙負氣善談笑精筆札嘗擬古樂府著雜言十數篇及刑措論為識者所許有文集十卷子蒙

吉亦進士及第

錢

顛

宋無錫人官侍御上疏忤王安石坐貶將出臺大罵御史王昌齡謂其奴事安石遂拂衣上馬去蘇軾贈之詩有烏府先生鐵作肝之句因號鐵肝御史

錢若水

宋字淡成新安人十歲能屬文舉進士為同州推官以善決疑獄名聞于朝遂召用久之拜同知樞密院事真宗即位以親老求退罷為集賢學士初若水入華山陳希夷見之謂有仙風道

骨請麻衣道者相之麻衣與希夷圍爐而坐熟視若水良久以筋畫灰曰傲不得徐曰急流中勇退人也太宗朝為翰林學士年四十致仕卒諡宣靖

錢

戩

宋溧陽人居父憂有少年數人來曰而父負我金數百萬戩與之不吝夜有盜入戩知之呼與一白金使速去終不語人後其子至顯官人以為陰德之報

錢

蘇

宋字巳甫以孝義知名居于錢塘門外九里松之間營建傑閣藏書甚富蘇軾榜曰錢氏書藏仕至直祕閣知荆南府墳墓在靈隱天竺兩山之間

錢

勰

宋字穆父元祐初知開封府老吏畏其敏欲困以事導人訴牒至七百勰隨卽剖決問不中理者緘而識之戒無復來閱月一人又至呼詰之曰汝前訴云云啓誠信然上下皆驚吃

錢

俟

宋字惟大紹興二十一年進士授秦州教官入為太學正除宗正簿太府丞宗正丞知袁州除祕書省著作佐郎將作少監出為福建路提舉終朝請即卒年六十六於書無所不讀尤精於

易有文集五卷諸經講解十卷易說三卷

錢

佃

宋字仲耕常熟人以進士為分水尉也真二州教授歷官吏部郎中累遷權兵部侍郎出為江西等路轉運使奏開諸路之虛守州勘分移粟活七十餘萬口朱熹稱之曰忠信篤厚根

於天性臨政不求赫赫聲煇以字民爲先官至中
奉大夫祕閣脩撰有易解文集等書凡數十卷

錢應高

宋溧陽人景定中應召建康時故人趙淮宿于其家爲
處所執應高聞淮死追之不及乃哀號投荆溪中而死

錢益

宋東莞人刻苦讀書登淳祐元年進士第性剛介不可干以私每言及貪利則奮然怒罵親喪
三年居廬足迹不入寢室既禫當免解赴省或謂之曰至試期則服除矣益曰舍喪次而行不

能步也乃遲三年赴省試中第歷濂州鹽官經畫鹽局事宜不擾
而辦自著禮局微勞一帙鹽司聞其政績于朝再調增康府簽判

田

雁門徵音舜後陳厲公子完字敬仲仕齊號田氏至田和篡齊
九代至秦滅項羽時田假田儂田市田榮田橫田廣並稱王

田光

周燕人不慕仕進爲人智深而勇沈太子丹聞其賢願與之交以圖國事光曰臣聞騏驎盛壯
之時一日而馳千里至其衰老驚馬先之今太子聞光盛壯之時不知臣精已消亡矣因薦荆
軻太子曰願先生勿泄也光曰諾出而歎曰夫爲
行而使人疑之非節俠也遂自刎以明其不言

田贊

周楚人嘗衣儒衣而見王王曰先生衣何惡也贊曰有甚於此者夫衣無惡於甲冬則寒夏則
熱王好衣人以甲臣竊不取意者其爲義邪甲兵折人首刳人腹墮人城郭繫人子女其名尤
甚不榮意者爲其貴邪苟慮害人人必
害之苟慮危人人必危之王無以應

田單

周臨淄人初爲臨淄市掾燕伐齊盡降齊城惟莒卽墨不下卽墨人以其智立爲將軍拒燕單
乃收城中千餘牛衣以絳綸畫文豹又束刃于角縛葦於尾灌脂于葦夜鑿城數十穴燃葦端
以壯士五千人隨其後尾熱牛怒奔觸燕師燕師大敗
盡復齊七十餘城迎襄王於莒而立之封單爲安平君

田嬰

周齊人王封嬰於薛號曰靖郭君嬰言於齊王曰五官之計不可不日聽而數覽也王從之後
厭之悉以委嬰嬰有子四十八子文通儻智略說父以散財養士靖郭君使文主家待賓客

賓客爭譽其美請以文爲嗣亦相齊號孟嘗君招致天下賢士食客常數千人上客皆蹠珠履名聞諸侯孟嘗君聘楚楚王遣之象林登徒直送之不欲行謂公孫戍曰足下能使僕無行者有先人之寶劍願獻之戍許諾入見曰小國所以能致相印於君者悅君義慕君廉也今始至楚而受象林則未至之國何以待君哉孟嘗君曰善遂不受戍趨出孟嘗君召而反之曰子何足之高志之揚也戍以寶對孟嘗君乃奮門版曰有能揚文之名
止文之過私得寶於外者疾入諫

田子方

周魏文侯以爲師一日與子方飲文侯曰鐘聲不比乎左高子方曰臣聞之君明樂官不明樂音今君審於音臣恐其聾於官也文侯曰善太子擊遇子方於道下車謁甚恭子方不爲禮

擊怒曰富貴者驕人乎貧賤者驕人乎子方曰亦貧賤者驕人耳富貴者安敢驕人國君而驕人則失其國大夫而驕人則失其家失其國家者未聞有以國家待之者也夫士貧賤者言不用行不合則納履而去耳安往而不得賁賤哉公成季謂文侯曰田子方雖賢人非有土之君也君與之齊禮設有賢於子方者有何以加之文侯曰子方者仁人也仁人國之寶也

田穰苴

周田完之苗裔景公與歸兵事說之以爲將軍穰苴曰臣素卑賤君擢而加大夫之上士卒未附願得君寵臣監之乃可景公使幸臣莊賈往穰苴與賈約曰旦日日中會於軍門穰苴先馳

至軍申明約束莊賈夕乃至穰苴曰將受命之日則忘其家臨陣約束則忘其親援抱鼓之急則忘其身今敵國內侵士卒暴露君乃安然召軍正問曰軍法期而後至者云何對曰當斬遂斬莊賈以徇三軍三軍股慄與士卒平分糧食身自拊循三日而後勒兵燕晉之師聞之望風解去追擊之盡復所亡封內故境景公郊迎勞師成禮尊爲大司馬齊威王用兵行威大傲穰苴之法而諸侯朝齊威王使大夫追論古者司馬與法附穰苴於其中因號曰司馬穰苴兵法

田差

周晉平公爲馳逐之車車旣成闕千鎰金立之於殿下令羣臣得觀焉田差三過而不一顧平公作色大怒田對曰臣聞說天子者以天下說諸侯者以國說大夫者以家說士者以事說農

者以食說婦姑者以織染以資亡紂以淫敗是與不敬願也平公曰善乃命左右去其車

田橫

漢故齊王榮弟項羽破齊復擊漢橫乃以散兵復收齊城邑立榮子廣爲王而柱之及廣列柱自立爲王漢高帝立橫與其徒五百餘人入居海島中帝使人召之曰橫來大者王小者侯不

來且舉兵加誅橫因與二客乘傳詣洛陽未至三十里曰始與漢俱南面今何北面事之遂自殺帝拜其二客爲都尉以王禮葬橫既葬二客皆自剄下從餘五百人在海中者聞橫死皆自殺從者爲挽歌

哀之曰誰上露何易晞露晞明朝又復落人生一去何時歸 又云 蒿里誰家地聚斂精魄無賢惡鬼伯一何相催促人命不得少踴躍

田何

漢字子莊淄川人惠帝時年老家貧守道不仕帝幸其廬受易齊魯之士多宗之

田千秋

漢長陵人爲高廟寢郎會衛太子爲江克所譖死上頗知太子冤千秋從容言曰臣嘗夢一白頭翁教臣言曰子弄父兵罪當笞天子之子過誤殺人當何罪哉上悟曰父子之間人所難言

也公獨明其不然此高廟神靈使公教我立拜千秋爲大鴻臚 千秋言於帝曰方士言神仙者甚衆而無顯功臣請罷斥遣之帝曰鴻臚之言是也於是悉罷方士候神人者數月遂代劉屈氂爲丞相封

富民侯至昭帝時年老詔其得乘小車入宮因號曰車丞相

田延年

漢字子實爲河東太守誅亂豪強奸邪不敢發橫遷爲大司農昌邑王浮戲霍光憂懣不決問於延年延年曰將軍爲國柱石審此人不可何不自太后廢之更選賢而立乎光乃召衆官會

議群臣失色莫敢發言延年按劍曰先帝屬將軍安劉氏今社稷將傾將軍雖死何面目見先帝乎今日群臣有後應者臣請劔斬之於是議決遂白太后廢昌邑王而立宣帝

田廣明

漢宣帝時爲御史大夫昭帝之喪例大司農備民車田延年增備盜取錢三十萬爲怨家所告罪當死廣明謂杜延年曰春秋之義以功覆過當廢昌邑王時非田子實之言大事不成今縣

官出三十萬自乞之何如願以愚言白大將軍杜以白光曰誠然實勇士也當發大議時震動朝廷因自拊心曰使我至今病悖謝田大夫曉大司農通往就獄得公議之廣明使人語延年延年曰幸寬

我耳遂自殺

田眞 漢弟慶廣三人分財堂前有紫荆一樹茂甚共議破之爲三未幾枯死眞嘆曰木本同株因分折而摧悴况人兄弟孔懷而可離乎相感復合荆亦旋茂

田強 漢武陵五溪酋領也王莽欲賜強銅印強有子十人雄勇過人乃曰吾等漢臣誓不事莽以其三子將五萬人下屯沅東各築一城烽火相應田子居上城王子居中城倉子居下城

田豐 三國字元浩鉅鹿人爲袁紹別駕曹操自征劉備豐說紹與許紹辭以子疾不許豐舉杖擊地曰夫以難遇之機而以嬰兒之病失其會惜哉後紹聽審配之計欲興兵伐曹豐諫曰師出歷

年倉庫無積此國之深憂也不如獻捷天子務農安民此爲上策紹後果敗回人謂豐曰君必見重矣豐曰本初貌寬而內忌不能納忠若勝則喜猶能赦之今戰敗而患吾不免矣後紀復譖於紹曰田豐

田豐言果爲所笑遂殺之

田豫 三國字國讓武清人仕魏遷南陽守盜賊屏迹境內肅清屢辭位不聽乃曰年高七十而居位譬之鍾鳴漏盡夜行不休是罪人也遂引疾去

田德懋 隋高平人父仁恭開皇初以父軍功賜爵平原郡公身丁父艱哀毀骨立廬於墓側負土成墳高祖聞而嘉之詔表其閭

田翼 隋養母以孝聞開皇中母患暴痢翼謂中壽藥遂親嘗糲惡母終翼一慟而絕妻亦不勝哀而死鄉人共厚葬之

田弘正 唐字安道北平盧龍人爲人忠孝長慎起樓聚書至萬餘卷爲魏博節度使封沂國公元和間詔命韓愈撰其先廟碑銘子布字敦禮平蔡幾十八戰有功授御史中丞爲河陽節度使弘

正徒成德節度使父子同日拜命時人榮之

田神功 唐南宮人天寶末爲縣史方兵興率衆歸朝以破賊功累遷太子太師且事親至孝諫以待人嘗廢疾吏爲祈禱卒贈司徒弟神玉汴宋節度留守

田歸道 唐使契丹長揖不拜將殺之辭色不撓歸朝決獄必叛歷夏官侍郎

田志亨

唐蘇吾人號通真子父母亡負土築墓一日捨妻子爲菽水師卜居唐縣之野巖坐柏樹下一磨石日丐食村落募宿石上每有猛獸巨蛇直前皆俛首而退里人異之爲觀居焉壽八十一

終

田遊巖

唐三原人隱太白山後入箕山居許由祠旁自謂爲東鄰高宗幸嵩山親至其門田野服出拜帝命左右扶止謂曰先生比來佳否答曰臣所謂泉石膏肓烟霞痼疾者召至京師拜崇文館

學士宅居奉天宮左天子自書榜其門曰處士田游巖宅與韓法昭宋之間爲方外友云

田弘

五代高平人慷慨有謀略仕周封鴟陰子累遷驃騎大將軍嘗計平處差及瓜州叛民每臨陣摧鋒直前身被百餘箭破骨者九後拜大司空少保

田重進

宋幽州人形質奇偉有武功太祖時屢官至靖難軍節度使爲人朴厚太宗在藩邸愛其忠勇使人遺以酒炙不受謂使者曰爲我謝王我知有天子耳太宗卽位美其無私終厚遇之

田佐恭

宋思州人母夢馬授入其宅遂生佐恭田氏代產異才保安番部累賜廬書勞之世爲思州守

田錫

宋字表聖真宗至道中權知制誥召對上御覽三十卷御屏風五卷詔褒之上嘗目之曰朕之汲黯也錫遇事敢言不避權貴募魏徵李沆之爲人歷事兩朝始終以諫諍爲己任盡言不

諱封疏五十三奏悉焚之曰直諫臣職也豈可藏副以賣直邪及卒真宗惻然曰田錫直臣也天何奪之速耶手集其所上疏封置一廬以遺仁宗

田况

宋字元均冀州信都人少卓犖有大志舉進士甲科補江陵推官夏竦經略陝西諱爲判官言治邊十四事至和初攝樞密副使以太子少傅致仕卒諡宣簡况寬厚明敏有文武材與人

若無不可至其所守人亦不能移有奏議二十卷治蜀公平人不忍欺稱爲照天蠟燭言其聽斷明也

田京

宋滄洲人舉進士調蜀州司法參軍累遷京西陝西轉運使嘗兩知倉洲拜諫議大夫卒京喜議論爲人尙氣節以侷黨陷通兵戰曆算雜家之術著天人流術通儒十數書

田 關

宋字思孟南康人天資篤實嗜學不倦游上庠二十年無所成浩然歸隱號大隱居士子九人各授一經教法甚嚴登第及待恩者七人時稱義方者必曰田氏

田 偉

宋燕人爲江陵尉因家焉作傳古堂藏書五萬七千卷無重復者黃魯直曰吾校中祕書及遍遊江南文士圖書之富未有過田氏者

田 文虎

宋字炳叔齊慶初登進士第仕至樞密院檢討出知常州居官性極廉介自奉苦淡妻子惟衣布素死之日家無餘貲

田 祈

宋貝州清河人十世同居太平興國三年詔旌其門閭復其家

邊

馳西徵音子姓宋平公子御戎字子邊其後以字爲氏又盟出陳雷金塘

邊 鳳

漢字子車陳雷人爲京兆尹有能名郡人肥曰前有張趙三王後有邊廷二君

邊 韶

漢字孝先陳雷浚儀人教授數百人才思敏絕應口成章嘗晝日假寐弟子私嘲之曰邊孝先復便懶讀書但欲眠韶潛聞之應時對曰邊爲姓孝先字腹便便五經笥但欲眠思經事寐

與周公同夢靜與孔子同意師而可嘲出何典記嘲者大惑宜至尙書令著作東觀著書項碑銘書策凡十五篇

邊 讓

漢字文禮陳雷人善屬文作章華賦多麗麗之詞而終之以正亦如相如之諷也蔡邕薦於何進曰生唐虞則元愷之次值仲尼則顏冉之亞孔融亦薦其有俊逸才爲九江太守

邊 崗

唐獨景福崇元錄四十卷

邊 鎬

五代初生時父母夢謝靈運來謁遂生鎬故小名康樂仕南唐從宣文殿克建州俘獲皆全號邊佛子克潭州市不易肆號邊菩薩爲節度盛脩佛事號邊和尚

邊 肅

宋字禮之有文行吳宗景德元年密探詳臣有聞肅者得二十四人肅與焉召對崇政殿置肅省備開

權

天水徵音顛帝之後楚武王滅權子孫爲權氏又楚若敖之孫鬬縉尹縉以氏爲民

權武

隋字武弄襲慶子以忠臣子起家拜開府武少勁勇力絕人能重甲上馬嘗倒投於井未及泉躍而出其勇絕如此以平陳功拜豫州刺史進位大將軍

權德輿

唐字載之天水略陽人四歲能詩德宗朝知制誥在西掖八年風流藉藉爲縉紳羽儀結廬江南蓬蒿晏如每遇一勝境得一佳句怡然獨笑如獲珍寶元和中同平章事凡貴人名士歿後

以銘記請者什八九爲一世宗匠父舉字子由在祿山幕府度其必反逸去上召拜爲起居舍人不就名入卓行傳德輿子璣爲監察御史

權達

唐字達吉元和中爲令邑有西湖久廢達去其涇塞決豪家所築堰引方山泉注湖復舊

權懷恩

唐爲萬年令賞罰明決見惡輒斥時語曰寧飲三斗塵無逢權懷恩每盛服妻子不敢仰視更五州刺史所居威名赫然吏胥重足屏息

權邦彥

宋字朝美河間人七歲能誦毛詩十三入郡庠頭角嶄然父奇之曰真名家駒一日千里也崇寧中上舍登第調滄州教授紹興初累官簽書樞密院事嘗獻十議以圖中興又言宜乘機者

三尋兼參權知政事有遺稿十卷號羸海殘編楊誠齋贊之云補天重光扶日再中

燕

始與羽音召公奭封於燕其後以國爲氏又墾出上谷范陽

燕伋

周孔子弟子贈漁陽伯

燕鳳

南北字子章代人博綜經史明察陰陽識緯魏昭成待以賓禮拜代王左長史參決國事道武卽位歷行臺尙書

燕肅

宋字禮之青州人舉進士累官龍圖閣直學士歷知數州有善政知審刑院冤獄盡釋肅性巧營造指南記里鼓于軍及欵器又爲蓮花漏分刻不差人服其精立石載其法

燕達

宋字達辰善騎射以材武選隸親衛神宗嘗問之曰用兵愛克厥威乎對曰威非不用也以愛為先帝嘉其言官至武康軍節度使

牽

見姓苑壁出安平

牽招

三國字子經魏文帝拜右中郎將次子弘猛殺有父風隨鄧艾伐蜀有功拜振威護軍在綿州築臺為京觀以彰武功

牽秀

晉字成叔博有學弱冠得美名補新安令金谷二十四友秀其一也

全

京兆商音

全範

漢太史令著風氣占軍二卷

全琮

三國字子瑾錢塘人父柔漢尚書右丞累官桂陽太守嘗使琮將米數千斛入吳市易琮悉以賑士夫之貧者歸報曰所利非急而吳民夫方有倒懸之急故賑贖之柔更奇之謂之曰爛好

施博名有似汝南樊子昭亦一時之佳也後仕吳為奮威校尉領東安太守治富春招集流亡數月之間得萬餘人加綬南大將軍封錢塘侯子鐸仕魏

全子棲

晉為文則入自課菴一文必三草十年後悟其淺近盡付於火平生凡三焚其所集之文

全綬

宋字弘立錢塘人受易學得精微通老莊二氏談玄者皆推之

泉

本姓全吳全琮之後瑤孫暉封高陽侯食封白水改為泉字聖出上洛

泉仙

南北字思道豐陽人世雒商洛縣本縣令仙年十二鄉人詣州請仙為縣令雖童幼而子學香淨自生安之性又膏約五縣五年每於自鄉里來為食任滿遷洛州刺史

連

上黨微音大夫連稱之
後馮翊白水縣有連氏

連稱

周齊侯使連稱管至父成葵亡與約曰瓜
時而往及瓜而代公問不至請代弗許

連久道

漢字可久江湖得道之士年十二能詩父携之見熊曲肱賦漁父詞云蘆花輕逐微瀾蓬窗獨
自清閒一覺遊仙好夢任他竹冷松寒曲肱亦贈以詩且曰此子富貴中留不住後果爲羽衣

得道往
來西山

連肩吾

唐著金英玉
髓經一十卷

連舜賓

宋字輔之徐州人歲歲出穀萬石
損價糶之賑及鄰邑歐公表其墓

連世瑜

宋樂清人居左洞同妻方氏事母至孝母死刻像奉之益恭郡守張九成嘗移文禮訪里人王
十朋親到其家詢諸比鄰成稱世瑜事亡如存晨昏饋食經今十年孝誠不替九成饋酒禮之

淳熙中世瑜死方氏年踰七十率其子士表
士則供奉終至死守繼上其事詔旌表其門

宣

始平徵音營大夫宣
伯之後以駁爲氏

宣秉

漢字巨公靈陽人少精高節王莽徵不至光武初徵拜御史中丞秉性儉約所得俸賜輒散親
族家無餘石之儲帝幸其舍見而歎曰楚國二賢不如雲陽宣巨公即賜以布帛帷帳什物後

拜大司徒子越仕
爲耶虎封南定侯

宣虞

漢字子始
一德

宣

宣

七

備放金

宣明

宣字南仲長江人其時雖冷然有歸志愛城
南王恩廣潤卜居嘉寧郡守謝國題曰宣

宣聘

聘者易
象論二卷

然

然字子然之
後魏中山人

然友

然字子然之
定公與然子使之同處於孟子

然温

然字子然之
溫江州人仕高唐將軍守
性剛長於治民能得民心

鮮

鮮字
氏之

鮮遂

鮮字太乙保
生論一卷

鮮大年

鮮字大年人會稽竹公孫存心不爲家務所
笑凡屬意前人雖不致爲者悉成之

延

延字
出河

延篤

延字以堅人博通經傳能著文章學學廉爲平陽侯相到官表謝遂之慕相用其後桓帝時
延拜典郎典朱璽等共著作東觀李文籍曰延歷有王佐才奈何屈千里之足乎欲引進之篤

同辭後清通侍中徒京兆尹政用寬仁典邊風齊名三輔人歌之所著論銘等凡二十篇鄉人圖其形
于屋屋廟 延篤欲爲左傳無統唐漢典以續漢記典之萬以口記紙不可寫借木韻之權盡辭歸典

曰延欲爲傳何故通歸其曰已圖之矣其歎曰嗟嗟延生
延篤字以堅子延篤名七十與延篤字西也

堅

見姓

堅

漢字子儀襄城人以吏能從光武爲偏將軍每戰輒先當矢石以功封合肥侯輪形雲臺

莛

江黃道伯之姻子孫以國爲氏

莛

章

周齊景公伐宋登高歎息曰今臣無管仲章對曰臣聞之水廣則魚大君明則臣忠昔有桓公固有管仲假令桓公在此則車下之臣必有管仲焉

莛

高

周鄭人鄭穆公時高見鄭爲秦晉所逼乃隱不仕爲商人及晉文公返國也與秦穆公連兵伐鄭鄭人私與秦盟而晉師退秦又使大夫杞子等三人戍鄭居三年晉文公卒襄公初立秦穆

公方強命百里孟明西乞術白乙丙帥師襲鄭過周反滑鄭人不知時高將市于周遇之謂其友蹇他曰師行數千里又數經諸侯之地其勢必襲鄭夫襲國者以無備也示以知其情也必不敢進矣于是乃蹇鄭伯之命以十二牛犒秦師且使人告鄭爲備杞子亡奔齊孟明知事敗乃返師襲晉至殺晉人邀擊大破之鄭子是賴高而存鄭穆公以存國之賞賞高高辭曰詐而得賞則鄭國之政廢矣爲國而無政是敗俗也賞一人而敗國俗實者不爲也遂以其屬徙東夷終身不返

立

立都古諸侯國子孫以國爲氏

立

俗

周河間人列仙傳

立

賀

漢宕椒人顯宗時爲卿佐宕渠令第五倫薦賀于朝後爲九江沛二郡太守以清謹著聞官累遷至大司農

縣

梓潼晉大夫食采緒上因氏焉

縣

駒

周齊人善歌者

芊

楚姓陸終之子芊連之後

芊

戎

周昭哀王時人爲將攻楚取新市

編

編

意

漢潁川人歷輪出人龍與鬼神交通

娟

見姓苑狂竟切

娟

淵

周老子弟子著書十三篇楚人

縣

音懸扶風其先有爲縣大夫因以爲氏又顯出江陵

縣

成

周魯人孔子弟子字子謀

纏

見姓苑平聲

纏

子

漢著書藝文志

縛

轉

諸

周刺客吳公子光謝惡王僚伏甲於堂而享王使諸進魚鱸實劍其中刺之交胸諸亦爲衆兵所殺

淵

淵客

周鮫人也居水中入市賣鮫爲常臨去衆器泣而出珠以謝主人

顛

顛史之後

顛項和

周神仙傳

鉗

鉗耳

唐字知命元和中爲長興令清介民服其化

顛

微音周臣太顛之後

顛頡

周從重耳出奔十九年後返國封爲大夫

二蕭

蕭

河南角音宋微子支孫封于蕭以邑爲氏又墜出關陝

蕭史

周善吹簫作鳳鳴秦穆公以女弄玉妻之遂教弄玉吹簫作鳳鳴後弄玉乘鳳蕭史乘龍共飛昇去

尚友錄

卷六

轉淵顛鉗顛蕭

七

蕭何

漢沛之豐人初爲沛主吏高祖爲亭長何嘗左右之及從入關獨收秦相府律令圖書造石渠閣藏之楚漢爭雄何常守關中轉輸饋餉軍中無乏天下既定以功第一封酈侯爲開國名相

卒臨文終高祖常稱三傑何其一也何居家置田宅必窮僻處不治垣屋曰後世賢師吾儉如不賢毋爲勢家所奪

蕭望之

漢字長倩東海蘭陵人徙杜陵少有重望仕至太子太傅宣帝察其明敏持重疾篤受遺詔輔政領尙書事元帝卽位望之以師傅見重多所匡正後爲弘恭石顯所陷飲鴆自殺帝聞之驚

拊手曰豈固疑其不就歟果然殺吾賢傳卻食涕泣哀慟左右入子青咸由三人最貴 育字次君少與朱博友善著聞當世及青爲執金吾方辟博于朝故長安語曰蕭朱結授王貢彈冠言其相與同也

咸哀帝明官大理丞時大司馬趙賢貴顯權倖人主賢父恭浼成婚劉閎求婚成謂閎曰董公大司馬乃堯禪舜之交非三公之故事長老見者莫不心懼此豈家人子所能堪邪閎悟還報咸自謙薄之

意恭歎曰我家何用負天下而爲人所畏如此後賢果敗

蕭綦

漢彰德人脩道天平山延壽宮善吹簫能致鳳鸞翔集于前號碧霄真人道成白日冲舉

蕭絜

南北字景業宋武帝時爲雍州刺史加都督絜留心辭訟人人呼至案前親自顧問有不得理者勉諭之退皆無恨百姓素所畏愛及卒長還百姓沿沔水而大設祭于峴山爲立祠諡曰昭

侯

蕭摹之

南北蘭陵人宋元嘉中爲丹陽尹上言佛入中國已歷四代形像塔寺所在千數材竹銅鉄素損無極無闕神祇有累人事不爲之防流患未息自今欲鑄銅像皆得列言須報乃得帝詔從

之

蕭摩訶

南北字元胤南蘭陵人果毅有勇力仕陳屢從吳明徹北伐領騎深入敵陣縱橫奮擊無不捷明徹謂其才不減關公以功授大將軍討重雲那公收受寺中

蕭鏗

南北南齊豫州刺史鏗時人發桓溫女婚得金巾箱金爲蔽爲蔽器又有金銀繡繡等物甚多鏗自往脩復鏗毫無患與論賢之

蕭景

南北字子照好學才辯有識斷齊明帝時爲水學令爲百城最永嘉太守勝郡門曰諸縣有疑滯者可就水學令決

蕭子雲

南北字景喬關陵人南齊高帝之孫仕梁爲國子祭酒善艸隸嘗飛白大書蕭字李約得之結一亭扁爲蕭齋嘗出爲東陽太守百濟國使人求書適子雲維舟將發使者望船三十餘步

拜行而前子雲乃爲停船三日書三十紙與之覆金寶數百萬子雲雅好仙術師事杜曇永頗得其祕忽有神人降言郁木坑可以久居乃移家寓焉一旦上帝付玉册封爲玄洲長史玉笥山中有蕭子

雲宅弟子顯字景陽穎奇偉雅好學工文嘗著鴻序賦尙書令沈約見而稱曰可謂明道之高致蓋幽通之流也大同三年除爲吳興太守

蕭思話

南北南蘭陵人宋孝懿皇后弟子也父源之除兗州刺史思話少未知書鄒曲皆患毒之自此折節數年遂有令譽元嘉中爲青州刺史孝武時徵爲尙書左僕射後拜鄭州刺史加都督卒

諡曰穆子惠開惠基基從文帝登鍾山使於石上彈琴賜以銀酒鍾賞其有松石間意子惠開遷御史中丞百僚憚之拜益州刺史嚴用威刑百姓號曰臥虎惠基子际素天監中任丹陽尹梁武帝賜

錢八萬一朝散之親友榮利不關於中喜怒不形於色後爲諸暨令到縣十餘日挂衣冠於縣門而去號曰貞文先生

蕭琛

南北字彥瑜惠開從子仕梁嘗預御筵醉伏武帝以棗投之琛取棗擲帝正中面曰陛下投臣以赤心臣敢不報以戰栗上每呼爲宗老王儉嘗朝琛年少未爲儉識自負其才氣候儉宴

於樂游乃著虎皮鞞策桃杖杖直造其座儉與語大悅

蕭介

南北字茂鏡有器識與族兄琛洽及弟淑等爲文酒賞會宋武帝延後進二十餘人置酒賦詩介染翰成文不加點臧盾以詩不成罰酒一斗盾飲盡言笑自若帝曰蕭介之文臧盾之飲

皆卽席之美也仕齊爲尙書後仕梁侯景亂爲慕容紹宗所敗自求貶削梁主不忍介諫曰竊聞凶人之性不移天下之惡一也侯景以凶狡之才荷高歡卵翼之遇歡填土未乾卽還反噬逃死關西宇文

不容復投于我葉鄉國如脫屣背君視如遺芥豈知遠慕聖德爲江淮之純臣乎帝不聽卒被其困

蕭

引

南北字升休善書爲當時所重陳宣帝嘗披裘指引署名曰此字筆趣翩翩似鳥之欲飛引謝曰此乃陛下假其毛羽耳

蕭

賁

南北竟陵王子良之孫有文才善書畫嘗于扇上圖山水咫尺之間便覺萬里矜慎不傳自娛而已初侯景破臺城湘東王繹淹留不進時賁爲記室參軍以繹不早下心非之嘗與繹雙

陸食子未下賁因諷曰殿下都無下意釋深銜之及得赦繹又欲旋師賁曰景以人臣舉兵向闕今若放兵童子能斬之矣大王以十萬之衆未見賊而退奈何繹不悅後以他事被殺

蕭

統

南北字總施小字維摩梁武帝太子也讀書五行俱下五歲通五經注文選三十卷注陶潛詩集并序年三十一卒朝野痛之諡昭明所著有詩文行于世

蕭象

南北字世翼容止閑雅簡於交游事母以孝聞任丹陽尹象生長深宮逮親庶政舉無失德朝廷稱之再遷湘州刺史加都督湘州舊多猛獸爲暴及兼任州日四猛獸死於郭外自此民得

靜息父老咸稱德政所感歷任太常卿加侍中遷祕書監卒諡曰敦

蕭

放

南北字希夷祇之子居喪以孝聞所居廬室前有慈烏來集各據一樹爲巢午前馴庭飲啄午後更不下樹每臨時舒翅悲鳴全似哀泣時以爲孝感武平中待詔文林館遷散騎常侍

蕭

曄

南北字通明爲晉陵太守美才仗氣名盛海內爲宗室重特被簡交友愛與新喻建安南浦並預密宴號東宮四友

蕭

宏

南北字宣達梁武帝第五子也性愛錢百萬一聚黃榜額之千萬一車懸以紫纒豫章王綜爲作錢愚論

蕭

綸

南北武帝第六子侯景陷臺城執綸不屈殺之投于江岸經日也不變鳥獸莫敢近時飛雪覆屍橫道路周回數步獨不濡漉

蕭

嗣

南北字長胤性驍果有膽略侯景遣任約攻嗣時賊衆方盛威勸且止嗣按劍叱之曰今日之賊蕭嗣汝命死節之狀也及賊走中頭不碎友背手殺賊人賊畏方友之德寺風色

蕭 資

南北何安少機警位白楊巷蕭有傳才佳
青楊巷語曰世有兩倚白楊何安青楊蕭資

蕭 映

南北字文明梁普通二年爲吳興太守郡累不稔大通三年野
穀生武康凡二十二處自此豐穰映製嘉穀頌以聞中詔稱美

蕭 脩

南北字世和梁武帝時爲梁州刺史秋遇蝗脩躬至田所深自告責功曹史耶那王廉勸
脩捕之脩曰此由刺史無德所致捕之何益言畢忽有飛鳥千群蔽日而至食蟲遂盡

蕭大圓

南北字仁顯四歲能誦三部賦及論語孝經心安閒放嘗云閱闔有優游之美朝廷有贊佩之
累北山之北棄絕人間南山之南超踰世網藉緇紳以蔭長松結幽蘭而援芳桂沾醑牧羊協

潘生之志畜雞種黍應莊叟之言有朋自遠商確古
今田峻相過劇談稼穡既可以娛神復可以散慮

蕭文琰

南北與丘令江洪並以文稱梁竟陵王夜集令賦詩四韻刻燭一寸文
琰曰燒一寸燭而四韻成何難之有乃與江洪共叩銅鉢響絕而詩就

蕭彥達

南北簡文第七子遷荊州刺史注水暴長頗敗人田禾彥達以殺二萬
石贍之使長史蕭琛簡州貧老單丁吏一日散遣百餘人百姓大悅

蕭道度

南北齊高祖道成兄也初兄弟同受學於雷次宗其父嘗質問二子學業宗曰其兄外明其弟
內潤皆良瑾也 道度子約嘗手自細書五經一卷置巾箱中名巾箱五經性愛會稽山水曰

身處朱門情遊江海
形入紫圖志在青雲

蕭 讓

南北蘭陵人郡陽王恢之孫初封攸侯荊州平與何妥同至長安學詩書禮記春秋並通大
義開皇初封山陰縣公國子博士奉詔與妥正定經史後撰漢書及文選音義爲當時所貴

蕭 瑀

唐字時文後梁明帝子好經術歸唐封宋國公高祖嘗引升御榻呼爲蕭郎瑀事帝孜孜盡力
繩違舉過人皆憚之帝嘗有敕瑀尙朱宣詰之瑀曰大業之世內史宣敕前後相違故臣受勅

必勸審與前不違始敢宣行帝曰卿能如此朕復何憂太宗以其武德之季有蕭言加特進參預政事
又曰斯人也不可以利誘不可以死臨眞社稷臣也因賜以詩云疾風知勁草板蕩識誠臣魏徵曰瑀

遠索孤立唯陛下知其忠勁暴不過明聖求免難矣 蕭氏自瑀至邁凡八葉宰相古未有也 瑀太宗朝嵩元宗朝 華肅宗朝復德宗朝俛穆宗朝真宣宗朝做懿宗朝邁僖宗朝 瑀子嵩姚崇稱其

遠到開元十七年兼中書令在公謹密人莫見其際會裴光庭卒上問嵩誰可代光庭者嵩薦韓休遂與休同相時荊州進柑上以紫羅帕包柑賜之

蕭 莠

唐為吉州牧政平訟理結庵金鳳山之界讀老子書自號蕭道者既解任郡人即庵立祠宋周必大重其風節言之朝賜廟曰剛介

蕭 定

唐字梅臣瑀曾孫歷六州以清著朱泚之亂不為所污遂變姓名為張誕後擢太子太師

蕭 復

唐為江淮等道宣撫使嘗言於上曰宦官掌兵恃權縱橫此屬但宜掌宮掖之事不宜委以兵權國政又曰陛下踐祚之初聖德光被自用楊炎盧杞濁亂朝政以致今日倘能變更睿志臣

敢不竭力若使使阿苟免臣實不能嘗與盧杞同奏事杞順上旨復正色曰盧杞言不正帝愕然 初復為刺史潔已愛民父老乞留不得特率表規立蕭相樓立碑頌德以表去思

蕭 穎士

唐字茂挺四歲能文十歲補太學生觀書一覽即成誦通百家譜系精縮學十九舉進士對策第一補祕書正字名播天下盧異等皆執弟子禮號蕭夫子倭國入朝自陳國人願得蕭夫子

為師者與李華齊名時號蕭李平門人共謚曰文元先生 穎士性嚴酷有一僕名杜亮者事之十餘年穎士每加箠楚輒百餘不堪其苦人或激之使去僕曰我非不能他從所以遲留者特愛慕其博與

耳 穎士子存字伯誠一字成性亮直有父風能文詞與韓愈沈既濟梁肅徐岱善浙西觀察使李棲筠表為常熟主簿顏真卿在湖州與存及陸鴻漸等撰韻書數百篇建中初由殿中侍御史四遷比部

中耶

蕭 廩

唐做子字富侯第進士遷尚書郎做鎮南海廩解官隨侍南海多殺紙做敕諸子繕補殘書廩諫曰州距京師且萬里書成不可露齋必貯於篋箱貪者伺望得無羞似嫌乎做曰善吾思不

及此故父子克保令名

蕭 遺

唐字得賢瑛之後自負大節以王佐之任自許及傳宗廟當國風采峭整帝器重之

蕭德言

唐字文行明左氏春秋太宗時歷著作郎私文誦學士帝欲知前世得失詔魏徵虞世南褚遂良及德言袁次經史百氏帝王所以興衰者上之帝愛其書博而要日使我稽古臨事不惑者

公等力也
寶賜尤遲

蕭 膺

唐字次元候官人開成初進士是歲闈中登第者四人朝士詩云幾人天上爭仙桂一歲江南折四枝闈中自是號爲文儒之鄉膺官至大理司直

蕭 儼

五代永新人以童子擢第及長有志量仕南唐累官大理卿兼給事中後主屢與嬖倖對奕儼入白事舉奮投地後主大怒曰汝與魏徵孰愈儼從容曰臣若非魏徵陛下亦非唐太宗後主

默然
罷矣

蕭 結

五代祁陽令不畏強禦方暮春時有州符下取競渡船刺史將臨觀結怒批其符曰秧開五葉蘆長三眠人皆忙追划甚閒船守愧而止

蕭 誦

宋新喻人以詩易教授閩里而尤篤于教子其後四子皆博學有名曰賀曰賈曰賈曰賈俱登進士第 賀累官京東轉運使爲人尙氣槩陸事敢爲且善屬文時人擬之唐李賀云 次子

賈祥符中紫齊榜登第賈少時夢至一宮殿群女如神仙一人授紙云此衍波濺賦曉寒歌援筆立成云十二義關隱宮綠猷現噴酒椒壁護湯烏涓涓不相續曉轡欲轉霏紅玉百刻香殘隕蓮燭五龍吐水漫寒漿紅綉佩魚無左璫兩懸足瞻扶桑紅蕖半瓣出波面回首颯稜九葭紉鳴鞘遠從天上來大劍高冠滿前殿賦舉衆仙女拱立曰子詩甚有奇話異日必貴

蕭國梁

宋永福人乾道中進士第一官至禮部郎中又同邑黃定亦乾道中進士第一任至國子祭酒有文集行于世

蕭 楚

宋太和人紹聖間游太學時蔡京專國禁春秋楚歸不復出任著論辯四十九篇弟子百餘人受春秋大義者纔三四趙鳴馮澗胡銓皆師之自號三順隱客歿門人私謚曰靖節先生

蕭振

宋字德起平陽人爲成都守好獎善類威行惠字卒之日老稚號泣者載道家居浙江徽時見過客皆溺死自造巨舟備工以濟人頌其德名曰蕭家渡

蕭韡

宋字棠仲龍溪人登大觀第調古田尉獲強盜三十餘人爲滅賊以免死或告以滅賊不應賞格韡曰利囚死以取官非吾志也遷福清丞有誣告平民事妖術者韡爲伸雪保全數百家知

南恩州道通賊曰聞公德政願與更生韡招徠之郡苦於海寇爲築城植刺竹寇不敢犯復築遠學校以免秀民土丁之役

蕭定基

宋字平一景祐中爲殿中侍御史仁宗嘗題殿柱云彭齊之文章楊伍之清操蕭定基之政事爲江西三瑞云子三人汝諧汝礪汝器孫服俱及第

蕭顛

宋字子莊浦城人天資朴實少孤事母以孝聞母喪廬墓三年日夕號慕與李郁陳彥羅從彥同受業楊時之門嘗答范某書云士之所志舍仁義何爲哉唯仁必欲熱義必欲精仁熱則造

次顛亦有所不違義精則利用安身而德崇矣晚以累舉得官爲清流縣主簿終歲而歸徜徉閭里朱松嘗師事之

蕭燧

宋爲平江司理秦檜遣人密告燧曰公秋試必主文衡燧問故曰秦相公有子就舉欲以屬公燧怒曰敢欺心至是邪已而檜怒不與校試浮沉州縣十餘年始還國子司業至孝宗朝爲侍

讀進講陸贄奏議終篇帝賜之御筵及金器鞍馬子遂淳熙同舉進士孝宗曰遂才氣甚佳父子高科殊爲可羨後累官至太常卿常知貢舉于落卷中取真德秀時稱其知人遂從子前號大山巖弟

秦來誠小山俱以文名登紹定間進士顛累官宗正丞秦來累官御史遷起居郎 繼世居新喻縣

蕭雄

宋字安樂道昌人與兄維弟雅俱肄業上庠維中奏巖榜維中買安宅榜雅中莫儻榜兄弟三人起自白屋連擢高科時人榮之

蕭建功

宋字懋德新淦人少好學嘗從陳道遠遊道遠之李朴被調時貧不能自給建功爲築室居之朴死建功以女妻其子李綱其操行堅正累官知衡州

姚吳興商音生於姚墟謂之姚墟

姚光

周吳人得神丹能分形設影坐在立亡火之不焦刃之不傷吳王親試之積柴數千束令光坐其中四面發火烟焰蔽天觀者盈都下或謂光必灰燼矣火息光從灰中振衣而起手把一卷

書吳主視其書不能解也

姚戈仲

晉蒲洪據關右戈仲遣子襄帥衆擊洪不利病將死嘆曰中原無主我死亟自歸于晉無為不義也 戈仲第五子襄字景國少有高名文武冠世英濟之稱著于南夏以父遺命率衆歸

晉詔屯臨城襄弟甚亦有雄才武藝過人

姚察

隋字伯晉武康人父僧坦為梁太醫正察幼有至性六歲誦書萬餘言動精學業十二能屬文梁文帝在東宮時引于宣猷堂聽講論雜後仕隋為祕書丞脩梁陳二史及制定朝式子思廉

初仕隋為代王侍讀唐兵入城府僚皆奔亡獨思廉侍王唐兵升殿思廉鳳聲曰唐公起義兵本安王室若等不宜無禮衆却布列階下唐主淵義之曰仁者之勇也後仕唐為弘文館學士與魏徵同撰梁

陳書濠洲十八學士思廉其一也

姚果毅

唐硤石人貞觀中為雋州都督時陳州刺史有女擇婿袁天綱曰惟果毅有貴子可嫁之後果為相 子崇字元之少尚氣節長乃好學初授懷州司倉叅軍累遷鳳閣侍郎以張易之讚出

為靈武道大總管張柬之等誅二張崇與謀以功封梁縣侯玄宗立崇上十事遂拜相封梁國公史贊云崇善應變以成天下之務環善守法以持天下之正卒諡文獻子三人彘奔昇皆至卿位 崇與張

說同為宰相不相能崇病誠其子曰張丞相為人奢侈好服玩吾歿後汝具陳平生寶器於前張若願即錄置之仍以神道碑為請既獲其文登時錄進先磨石以待至便鐫刻遲則必當有悔若復來徵之

當引視鑄石告以聞上可也崇沒張來弔崇家其子悉如崇誠不數日文成敘致該詳時謂極筆却後數日果遣取本以文未周密為辭姚氏子引示石碑告以奏御使者復張歎曰死姚崇能算生張說吾

今日乃知才之不及遠矣 崇孫合登元和進士工詩乾元中調武功尉遷監察御史選唐詩二十三家為極玄集官終祕書監

姚岩傑

唐工詩嗜酒遊江左乾符中顏標典鄱陽創鞠塲請岩傑記之標易三字岩傑怒覆碑于地以詩寄顏標云為報顏公識我麼我心惟只與天和眼前俗物關情少醉後青山入夢多田子莫

嫌彈缺恨甯生休唱飯牛歌聖朝若為蒼生計也合公車到薛靈有文集二十卷號象溪

姚兼濟

唐吳人善琴得石荆山之傳在揚州逢異人授以古操撫之果奇人以為廣陵散之遺也

姚鉉

唐字寶之合肥人太平興國中進士直史館歷右司諫京東轉運使後坐事貶連州鉉文辭敏麗有文集三十卷又采唐人文章為文粹百卷淳化中春日苑中釣魚宴鉉詩先成有花枝

令濶昭陽雨釣線斜牽太液風賜白百兩金時比奪袍之榮

姚坦

宋字明白太宗時為皇子翊善王嘗邸中營假山費數百萬召蠻僚共觀之坦獨俯首王強使視之曰此皆民租所為但見血山耳安得假山

姚宗明

宋河中永樂人其十世祖棲雲以父死于邊終身廬墓唐時表其門棲雲生岳岳生君儒君儒生師正四世皆廬墓至宗明十世同居慶曆中復其家是後又三世同居孝睦不替

姚兕

宋五原人父寶戰死定州兕力學兵法為環慶巡檢屢敗夏人擒鬼章積官至通州團練使兕幼失父事母凡圖畫器用皆刻仇讐未報字弟麟亦有名累官至定武軍節度時號二姚

姚嗣宗

宋慶曆中題詩于驛壁云踏碎賀蘭石掃清西海塵布衣能辨此可惜作窮人韓魏公見以奇之遂奏補後知尋州能除虎暴

姚闢

宋字子張瞻辭博學授項城令通州判所至有聲黜去詞華究心經術一時名士歐文忠王荆公輩皆與交游所著有太常因革禮一百卷

姚易

宋字夢錫浦城人元豐中進士歷開封推官里人何述時為府尹每遇休沐輒相與屬咏酬唱甚多有翠集十卷

姚孝錫

宋字仲純豐縣人政和四年登科調代州兵曹金兵入鴈門州將議以城降官屬畏懼投死無所孝錫投林大斫略不為意後注五臺簿因家五臺善治生州境歲饑出家所藏粟一萬石賑

貧乏多全活自號醉軒年八十三乃終所著有雜助集

姚興

宋相州人以武功累遷荆南路湖兵馬副都監金兵渡淮興以四百騎當金八十萬自辰至午戰數十合援兵不至父子俱死金人相謂曰有如姚興者十輩吾屬敢前乎事聞詔贈觀察使

更論忠毅立廟祀之

姚平仲

宋字希晏靖康中爲太尉後得道于山中年過九十紫雲委地與譚定爲青城隱士

姚瀛

宋字子山福安人七歲能誦班史十七歲應舉居太學以文章著名隆興初第進士凡四任教官嘗辯太玄通潛虛之數所著有鳳臺集行于世

姚希得

宋字逢源漳州人嘉定進士累官叅知政事忠貞清儉好引用善類屢抗疏直言以澶川郡公致仕卒贈少保所著有續言行錄及橘洲文集

姚雄

宋巫原人初爲將以女議定一塞主之子寨主病故妻及子皆流落後雄爲邊帥赴闕奏計遇一姬浣衣見其有士人家風問所從來姬曰昔良人守官邊寨有將姚姓者許以女歸妾子今

夫既喪無以自存方貨餅餌以自給姚曰雖是也女自許歸別有求婚某並不九日夜望婿來豈敢以父之存沒爲問邪感泣氣咽不語久之雄留姬併其子俱載還鎮遂畢其禮

姚勉

宋字成一號雪坡新昌人宋寶祐中狀元及第廷對萬言爲文章數千言頃刻可就雪坡集行世除太子舍人與胡仲雪劉元高黃夢炎號錦江四俊後皆顯宦

姚獬孫

宋字應獬慈谿人宋未舉鄉薦補國子助教正身率下勤於啓迪攻學緣父教前爲國子司業諸生稱爲東南遺老獬繼之人以爲世典成均善其職尤所罕者獬博學清介爲文本家傳皆

以蘇氏擬之及元混一不屑於仕即退隱於雙峰別墅所著有雙峰文集

饒

平陽羽音又聖出臨川

饒廷直 唐南城人第進士嘗過武昌游黃鶴樓忽遇異人授以祕訣自是不通妻妾蕭然端居後為鄖州通判卒其柩還鄉鼻者覺其輕蓋尸解去

饒子儀 宋字元禮臨川人九歲能詩力學不倦王安石多所論薦子儀獨不為屈崇寧中以經明行脩錫命於朝司諫陳瓘閱其所著編年史要為之序又有周易論語解及詩文甚多

饒幹 宋字廷老邵武人淳熙二年第進士調知長沙縣適朱熹為守幹夙與治事暇即聽講後知懷安軍卒有為之銘曰能磨琢而器吾之玉乎則心皇皇如不足能烜赫而丹吾之穀乎則足縮

縮如不欲故樂也不加若性不污也不懼其辱是欲善學朱氏者蓋不惟是名而實之篤

饒魯 宋字伯與饒州人幼從黃榦遊性行端謹學術精明累薦不起號雙峰及卒門人私諡文元先生所著有五經講義語孟紀聞春秋節傳庸學纂述等集行于世

饒節 宋字德操工詩宗山谷與陳無己等二十五人為法嗣呂居仁作江西傳衣詩派圖節始亦婚宦之意未絕嘗令其僕如琳守舍歸見其占對異常怪問之僕曰守舍無所用心聞鄰寺長

老有道僕往請一轉語忽爾覺悟身心泰然無他也德操慨然曰汝能是我乃不能邪徑往白崖問道八日而悟盡發囊囊祝髮為浮屠徧參諸方至浙樂靈隱山川因挂錫焉德操號倚松道人詩文皆高

邁名倚松集

焦 中山角音周武王封神農之後子焦子孫因為氏焉又墜出廣平馮翊

焦延壽 漢字贛少黃令辯別姦細愛養吏民化行郡中舉最當選民詣闕留之詔增其秩元帝朝為三老延壽從孟喜學易授之於京房分六十四卦分更直日用事以風雨寒暑為候京房尤精

其術延壽歎曰得我道以亡身者必京生也後房果羅禍

焦先 漢字孝然河東人漢末隱居京口結草為廬號蝸牛廬呻噓其中後野火燒之乃露寢雪中袒臥百餘歲卒皇甫謐稱其棄榮求隱衣裘廣然以天地為棟宇羲皇以來一人而已蔡邕為之

作贊 令鎮江焦山
因先隱此遂以名山

焦度

南北字文續南安郡人祖文珪避難仇池宋元嘉中父明與千餘家隨居襄陽度少有氣幹便弓馬沈攸之反度守郢城有功嘗于城上罵尋攸之人呼其樓爲焦度樓官終遊擊將軍

焦遂

唐口吃隱若不能言醉後應答如響飲中八仙歌云魚遶五斗方卓然高談雄辯驚四筵

焦蹈

宋無爲人四次鄉薦皆首選元豐中因禮部貢院火別試蹈爲第一有詩云不因南省火安得狀元焦放榜方六日而卒

焦煥

宋六安人紹定間進士第一弟炳亦武舉第一時人榮之

焦干之

宋字伯強河南人爲人嚴毅方正客歐陽公所呂申公公著見而敬之招延使教諸子希哲等諸子稍有過差干之端坐召與相對終日竟夕不興之語諸生恐懼畏伏于之方響辭色

譙

黠國曹大夫食采于譙因氏焉

譙立

漢字君黃閩中人成帝朝以對策拜諫議歷孝谷令及王莽居攝易姓名而歸公孫述連聘不起遣使者以毒藥劫之太守自詣芝廬勸之行立曰保高全尙死亦奚恨遂受毒藥立子瑛泣

血叩頭於太守順孝家終千萬以贖父死太守爲請述許之光武平蜀立已卒祠以中牢勅所在遷其家錢

譙周

三國字允南廣安人孰古篤學研精六經明天文仕蜀漢爲光祿大夫所著有定詁訓五經論古史考行于世孫秀字元彥知天下將亂預絕人事不與親故相見桓溫薦于朝以秀年老

道遠故不勸所在四時存問後避難宕渠鄉里依之者以百計秀年八十衆人欲爲之貢擔秀曰名有老弱當先營護吾力猶足自堪豈以垂老之年勞諸君也後九十餘卒

譙定

宋涪陵人少喜學佛後至汴學易於程頤頤貶涪定又從之遊靖康初召爲崇政殿說書以論不合辭不就高宗立定猶在汴詔詣行在將用之會金兵至定復歸蜀隱青城山蜀人敬之稱

曰鐵夫子云自
號涪陵居士

刁 洪農徵音風俗通
齊大夫鑿刀之後

刁 間

漢前貨殖傳齊俗賤奴隸間獨愛貴之築點奴人之
所患惟刁間收取使之逐流鹽商賈之利起數千萬

刁 協

晉字元亮渤海饒安人少好經籍博聞強記累官尚書左僕射元帝南渡初朝廷卿勅憲章未
立區歷練舊章凡所制度皆資于協王敦構逆協出督六軍至江乘爲人所殺 元帝收用賢

俊百餘人謂之百六操協與焉 子彝字大倫少遭家難王敦誅後彝斬仇人黨以首祭父墓自詣
廷尉請罪朝廷宥之由是知名歷官徐兗二州刺史 彝子遠廣州刺史暢冀州刺史弘始與相

刁 冲

南北字文期十三而孤雖家世貴達而身自炊爨勵志向學不舍晝夜殆忘寒暑通諸
經凡陰陽圖緯算數天文風氣之書無不該綜當世服其精博魏宣武徵爲功曹主簿

刁 約

宋字景純康定中與歐公同在館閣脩禮書後直史館浩然有山林志掛冠而歸
築室潤州號藏春塢日游息其中東坡題云年拋造化甄陶外春在先生杖屨中

晁

京兆角音周景王子朝之後晁
亦作晁衛大夫史晁亦爲氏

晁 崇

南北字子業善天
文術數拜太史令

晁 迥

宋字明遠清豐人舉進士爲大理評事歷殿中丞真宗在東宮諭德楊樞稱其學行真宗稱爲
好學長者景祐中爲翰林學士詔令多出其手以太子少保工部尚書致仕年八十一召燕太

清樓訪以洪範雨暘之應諡文元迥善吐納養生之術性樂易寬簡服道履正歷官蒞事未嘗挾情害
物所著有翰林集三十卷道院集十五卷法藏碎金十卷行于世 迥子宗慤以父庭爲祕書省校書

郎召試賜進士及第康定中爲翰林學士一夕帥將相五制父子
學皆獲擢副戒人得所宜歷資政殿學士工部尚書卒諡文莊

晁仲詢

宋字芻民宗慤之子性穎敏黃魯直一見奇之贈篇有云歎君豪甚倚天劍五試禮部不美名退居任城事親而樂公燕四方賓客不問於三日又勤應遠近不顧室中有無人皆嘆德字雖

竊仲詢風儀凝重不妄言笑一喜怒猶嚴若子三人端規端矩端端

晁端彥

宋字叔美仲衍之子說之之父也與章子厚同生乙亥同榜及第又同爲館職常以三同相呼紹聖初子厚入相叔美見其施設大與在金山時所言背因竭力諫之子厚怒黜爲陝守美叔

謂所統曰三同今百不同矣歷祕書少監開府儀同三司文章字法朝野宗尚子說之字以道文元公立孫少日激昂刻意經術墓司馬文正自號景遷登進士年未三十蘇子瞻以文章典麗可備著述科又薦公於朝以爲自得之學不踐陳迹元符中以黨籍放斥不許入國門後終徽猷閣待制公博極群書通六經尤精於易傳所著有容語等書行于世說之弟詠之少有異材東坡爲揚州時詠之兄

補之爲倅以詠之詩獻坡坡曰有才如此獨不令一識面乎後謁坡坡挽而上之謂坐客曰此奇士也後舉宏詞第一元符末以黨籍廢斥公天才英特爲文章立成明潤密緻官終左大中大夫子四人公

道公昂公逸公肖詠之兄補之字無咎宗慤曾孫才氣飄逸嗜學不倦十五以詞賦謁蘇軾軾嘆賞久之曰可以閣筆矣舉進士以禮部郎中知泗州雅慕陶元亮暮歸來園自號歸來子忘情仕進在楊

州時與蘇東坡唱和東坡嘗稱其爲風流別駕所著有難助集百卷行于世詠之孫子眞字點仲居撫州爲人雅靜重道練世故以善年賜爵迪功郎拜恩已卽卷衣冠藏之自號清谷居士子百谷

晁冲之

宋字叔周少有才華受知于後山呂居仁江西詩派圖二十五人冲之與焉有詩云男兒更老氣如虹短髮何嫌亂似蓬欲問桃花借顏色未甘著笑向東風紹聖初落黨中公超然家於具

茨之下屢薦不應有具茨集

晁公邁

宋字子四紹興八年進士公邁有絕人之資承五世文獻之傳德厚積深故其文雄深雅健鉅麗俊偉以是擅名于時歷官朝奉大夫

晁公諤

宋端義之孫實性穎異少能克紹家訓篤於孝友嘗割股以起母病以叔謙之恩補將仕郎歷廣昌令公諤宦情素薄臨事不苟守正不撓爲時所稱

晁元忠

宋能詩山谷答書云未識足下之面而得足下之詩興趣深遠鬱然類騷又寄以詩云著書蓬蒿底端有古人風

晁伯宇

字也雖然凡文至足之餘溢為寄偉今晁文涉奇似太早可作切磋之語以告之非謂其偉也

恐傷其邁往之氣耳官封丘丞所著有封丘集行于世

橋

黃帝葬橋山子孫守塚因為氏壘出梁國

橋庇

周魯人明易學

橋仁

漢從大戴禮註禮記四十九篇號橋君學小戴以博士論石渠授禮記於梁人橋仁楊榮於是有橋楊之學漢武帝時為大鴻臚

橋立

漢字公祖唯陽人見曹操而異之曰安人之主也操後經立墓祠以斗酒隻雞感其相知也建寧中為司空遷太尉二女皆國色孫策納大橋周瑜娶小橋策謂瑜曰橋公二女雖流離得吾

二人為婿亦足為慳

喬

梁國角音本作橋其後有去木為喬者又云匈奴貴姓又壘出馮翊

喬智朗

晉字元達鮮卑前部人仕晉為隆慮令以德行者稱人號曰神君

喬順

南北二子隱湘州樓霞谷服飛龍藥二十年不饑宋文帝詩云西山有仙童不飲亦不食

喬行簡

宋字齊明東陽人登紹熙進士端平間累官左右丞相與鄭清之同心革弊召用善類進少傅封益國公尋去除少師以魯國公致仕卒諡文惠

喬大臨

宋政和間為海鹽令時平江朱勗以花石得罪幸其蒼頭至海鹽基橫大臨追逮杖十餘人坐是罷官士論高之

喬同

宋學道年八十益壯蘇東坡贈以詩有上山如飛噴人扶之句

喬執中

宋以經術教授與孫莘老秦少游齊名號三賢

苗

東陽羽音楚大夫伯勞之子黃皇奔晉晉又與之苗因氏焉望出上黨濟陰

苗金符

晉撰古今通要四卷

苗蕃

唐少襄父受業于母夫人第進士韓愈為作墓誌銘有云有行以為本有文以為華終太原參軍

苗發

唐大曆中十才子中人

苗訓

宋河中人善天文占候之術周末以散指揮使從宋太祖北征視日上復有一日久相摩盪指謂楚昭輔曰此天命也後累官檢校工部尚書子守信知算造乾元曆累官至司天少監

苗再成

宋不知何許人守真州慷慨有大志德祐二年文天祥亡入真州再成延入城定計抗元兵後城陷不屈而死

銚

穎川見姓苑

銚期

漢穎川邠人父猛為桂陽太守卒期喪三年鄉里稱之期容鎮絕異矜嚴有威光武略地穎川召署掾後為鄧禹裨將所至有功封安成侯後拜衛尉期重信義自為將有所降下未嘗據掠

在朝憂國憂民能犯顏諫諍雲臺二十八將期其一也卒諡忠侯子二人丹純俱封侯

堯

上黨角音帝堯之後支孫以為氏

堯須

晉撰驚擊錄一卷

堯暄

暄

南北字辟邪長千人美容貌為千人軍將太武以其恭謹擢中散後為東道十三州使暄孫雄字休武少驍果輕財重氣為燕州刺史平城縣伯時官司相與聚斂惟雄義然後取接下以

恩甚為吏民所懷思子師儀同三司

堯君素

隋湯陰人仕為擊鷹郎將從風突通拍唐師於河東為木鸞係表於頸浮之黃河河陽守得之達於東都唐太宗詔曰桀犬吠堯有乖倒戈之志疾風勁艸實表歲寒之心又節義序論曰盛

烈所著與河海以爭流峻節所標共竹松而俱茂

堯允恭

宋字克遜海陵人景定咸淳兩領鄉薦宋亡專意經傳遠于易深得性命之理江浙行省兩撤充源溪東川書院長允恭皆不赴安貧樂善學者皆從游自號觀物老人大司農燕公嘗稱其

古心絕俗清氣逼人
人有詩文二十卷

要

魯郡羽音

要離

離

周刺客也吳公子光強殺王僚壘其子慶忌在鄰國聞計于子胥子胥進要離離曰吾許實罪出奔殺吾妻子且出怨言慶忌必信光乃戮其妻子于市且出怨言聞于諸侯離見慶忌于衛

言計而喜與之俱渡江至吳地乃投慶忌于水三泮其頭慶忌謂左右曰莫殺之令還吳以旌其忠離至江陵伏劍以報

要

珍

唐朔方大將軍

昭

楚之公族姓苑
云屈原之後

昭奚恤

周爲楚將昭王問江乙曰北方之人畏昭奚恤何也對曰虎得狐欲啖之狐曰無啖我天帝命我畏百獸若不信隨我後以觀百獸見虎皆走虎不知畏已以爲畏狐也北方非畏奚恤實畏

王之甲
兵也

昭陽

周楚懷王五國約伐秦陽曰五國若破秦必南圖夫韓魏國也厚賂之以利其心必悉兵以拒之五國可敗王從之使陽將兵伐魏於襄陵得八邑封上柱國

招

望出南海晉步招
之後以名爲氏

招父

周魯僖公十七年夏晉太子圉爲質於秦秦歸河東而妻之惠公之在梁也梁伯妻之梁嬴孕過期卜招父與其子卜之其子曰將生一男一女招曰然男爲人臣女爲人妾故名男曰剛女

曰妾及子剛西
質女爲宦女焉

聊

穎川

聊蒼

漢侍中著
書號聊子

聊謀

漢穎川太守
著萬姓譜

鄭

太原趙大夫食采深澤鄭
邑因氏焉又望出鉅鹿

鄭單

周字子家
孔子弟子

朝

朝見
之朝

朝景煥

南北撰野人
閑話六卷

尙友錄卷七

三肴

包

上黨羽音楚大夫申包胥之後以字為氏又聖出丹陽

包咸

漢字子夏會稽人客于東海為赤眉所得晨夜誦經自若賊異而遣之光武中與歸鄉里舉孝廉除郎中入授太子論語累遷大鴻臚明帝即位以咸有師傅恩特加賜俸祿咸皆分給與諸

生之貧者

包融

唐吳興人有才名制科擢第官至集賢學士與賀知章張旭張若虛齊名號吳中四士子二人何起居舍人信刑部侍郎

包拯

宋字希仁廬陵人令儀子舉進士第嘗為郡守不少風法以狗鄉曲吏事推為第一知開封府貴戚宦官為之斂手吏長不致欺童稚婦女亦知其名呼曰包待制京師為之語曰關節不到

有閻羅包老以其笑比黃河清焉擢御史中丞時東宮久闕儲嗣未定拯言東宮虛位日久天下以為憂夫萬物皆有根本而太子天下之根本也根本不立禍孰大焉帝曰卿欲誰立拯曰臣非才備位所以乞豫建太子者為宗廟萬世計爾臣年七十且無子非邀後福者帝喜曰當徐議之累官樞密副使為人峭直剛毅惡吏苛人雖賊惡如仇而未嘗不推以忠恕與人不苟合不偽辭色以悅人平生無私

書故人親黨干謁一切絕之其飲食服用善儉朴雖貴如布衣時卒贈禮部尙書諡孝肅有奏議十五卷

包天麟

宋字仁甫江陰人咸淳間舉博學宏詞科嘗注詩書易春秋年八十三手不釋卷子二人植櫬俱登科

包整

宋涇縣人少嗜學好義家貯書為萬卷堂子三人奏明迪功郎泰亨充解泰南劍州劍浦縣丞兄弟義聚八十餘年有靈芝產其堂人名其堂曰芝堂

包

瑜

宋字希賢由舉人仕教諭致仕歸淮王幣聘脩書一時知遇進講便殿賜坐所著通鑑事類一百二十一卷左傳事類四十卷王閱之甚喜遂梓行于世居七年告歸投老林下撰韻府續編

一百二十三卷春秋講義周易演義讀史六事讀書備忘稽古齋集諸書藏於家

包

鼎

宋宣州人以畫虎名家

茅

東海南音周公第三子茅叔封茅國子孫以國爲氏又望出陳留晉陵

茅

濛

周字初成咸陽人博學深鑒知周室將衰不求仕進歎曰人生若流電爾奈何久迷塵寰中於是師鬼谷先生受長生之術遂入華山脩煉秦始皇三十九年九月庚子乘龍白日昇天先是

邑人謠曰神仙得者茅初成駕龍上昇入太清時下玄州戲赤城繼業而往在我盈帝若學之臘嘉平秦始皇聞之因改臘爲嘉平玄孫盈固衷三人皆得仙居茅山濛玄孫盈字叔申弟固字季偉次弟

衷字思和盈生于漢景帝中元五年少乘異操獨味清虛年十八遂棄家入恒山脩道餌朮得見王母授以太極玄真之經父怒其久出欲杖之盈跪曰盈已受聖師符籙有天兵侍衛大人杖恐天兵相阻恐加罪重父欲驗其言故杖之杖折數十段父始悟其道成宣帝初元四年辭別家人親友乘雲冉冉而去時弟固爲武威太守衷爲西河太守聞兄飛昇皆棄官還家求兄于東山盈乃教二弟延年不死之法後亦成仙居茅山世稱三茅真君

茅

焦

秦齊人聞始皇遷太后於雍下令致諫者死諫而死者二十七人焦請諫王大怒按劍而坐口正沫出趣召獲欲烹之焦徐行至前謁起稱曰臣聞有生者不諱死有國者不諱亡死生存亡

聖主所欲急聞也陛下有狂悖之行四不自知邪車裂假父囊撲二弟遷母於雍殘戮諫士桀紂之行不至於是令天下聞之盡瓦解無向秦者臣竊爲陛下危之言已乃解衣伏質王下殿手接之爵以上

痛自罵虛左方迎太后歸復爲母子如初太后大喜曰天下亢直使妾母子復相見者茅君之力也楊子曰茅焦歷井餘諫秦王可謂刺虎牙矣

茅容

漢字季偉陳留人年四十餘耕於野避雨樹下衆皆夷踞容獨危坐愈恭郭林宗見而異之因留宿宿旦日容設雞爲饌泰意謂爲已設飯而供母餘半度置自以艸蔬與客共飯林宗曰卿賢哉遠矣郭林宗猶減三牲之具以供賓旅而卿如此乃我友也起對之揖因勸就學

茅炳靈

唐陳留人大曆中登第工詩

茅相

宋丹徒人慷慨有大志宋末急於用人以陸秀夫薦除兵部侍郎從之海上元兵勢逼同帝赴海而死

茅革

宋全椒人任爲貴池令民有兄弟訟田者革爲垂涕說之曰同生當相撫以恩義兄弟感泣而去其後革五子皆進士及第

茅知至

宋仙遊人操尚介潔不求聞達築廬隱於縣之西山下類以六經教授鄉里蔡襄甚愛重之景祐中罷籍以德行薦補州學教授有周詩義三十卷至性書三卷

茅信卿

宋泰州人四世同居舉家百餘口每旦家長坐堂上卑幼各以序立拱手聽命分任以事畢則復命其有怠惰輒鞭辱無有怨言雖祁寒盛暑亦如之州守霍仲順聞于朝旌表其門曰四世

孝義之門

巢

彭城商音有巢氏之後封于巢子孫以國爲氏又望出魯國

巢父

上古堯時隱人也山居不營世利年老以樹爲巢履其上故時人號曰巢父堯讓天下于巢父巢父曰君之牧天下猶予之牧犢無用天下爲乃過清冷之水洗其耳曰向聞貪言汚吾耳也

堯以天下讓許由由以告巢父巢父曰汝何不隱汝形藏汝光若非吾友也擊其膺而下之由恨然不自得遂去終身不相見

巢元芳

漢著病源

巢

猗

南北朝子助教撰尚書
義十卷尚書音釋三卷

巢

谷

宋字元聲眉山人傳其父中學舉進士谷素多力棄其業學古兵法游西邊與河州將韓存寶
善後存寶坐罪死谷逃避江淮間會赦乃出蘇軾蘇轍謫嶺南谷往循訪轍又欲往海南訪軾

至新州病死轍聞哭之失聲曰谷於朋友之義無
所不厚惜其不遇處子而前遇存寶後遇予兄弟

膠

商末賢人
謬爾之後

膠

蒼

漢武帝時與朱買臣傲助終軍司
馬遷之倫皆辯博暢達溢于文詞

四豪

高

渤海齊太公六代孫文公
子高孫儀以至父字爲氏

高 柴

周字子羔衛人齊人敬仲儀十代孫也少孔子三十歲爲魯成宰成人有其兄死而不爲哀者
聞子羔將至遂爲哀成人曰蠶則績而蟹有匡范則冠而蟬有綏兄則死而子羔爲之哀子

羔葬其妻犯人之禾申祥以告曰請庚之子羔曰孟氏不以其罪予朋友不以其棄予以吾爲邑長於
斯也買道而葬後難繼也子羔仕於衛爲士師則人之足有崩職之難子羔出走郭門則者守門焉

謂子羔曰於彼有缺子羔曰君子不踰又曰於彼有覆子羔曰君子不墜又曰於此有室子羔乃入焉
既而追者罷子羔將去謂則者曰吾不能虧主之法而親則子之足吾今在雖正子報怨之時而逃我

者三何哉則者曰斷足固我之罪者昔公之治臣也傾側法令先後臣以法欲臣之免於法也臣知之
獄決罪定臨當論刑君愀然不悅見於顏色臣又知之君豈私臣哉天生君子其道固然此臣之所以

悅君也孔子聞之曰善哉爲吏其用法一也思仁恕則樹德加嚴暴則樹怨公以行之其子羔乎自見
孔子出入於戶未嘗越履往來過之足不履影啓蓋不投方長不折執親之喪泣血三年未嘗見齒君

子以其爲難墓在沂西南一百三十里
一在陽穀縣唐贈共伯宋封共城侯

高漸離 周燕人善擊筑同荆軻入秦刺秦王軻死漸離後以擊筑得幸置鉛筑中撲秦王爲軻報仇不中被殺

高堂 漢魯人官博士以禮書七十篇授瑕丘蕭奮奮以授后蒼蒼以授戴德戴聖言禮多宗之

高恢 漢字伯達京兆人少治老子恬虛不營世務與梁鴻善隱于華陰山中及鴻東游二人遂不復相見恢高抗區纒終身不仕焉

高相 漢沛人治易亡章句專說陰陽災異其學自言出于丁將軍

高鳳 漢字文通葉縣人少就學家以農爲業妻嘗之田曝麥于庭令鳳護雞時天暴雨鳳持竿誦經麥爲潦水所漂妻還怪問鳳方悟晝夜讀書不息遂成名儒元和間教授西唐山中不應徵辟

隱身漁釣而終

高獲 漢汝南新息人游學京師與光武有素師事司徒歐陽歛歛下獄當斬獲帶鉄鎖詣闕爲請光武謂曰朕欲用子宜改常性獲對曰臣受性于父母不可改之于今遂辭去三公爭辟不應獲

替天文週甲能役鬼神所言多驗

高頤 漢與弟君實子文玉俱有才行一門三舉孝廉

高彪 漢字子武無錫人舉孝廉第一除郎中校督東觀數奏賦頌奇文因事諷諫靈帝異之遷內黃令有德政靈帝詔東觀畫彪像以勸學者

高允 南北字伯華渤海蓆人漢太傅褒之後少有奇度仕魏爲郎授太子經命與崔浩同脩國中及浩被收事連及允太子入言高允小心慎密且制由崔浩請赦允死魏主問曰國書皆浩所爲

乎允曰臣與浩共爲之浩總裁而已著述臣多于浩魏主怒曰允罪甚于浩何以得生太子懼曰天威
嚴重允迷亂失次耳臣問彼言皆浩所爲魏主問信如東宮所言乎允曰臣罪當族不敢妄毀下哀臣
欲救其生耳魏主曰直哉此人情所難遂赦之太子懼允曰吾爲卿脫死而卿不從致激帝怒每念使
人心悖允曰前修國記臣與浩實同其事違心苟免非臣所願也太子動容稱歎魏主敬重之呼爲令
公而不名游雅常曰余與高子處四十餘年未嘗見其喜愠之色且內文明而外柔順必爲一代偉器
中常侍宗愛用事威振四海王公聖庭趨拜允獨升階長揖其矯矯風節人不可及累官中書令爵
咸陽公允雖寵貴家貧自如魏主常幸其第惟草屋數間布被縕袍
廚中鹽菜而已帝曰古人清貧豈有此邪加光祿大夫卒年九十八

高閻

南北漁陽雍奴人博通經史下筆成章仕魏爲中書監歷官中書令給事
中凡國家詔令頌贊之類皆出其手其文章與高允相上下時稱二高

高道穆

南北仕魏爲中尉魏主姊壽陽公主犯清路道穆擊破其車公主泣訴之魏主曰中尉
清直豈可以私責之道穆見魏主勢之道穆免冠謝魏主曰朕愧卿卿何謝也

高歡

南北爲函使至洛陽見張彝之被羽林虎賁焚死還家傾貲以結客或問其故歡曰宿衛相率
焚大臣之第朝廷懼而不問爲政如此事可知矣財物豈可常守乎劉貴見而奇之薦于爾朱

榮榮厥有悍馬命歡剪之歡不加羈絆而剪之竟不蹄響起謂榮曰御惡人亦猶是矣榮大悅自是每
參軍謀河北大使高乾以冀州迎歡爾朱兆弒敬宗起兵討兆滅之爲大丞相封渤海王歡性深密
終日儼然人不能測機權之際變化若神馭軍旅法令嚴肅聽斷明察不可欺犯文武咸樂爲用臨終
謂世子澄曰侯景常有飛揚跋扈之志非汝所能馭也唯慕容紹宗能制之我故不貴之留以遺汝軍
旅大事宜共籌之後景竟如歡所料子二人澄洋歡子澄仕魏爲東部尙書始改崔亮年勞之制銓
擢賢才智能之士皆引于門下與之共政遣使通好于梁爲蘭京所殺澄弟洋封太原公內明決而

外若不慧衆皆嗾鄙之獨歡異之謂長史薛暉曰此兒識慮過吾非凡器也幼時歡嘗欲觀諸子意識
使各治亂絲洋獨刀斬之曰亂者必斬及兄澄被殺內外震駭洋指麾部分入討群賊斬而鬻之大會

文武神影英暢言辭敏給衆皆大驚澄
故令有不便者洋皆改之人心始定

高季式

南北爲濟州刺史滹陽民爲盜季式討擒之又擊陽平賊平之或謂之曰盜不獲境而使私軍遠戰萬一失利豈不獲罪乎季式曰君何其不忠也我與國家共安危以此獲罪何恨焉

高岳

南北齊人深沉有氣量嘗寓洛陽北齊神武每使入洛必止岳舍岳母山氏嘗夜見神武室中無火有光詣卜者筮遇乾之大者占者曰貴不可言山氏歸報神武神武後起岳于信都封清

王河

高構

南北字孝基北海人仕爲雍州司馬有能名徵拜吏部侍郎見房玄齡歎曰僕閱人多矣未有如此邪者異日必爲偉器恨不見其大成耳見杜如晦曰君有應變之才必任棟梁之重俱以

子孫託之論者謂其有知人之鑒

高昂

南北字敖曹龍準豹頭姿體雄異少不遵師教專事馳騁每言男兒當橫行天下自取富貴誰能端坐讀書作老博士也其父嘗曰此兒不大吾門當滅吾族比齊神武以爲西南道大都督

渡河祭河伯言曰河伯水中之神高敖曹地上之虎

高頴

隋字昭玄齊人父齊州刺史頴有器局善詞令文帝伐陳頴爲元帥以功封齊國公帝命頴與賀若弼論功頴曰弼獻十策苦戰破賊臣文吏耳焉敢與之論功帝嘉其有膽龐昇等短頴

于帝帝怒黜之謂頴曰公猶鏡也每被磨豎皎然益明頴爲僕射引進蘇威等皆一時名士當朝二十年朝野推服物無異議論者以爲真宰相

高儉

唐字士廉勳之子敏慧有度量觀書一見成誦武德中爲右庶子進益州大都督長史殷條教督勵風俗又與學校決渠溉田入爲吏部尚書封許國公右僕射三世居此官世榮其貴所著

有氏族志

高季輔

唐名馮以字行齊人母喪以孝聞貞觀初拜監察御史彈劾不避權貴轉中書舍人數上書言得失太宗賜鍾乳一劑曰而進藥石之言朕以藥石相報後爲吏部侍郎善銓敘人物又賜金

背鏡一况其清
鑿卒諡曰憲

高

適

唐字達夫一字仲武滄州人玄宗時舉有道科官至諫議大夫負氣政言權近側目出爲蜀彭州刺史卒適尚節義以功名自許政尙寬簡民多便之年五十始爲詩卽工每一篇出好事者

輒傳
布

高

定

唐郢之子早辯慧七歲讀尙書至湯誓跪問父曰奈何以臣伐君郢曰應天順人對曰用命賞于祖不用命戮于社是順人平郢大奇之仕至京兆府將軍

高

叡

唐京兆人舉明經拜趙州刺史聖曆初突厥圍之長史反應突厥叡與妻李氏詐死慶與至突厥突厥以金獅子帶紫袍示之曰降則拜官不降則死叡顧其妻妻曰國報恩正在今日迷

瞑目不言再宿殺
之贈尙書諡曰節

高仲舒

唐通訓誥學擢明經開元初宋璟蘇頌當國多咨訪焉
璟等嘗謂人曰欲知古事問仲舒欲知今事問齊幹

高

蟾

唐累舉不第作詩云天柱數脩撐白日天門幾扇鎖明時陽春發處無根蒂伏東風吹第吹
上主司侍郎云天上碧桃和露種日邊紅杏倚雲栽芙蓉生在秋江上不向東風怨未開明年

李昭知貢
舉及第

高崇文

唐幽州人七世不異居旌表門閭憲宗時崇文爲神策行營節度使劉闢以蜀叛杜黃裳薦其
才詔崇文統兵討之戰於鹿頭山八戰皆捷刻石紀功封南平郡王子承簡除潞州刺史有惠

政吏民皆
愛戴之

高霞寓

唐五世不異居建中初旌表其門
後從崇文伐蜀以功封感義郡王

高言

唐字明道開儀儀傳不守小節每風月佳時宴客宴集酒酣氣壯慷慨浩歌嘗曰使我當高光時萬戶侯何足道哉

高駢

唐字千里懿宗時事朱叔明為司馬有二鸚鵡飛駢曰我且貴當中之一發買二鸚鵡為乘大驚號為落鸚鵡侍御

高行周

五代周世宗時遷官為天平節度使行周不勇而知義功高而不矜策馬臨敵叱咤風生平居與賓僚宴集侃侃和易人以為是重之子懷德開儀武勇性坦率不拘小節嘗從世宗討北漢

南塘皆克捷累官侍衛馬軍都指揮使宋初從太祖征澤潞及揚州以功領節鎮加同平章事太宗時封冀國公

高瓊

宋濠州人少勇猛太宗召至帳下及即位擢御龍直指揮使積戰功累官保大軍節度鎮州都部署真宗時為殿前都指揮使帝幸澶淵寇準力贊過河來議不決瓊仰奏曰請如寇準之言

時馮拯在旁呵之瓊怒曰君以文章致位兩府今虜騎充斥如此君何不賦一詩退虜邪即曉衛士進營帝遂渡河以功進檢校太尉封衛國王卒諡烈武瓊不識字而曉邊軍政有子十四人皆訓以詩書

高若訥

宋字敏之榆次人徙衛州進士及第累官樞密使皇祐中罷為觀文殿學士尚書左丞卒諡文莊若訥強學善記該通詳藉類明歷學醫書有文集二十卷

高懌

宋字文悅荆南人季興四世孫年十三能文通經史百家從種放受業之長安寇準為不起及范雍建京兆府學召懌講授諸生席間常數百人仁宗時命為大理寺評事懌固辭賜號安素

士居

高元之

宋字端叔鄆人瓊七世孫建炎間衣冠南渡父寓籍明州因家焉家貧無書得易編口誦不輟數日忘輟鄰士恰之稍借之書後受易春秋學于沙隨程迥時傅伯成為郡教授少許可折

節與之交縣是鄉學者數百人師事之元之作變題九篇曰懸崎志曰臣薄才曰惜戒曰惑同波曰力隰曰危夷曰悲憫娟曰古誦曰釋思行于世宋儒疑題弗能及也集春秋說三百餘家號義宗悉本經

旨凡百五十卷易詩論語後漢歷志解各一卷詩三千雜著五百號茶甘甲乙稿五上禮部卒不第將死手題書樓人號萬竹先生

高 曇

宋字子雲長溪人紹興末舉進士孝宗朝爲太學博士奏疏言訓練士兵久任帥守上曰癩老成歷練無高論以相詭譎其言皆可用翌日詔宰執以爲然遷祕書著作郎兼皇孫平陽府教

授再對便殿悉當上意益出上目送之及門乃起警脩乾道會要禮朝散郎有易說并詩文二十卷

高 登

宋字參光濟浦人爲太學生靖康中與陳東等上書乞斬蔡京等六賊廷臣建和議奪種師道李綱兵柄登書五上不報紹興初廷對上疏萬餘言秦檜惡其譏已編管容州所著有東溪集

學詩者稱爲東溪先生

曹

諱國角音頤項支孫陸終第五子爲曹氏又文王第十三子據鐔封曹亦爲曹氏

曹 劌

周魯人以勇力聞莊公十年魯師與齊戰劌請見其鄉人曰肉食者謀之又何問焉劌曰肉食者鄙未能遠謀乃入見問何以戰公曰衣食所安弗敢專也必以分人對曰小惠未徧民弗從

也公曰犧牲玉帛弗敢加也必以信對曰小信未孚神弗福也公曰小大之獄雖不能察必以情對曰忠之屬也可以一戰戰于長勺公將鼓之劌曰未可齊人三鼓劌曰可矣齊師敗績公將馳之劌曰未可下視其轡登軾而望之曰可矣遂逐齊師既克公問其故對曰夫戰勇氣也一鼓作氣再而衰三而竭彼竭我盈故克之夫大國難測也懼有伏焉吾視其轡亂擊其旗靡故逐之是以勝也

曹 邨

周字子循蔡人少孔子五十歲孔子弟子唐贈曹伯宋真宗大中祥符二年加封上蔡侯

曹 沫

周魯人以勇力事莊公桓公伐魯莊公請獻陘邑以平魯與齊會盟于柯沫以匕首劫桓公於壇上曰反魯之侵地桓公許之遂歸沫三敗所亡地於魯諸侯聞之皆信齊而歸附焉

曹 參

漢沛人與蕭何同起佐高祖定天下及卽位定元功十八人位次參第五封平陽侯蕭何薨參者舍人趨治行曰吾將入相居無何使者果召參參時爲齊相屬後相曰以齊獄市爲寄慎勿

擾也後相曰治無大於此者乎參曰獄市所以并容也今若擾之奸人何所容乎參微時與何善及爲將相有感至何且死能賢惟參參代何爲相舉事無所變更一遵何約束擇吏木訥重厚長者召爲丞

相史言文刻欲發聲名者鞭斥去之日夜飲醇酒府中無事參子密爲中大夫帝怪參不治事使空私問之參怒答曰趣入侍天下事非若所當言也帝召參讓之參免冠謝曰陛下自察聖武孰與高帝上曰朕安敢望先帝曰臣孰與蕭何賢上曰君似不及也參曰陛下言是也高帝與蕭何定天下法令既明今陛下垂拱參等守職運而勿失不亦可乎帝曰善參爲相三年百姓歌之曰蕭何爲法較若畫一曹參代之守而勿失載其清淨民以寧一子三
人密時參密爲中大夫時參皆尙公主參卒禮曰節

曹

褒

漢字叔通父充博陵氏博爲博士褒傳父業博文識古爲儒者宗章帝朝爲博士帝召其定禮制太常集堪以爲一代大典非褒所能定帝知儒生拘繫難與圖始朝廷禮憲宜以時立乃拜

褒侍中班固以爲宜廣集諸儒共議得失帝曰諫言作會道第三年不成會禮之家名爲聚訟互生疑異筆不能下昔堯作大章一夔足矣授褒叔孫通禮樂十二篇曰此制散略多不合經今宜依禮條正使可施行褒條正冠婚吉凶制度凡百五十篇上之雜以五經識記之文

曹上生

漢布季名大著於天下者
綜士曹上生游揚之也

曹曾

漢濟陰人光武時從歐陽歆受尙書積石爲倉以藏書號曹氏書倉

曹植

三國字子建譙人操子十歲著屬文操視其文曰汝情人邪植跪曰出言爲論下筆成文固當而試奈何情人操大喜之植任性而行不事雕飾封陳王薨諡曰思文帝素忌其才欲害之令

作詩限七步成植應聲曰煮豆燃豆箕豆在釜中泣本是同根生相煎何太急謝靈運言天下文章只一石子建獨得八斗世目爲竊虎建安七才子植其一也 弟彰字子文雄蓋萬夫力能扛鼎操嘗曰黃髮兒莫大奇也封任城王 植季弟冲字奮紆五六歲時嘗懸若成人時吳買大象操欲知斤兩而難於秤冲從旁應曰置大象船中而刻其水漬稱物以載之則知其重輕矣操大喜知之

曹洪

三國字子廉操從弟操起義兵討董卓至梁陽爲車將徐榮所敗操失馬榮追甚急洪以馬授操操辭讓洪曰天下可無洪不可一日無君遂步從到汴水水深不得渡洪泝水寬船與操共

濟後官至平西將軍子襲 從兄仁字子孝
勇冠諸軍嘗守南郡拜大司馬諡忠侯子襲

曹弗與

三國吳人以善蓄名寇一時孫權命畫屏帳幔成塊權疑其真以手彈之時有八絕弗與與焉
嘗遇青溪見赤龍飛水上寫獻孫皓進入秘府至宋時久旱乃敗弗與蓄龍圖水上俄而雲迷

騷起大
雨如注

曹攄

晉譙國人調補臨淄令縣有寡婦姑勸令嫁人婦守志養姑不移姑慙之密自殺親黨告婦
殺姑攄知其寃辯究得實時稱其明獄有死囚縲于除夕放之暫歸刻日皆至無一人後者

曹景宗

南北字子雲以膽勇聞梁武初爲右將軍驍兵圍鍾離景宗統師解圍振旅而還帝宴之於先
華殿群臣聯句令沈約賦詩時韻用已盡惟餘賦病二字景宗操筆立成云去時兒女悲歸來

痛鼓就借問行路人何如雲去病帝大稱賞 景宗既貴所親曰我昔在鄉里騎快馬如龍與年少
輩數十騎拓弓弦作勢壓聲箭如散陣馳平澤中逐擊數勛射之飲其血食其胃甜如甘蔗漿覺耳後
風生鼻頭火出此樂令人忘死今來揚州作貴人動輒不得諸行開車輓
小人職言不可閉置車中如三日新婦念此邑邑令人氣盡卒益壯矣

曹憲

唐初仕隋爲祕書學士聚徒數百人講苑林苑又註廣雅太宗貞觀初揚州長史李襲譽薦之
以引文館學士召不至卽家拜朝散大夫當世譽之帝嘗讀書有奇難字輒遣使者問憲憲具

爲音注援職詳
覆帝嘗尚之

曹元理

唐善算術嘗詣陳廣漢設食甚博廣漢曰有者半客無者半主
人元理以七籌算曰粗上蕪純厨中荔枝何不脫廣漢大驚

曹霸

唐玄宗時將軍善畫馬帝有照夜白命霸之
宛然如生韓幹其弟子也杜甫有畫馬引

曹鄴

唐陽朔人大中開舉進士
累官至吏部侍郎有詩名

曹松

唐字夢徵舒州人先化中登第時已七十餘矣長榜五人皆年相上下號五老榜授校書郎而卒所著有詩集

曹圭

五代嘉興都將隴人圍城急圭與族人師營帥乘力守之隴人鑿鼠曰此雖孤城內有貴人不可圖也遂解去民賴以安師營形短而多智人號曹晏嬰

曹彬

宋字國華吳定遠壽人父芸爲成德軍節度使彬始生周歲父母以百玩之具羅於前視其所取彬左手握干戈右手取瓊豆斯須取一印他無所視人皆異之彬于漢乾祐中爲成德軍

牙將節帥武行德見其端整指謂左右曰此遠大器也仕周爲河中都監後歸宋乾德初與王全斌伐蜀陝中都縣悉下將威欲屠城彬獨申令戢下太祖聽詔褒之諸將多收子女玉帛彬橐中唯圖書衣妾而已授宣徽南院使義成軍節度使彬辭曰西征將士俱得罪臣獨受賞恐無以示勸帝曰卿有茂功又不矜伐懲勸國之大典卿無讓彬奉命下江南圍城中每緩師不迫冀李煜歸服又使人諭

之曰事勢如此所惜者一城生聚若能歸命策之上也城垂克彬忽稱疾不視事諸將皆來問疾彬曰余之疾非藥石所能愈惟須諸公誠心自誓以克城之日不妄殺一人則自愈矣諸衆許請焚香爲誓

翼日城下煜詣軍門降彬待以賓禮請治裝赴汴及還關門進榜子云奉勅差往江南勾當公事同人竊其不伐進檢校太師加兼侍中從征太原封魯國公眞宗朝召拜樞密使彬清介廉謹仁敬和厚有

功不伐位兼將相不以等威自異爲時長將第一及卒追封濟陽郡王諡武惠子三人瑋琮琕繼領節鉞故陶弼觀彬廟齋像詩云蒐兵四把降王縛教子三登上將臺彬長子琮字縉光性沉毅習知緝

略能自奮勵以世其家累官富州刺史嘗爲綬跟夏竦等州鈐轄善撫士卒咸愛兼著契丹入寇屢戰有功後授同平章事卒諡武懿彬三子瑋字實巨沉勇有謀喜讀書通春秋三傳於左傳尤深樞選

叛太宗問彬以誰可將者彬曰臣少子瑋可任卽召見以本官同知渭州時年十九瑋敷軍證明賞罰立決犯令者無所貸善用間周知處動靜舉措如老將平居閒暇若儒生及出師多奇計出沒變幻人

莫能測渭州有告成卒叛入夏國者瑋方對客奕棋遽曰吾使之行也夏人聞知卽斬叛者投其首境上瑋用士得其死力四羌峭斷羅使其舅賞棟丹與旣敦同謀內寇瑋陰結旣敦解所佩寶帶與之

旣敦感激求自效問謂瑋曰有所使令雖死不辭瑋曰賞棟丹嘗至汝帳下代我取其首來旣愕然應諾數十日果斷其首以獻景官宣徽北院使簽書樞密院事宰相丁謂逐寇準惡瑋不附已謫容州瑋

卽就道從弱卒十餘人，不以弓鞬自隨，謂敗復華州，觀察使拜彰武軍節度使，知天雄軍，奉順侍中，益武穆嘉祐八年詔配饗仁宗廟庭。

曹平

宋字公正，仁宗光祿皇后從弟，借之子也。以父任累官至溫州防禦使，哲宗光祐中提舉萬壽觀，巧外樞密院白爲真定路鈐轄，善射，左右手如一。雖滅燭亦能中，伴契丹使者射嘗雙破的。

使者驚悚

曹粹中

宋字純老，定海人。宣和六年進士，李莊簡公光婿也。秦檜在位，光時爲叅政，檜知其名欲識之，粹中辭不赴，竊語妻曰：汝父必不能與丞相久處。光貶謫海南，粹中不復仕，自號放齋，有詩說。

行于世

曹肅

宋字士先，郴州人。舉鄉薦，初授通州寧遠簿，平生安分守道，四方學者多從之。游著述數千卷，尤工于詩，有騷人風。子延祚，字熙載，清脩多學，足不履城市，鄉士多出其門。

曹審

宋字宗山，策進士。仕至朝奉郎，志在及物，以江陰故廳，那屬吐陵，奮無產稅，則例民輸下鹽，錢視他縣獨倍力，請均之，郡從其請。民皆德之，著有召溪集、鍾山集、抱關前集、論語註十篇。

曹悅

宋字習之，幼歲痛其父歿，絕葷酒，婚宦刻志，學問五經有解，後學問難，覺臺不倦。從家借書，輒請書目一閱，卽能言其本末。平生無喜愠，嘗戒學子絕人，我則天理自著，爲易解全書分辭。

變象占學者，尊爲秦字居士詩文三十卷，精潔可傳。

曹經

宋字清甫，休寧人。幼穎悟，八歲能誦五經，成淳戊戌殿試，丙科授迪功郎，昌化縣主簿，博學知名，撰文獻通考癸酉充信州考試官，甲戌赴昌化，源任尋轉脩職郎，乙亥權知縣事，戊寅授

紫陽書院長，已卯以壽終，年八十二。所著有讀義四卷，書稿文藁，雜稿各五卷，餘如服膺錄、讀書記、雜作，皆見三槩，蒼見泣血錄、過庭錄、餘雜記、曹氏家錄、古文選、等書藏于家。子希文，所著書有詩文。

讀義二卷，通鑑日纂二十四卷，行于世。

曹利用

宋真宗時契丹兵逼駕幸澶淵利用以閹門抵候使金釵和契丹欲強其割地利用曰割地之議死不敢聞契丹不能屈累官參知政事時劉太后臨朝中宮與貴戚爲禍福利用以勸帝自

處不恤凡內降恩力持不與左右深怨之太后亦嚴憚稱爲侍中而不名會利用從子洎爲兵馬監押酒醉衣黃衣令人呼萬歲內侍力懼利用張士遜曰利用大臣不知也王曾亦力救寬謫房州卒于謫

陽利用居位忠盡有守死非其罪聞者寬之

曹稹孫

宋字德堅瑞安人自少工學子業下筆閱肆諸老成武器之誓自謂曰作文譬如立萬人場中非剽然大驚而鳴人肯聽我乎宋亡室廬燬于兵遂寓平陽梅溪以古文及詩自娛凡一篇出

人輒傳誦後留安陽十餘年南北生徒數百人壽八十有七終

曹覲

宋字覲道世以詩禮名家皇祐中爲康州刺史臘嘗高犯城覲曰豈有爲天子吏而避賊者乎城陷罵賊不止賊殺之時子方生數月覲棄之竹園賊退妻往視之猶呱呱而泣曾參政贈詩

云轉戰譙門日已晡空拳猶自把戈扶身垂虎口猶安坐命在鳩毛更疾呼柱下臬臬存
斷節袴中杵白得遺孤可恰邑邑雄豪氣不愧山西士大夫 朝廷爵其子以旌其忠

陶

濟陽徵音陶唐氏之後又處惡爲周陶正以官爲氏又聖出丹陽溇陽

陶谷子

周爲大夫治陶三年名譽不與家產二倍其妻諫之曰能溇而官大是謂嬰害無功而家昌是謂積殃今夫子貪富圖大妾聞南山有支昉霧隱七日而不下食者何也欲以澤其毛衣而成

其文章耳故藏以避害豈不擇食故肥而死今君背此不毋後患乎谷子不聽後果被諫

陶舍

漢國初爲左司馬以功封愍侯 子青襲封夷侯孝景時拜相 青九世孫敦安帝朝拜大司徒 敦孫同漢末避亂于江東生子丹仕吳爲揚武將軍封榮侯生子侃侃字士行家貧少

流雪澤網得織綾歸掛壁間頃化龍去 侃少時有長者車及門鄰人問曰何不延之侃曰貧不能爲禮密於幃頭送濁醪雞雞遂成終日之規范達嘗宿其家侃倉卒無以待母湛氏謂侃曰汝第留客言

自爲計乃被髮易酒役又到驚以餓其馬遠稱賞曰非此母不生此兒到京師盛稱揚之侃由是知名未遇時嘗夢八翼飛上天見天門九重比登其八惟一門不得入關者以杖擊之墜地折其左翼後爲

八州都督以應其夢 侃少爲縣吏罷魚池嘗以魚鮓遺母母封還其鮓貴之曰爾不能益我反以官物遺我增吾憂耳 嘗爲廣州刺史在州無事輒朝運百甓於甯外暮運於甯內人問其故答曰吾方

致力中原過爾傷逸恐不堪事故自勞爾後轉荆州刺史士女相慶嘗語人曰大禹聖人乃惜寸陰至于吾人當惜分陰豈可逸遊荒醉生無益于時死無聞于後是自棄也諸奈佐以談戲廢事者命取其

酒器蒲博之具悉投之於江將吏則加鞭朴曰樓蒲者牧猪奴戲耳至於老莊浮華非先王之法言無益實用君子當正其威儀何有蓬頭跣足自謂宏達邪嘗造船其竹頭木屑侃皆令籍而掌之人不解

所用後會積雪初晴曉前餘雪猶濕乃以木屑布地及桓溫伐蜀又以侃所貯竹頭作釘裝船其綜理微密皆此類也 後平王敦蘇峻屢立奇功封長沙公晚年每思折翼之夢深以盈滿自懼不預朝權

在軍四十年明毅善斷人不能欺梅陶嘗謂人曰陶公機神明鑒似魏武忠順勤勞似孔明陸抗諸人不能及也謝安每言陶公雖用法恒得法外意年七十六薨贈大司馬諡曰桓 侃長子瞻字道貞少

有才器歷廣陵相廬江建昌守散騎常侍都亭侯蘇峻叛死之追贈大鴻臚諡愨 侃中子範最知名官至光祿勳 侃少子與累以戰功遷武威將軍與杜弢戰率輕舸出上流擊之賊望見與軍驚曰

且避陶武威後戰死詔贈武威太守 侃孫淡字處靜幼孤好導養之術年十五六便服食絕穀不娶家累千金僮客百數淡終日端拱曾不營問頗好讀易善卜筮于長沙臨湘山中結廬居之養一白鹿

以自隨親故有候之者輒移渡湖水莫得近之州舉秀才淡聞之遂逃隱羅縣坤山中不知所終 侃曾孫潛字元亮晉名淵明宋改名潛性恬淡居潯陽柴桑里少有高趣博學不群仕晉爲州祭酒不

久解歸召主簿不就後復爲彭澤令不以家累自隨在官八十餘日郡遣督郵至吏白當束帶見之潛歎曰我豈能爲五斗米折腰向鄉里小兒即日解印綬去賦歸去來辭門栽五柳號五柳先生羲熙末

徵著作郎不就潛自以先世晉臣不肯仕宋翟氏亦與同志能安動若夫耕妻勸於前於後公田悉令種秫妻子固請種粳乃以半種秫半種粳凡客造者輒設酒若先醉便語客曰我醉欲眠君且去

王弘欲識淵明不能致淵明嘗往廬山弘令淵明友檀通之齎酒具於半道栗里要之淵明有脚疾使一門生二兒乘黃輿載至欣然便共飲酌俄頃弘至亦無忤色嘗九日無酒摘菊盈把坐而懷望久之

見白衣人至乃王弘遣之送酒卽醉歸而歸 嘗曰吾夏日遠閑高臥北牕之下清風飄至涼襲皇上人 廬山僧惠遠愛其清逸招之入社淵明曰許飲卽往惠遠許之既至無酒攬眉而歸 親朋邀飲醉既醉而退不吝情去留環堵蕭然不蔽風雨晏如也性不解音常畜素琴一張弦斷不具每朋酒之會則撫而和之曰但識琴中趣何勞絃上音值鄰家招飲酒有滓卽脫巾漉之漉畢還著卒于宋文帝元嘉四年壽六十三先自爲文以祭所著有文集行于世子五人儼俟份佚

陶

回

晉丹陽人父抗吳太子中庶子同有器幹王導引爲司馬蘇峻反王師敗績回謂庾亮曰峻知石頭有重戍不敢直下必向小丹陽南道步來宜伏兵邀之可一戰擒也亮不從峻果從小丹陽來迷道亮大海後回與陶侃溫峤并刀攻峻以功封河興太守開倉賑饑一境獲全卒諡曰威子四人汪陋隱無忌或有幹才

陶季直

南北陳陵人祖慈祖劉宋廣州刺史父景仁中散大夫季直好學淡於榮利仕齊爲尚書比部郎累遷給事黃門侍郎鄭素清苦及死家徒四壁子孫無以殯殮所作有京都記 季直年四歲

時祖父異之以四函銀列置前令諸孫各取一季直獨不取曰若有賜當先父伯不應度及諸孫

陶弘景

南北字道明秣陵人讀書萬卷一事不知以爲深耻年十歲得葛洪神仙傳晝夜研尋便有養生之志曰仰青天觀白日不覺爲遠矣齊高帝引爲諸王侍讀永明中脫朝服掛神武門上表

辭祿上賜束帛月給茯苓五斤白蜜二斤以供服餌 上旬容勾曲山第八洞名金壇華陽之天周回百五十里山中立館號華陽陶隱居晚號華陽真逸又曰華陽良人性愛松風庭院皆植松每聞其響

欣然爲樂有時獨遊泉石望者以爲仙人嘗謂人曰吾見朱門廣廈雖識其華樂而無欲住之心望高巖瞰大澤知此難立止恒自欲就之築層樓三自處其上弟子處其中賓客處其下與物遠絕善辟穀

寡引之術年八十五無病而逝顏色不變屈伸如常香氣累日氤氳滿山謠貞白先生或傳其仙去梁武帝蚤與之遊卽位徵之不出有大事無不咨詢時人謂之山中宰相 子籍字文海仕齊爲餘杭

令政化如神善于隨伏下莫能欺好學有才氣爲詩頗涉靈運時人咸謂康樂之有陶籍如仲尼之有丘明老聃之有莊周

陶沔 唐竹溪六逸中人

陶詳 唐為校書郎隱居陽羨方干有題陶詳隱居詩

陶峴 唐崑山人雅好游覽治三舟一自載一置賓客一貯飲饌日與孟雲卿董道探山水必窮其勝貴人欲一目不可得也自號雞鹿野人

陶穀 南北字秀實新平人祖彥謙有詩名歷三州刺史父漢夷州刺史穀幼有俊才仕周為翰林學士宋興歷禮刑戶三部尚書遷學士承旨乾德初郊祀法物制度多所裁定嘗得黨進姬命

擗雪水烹茶謂曰黨家有此風味乎姬曰彼粗人但知銷金帳內淺斟低唱飲羊羔酒耳穀有慚色穀使吳越以蟾蜍至彭蠡十餘種進穀曰一蟹不如一蟹寓錢塘驛韓熙載命妓秦弱蘭為驛吏女常

進灑掃穀悅之因寓宿弱蘭求詞詞去穀作詩贈之名風光好曰好姻緣惡姻緣只得郵亭一夜眠別神仙琵琶撥盡相思調知音少再得鸞膠續斷弦是向年年燈宴穀命詳妓歌之陶大沮即日北歸

陶岳 宋祁陽人累官太常博士知端州余靖過端諸父老言前後刺史不求硯者惟包孝肅及陶公二人歷任四十餘年五為郡守有文集行世

陶弼 宋字商翁祁陽人嘗學兵法能持論縱橫尤長于詩慶曆中提刑楊敞被旨討湖南徐致弼幕下用其策平之儻智高叛敞復辟弼率軍謀敞還朝曰吾平賊湖外所得者一陶弼而已嘗知

寶壘欽容長順六州多有惠政民皆德之建中靖國間編次勳舊名臣弼亦預焉所著有書奏八十卷

陶令 宋靖康間知阡昭縣徽宗南渡以南山有十景欲臨幸詔所在清道令辭以非浹句可辦上嘉其直而止

陶宗儀 宋字九成天台人至元間避難華亭雅好著述往耕于田恒携筆硯置一壘樹下遇有所得書投其中久之已滿貯則取成帙題曰南村輟耕錄

毛 西河羽音周文王第九子封毛

毛伯以國為氏又聖出景陽

毛 遂

周禮平原君門下客也時秦攻趙邯鄲趙使平原君求救於楚君約其門下食客文武備具者二十人與之俱得十九人餘無可取者也遂自薦于平原君君曰夫賢士之處世也譬若錐之處囊中其末立見今先生處勝門下三年於此矣勝未有所聞是先生無所有也遂曰臣乃今日請處囊中耳若錐得處囊中乃脫穎而出非特未見而已平原君與之俱至楚楚王言合從利害自朝至日

中不決毛按劍歷階而上謂平原君曰從之利害兩首而決爾今久不決何也楚王怒叱之遂曰吾君在前王叱遂者何也意恃楚之衆也十步之內王之命懸於遂手不得恃衆耳今楚地方千里持戟百萬此霸王之資白起小豎子耳一戰而舉鄢郢再戰而燒夷陵三戰而辱王之先人此百世之怨趙之所蓋而王弗知惡焉合從者爲趙非爲趙也楚王曰唯唯遂曰取雞狗馬血來捧盤跪進次吾君次招十九人歃血堂下曰君等碌碌所謂因人成事者也楚乃遣春申君黃歇將兵救趙平原君定從歸曰毛先生一至楚使趙重如九鼎大呂勝不敢復相天下士矣遂以毛遂爲上客

毛 義

漢隴江人家貧以孝行稱兩陽張奉慕其名往候之坐定而府檄適至以義爲安陽令義捧檄而入喜動顏色奉心薄之及義母死去官行服後舉賢良公車屢徵不至奉歎曰賢者固不可

測往日之喜
乃爲親風也

毛 亨

漢作詩訓詁以授毛萇作小序故曰毛詩亨爲大毛萇爲小毛

毛 萇

漢河間獻王博士註詩說毛詩行于世

毛 玠

三國字季先封巨人仕魏爲吏部尙書無敢有華衣美食者魏武歎曰玠之法不知毛尙書使吏部用心如玠風俗之易不難

毛 遐

南北字漢遠三原人爲郡督長史任俠有智謀世爲豪右貲產巨億士流貧乏者多就賑濟至於自供衣食體微而齊學武擢爲驃騎大將軍

毛 爽

隋受京房律法布管飛灰順月管檢又每律生五音十二律爲六十音因而激之爲三百六十音分直一歲之日以配其音

毛炳

宋豐城人好學不能自給諸里人入廩山所獲實餽卽市酒盡醉營醉于道旁有里首張谷掖之而起炳瞑目曰起予者誰對曰張谷也炳呵之曰毛炳不干于張谷張谷不學于毛炳醉

者自醉醒者自醒醒醉之道兩者固殊安用掖爲汝可速去無撓予臥由是人頗重之後聚生徒數十試講於南臺山迨數年自署于甯壁云先生不在此千載只空山因大醉一夕卒有詩集傳于世

毛仁厚

宋字及之開禧中興清獄公同發解于州其鄉舊有義役及之益精而宏之編戶有田二三頃者率不與脫逃警急勇往當之不以累役者議或不登發義廩貸之寢甚者不責其徵又集同

志爲想于州縣請公廉給之嘉定己亥歲大侵時及之已感未疾夢數萬蟻阻水引以竹乃得渡覺而首曰其殆幾壞惜我活耶乃力疾走州縣請粟卽州州將弗顧也先是家人憂其殆固止之則應曰錢

民苟活吾死不憾矣用是病加劇竟卒後十年趙清獻公爲之表其墓

毛漸

宋字正仲江山人第進士累官兩浙轉運使疏濬水患督爲涇原帥破夏入于沒烟進直龍圖閣知滑州卒有詩文世譜及古三墳書傳世

毛晃

宋江山人閉門著書留意字學增註禮部韻會于世

毛安輿

宋洪雅人年九歲父死負土管墳廬于其側三年知益州張方平聞之遣以酒餼狀其事以聞

毛維瞻

宋西安人以詩鳴與趙抃同邑相得爲山林之樂元覽中出知筠州政平訟理時蘇轍獨筠州監酒相與倡和有鳳山八咏山房卽事十絕

毛經

宋嘉川人仕爲開封戶曹性敏恬一日方與客對奕尹以疑獄就質令罷奕經曰決事奕棋剛不相妨呼二吏覆數目視棋局耳聽所覆已而奕勝而處事中心理尹稱嘆薦之

毛滂

宋字滂民江山人元祐中蘇軾守杭州滂爲法曹軾得其所爲文深器重之後屬于朝補知秀州所著有東堂集十二卷

毛棗

宋字叔斌江山人爲歙州士曹方嶽攻城隕官吏皆道棗坐府中賊帝之變棗不扇罵賊而死妻謝氏掖其夫不忍去俱遇害事聞贈朝請郎

毛璞

宋澤州人乾道中進士官至利州路提點刑獄所著有六經解並三餘錄自號方山子

毛直方

宋字靜可建安人咸淳中預薦舉入元不仕授徒講學人爭趨之有聊復齋二十餘卷嘗撰詩集詳玉府三十卷及詩學大成

勞

武陽徵音其先居東海勞山因氏焉又鑿出渤海

勞謹

宋任城人真宗爲時京東轉運使萊陽產銀砂民多私採者事露安撫使欲以劾盜論謹曰山澤之利人得有所盜者豈民財邪貸免甚衆

敖

職國宮音順瑛師大敖之後以爲氏

敖仙

晉未詳其名字江西上高縣之五里即真人得道處上有真人祠燒丹井下有冲真觀

敖陶孫

宋字器之號曠菴懷才挾氣嘗有詩云胸蟠二萬卷筆落五千言寧宗朝進士及第慶元中諱侂胥用事貶趙忠定子永陶孫皆處上岸以詩哭之云狼胡無地歸姬且魚腹終天痛風塵侂

曹燕之編管嶺南作詩評一章自魏晉至唐詩人皆有品題

臯

廣陵高陶氏之後

臯魚

周親亡嘗嘆曰木欲靜而風不止子欲養而親不在輒流涕沾襟

臯伯通

漢吳人爲郡大家有賢行梁鴻與妻孟光至吳舍伯通家爲人買春光每具食舉案齊眉伯通察而異之曰彼傭能使其妻敬之如此非凡人也以資禮待之

漕

才到切

漕仲叔

漢游俠傳漕仲叔有謙退之風

毫

毫康

漢甘陵人女弟為桓帝后封安陽侯

五歌

何

江角音周武王弟唐叔虞裔孫韓王安之後訛韓為何

何侯

上古堯時隱蒼梧山墓長生三百餘口皆耕耘舜南狩止侯家侯謂舜曰昇舉有期後數日舜果崩夏禹時五帝以藥一器與侯使投酒中一家三百餘口飲不竭以酒灑屋宇拔屋飛昇位

為太極仙人今據山有何侯廟在舜廟側

何鳳兒

秦仙人往天台山獻仙籍武夷君會那人樓亭峰有板師何鳳兒拊節

何比干

漢字少卿汝陰人武帝時為廷尉治尚仁恕活者數千人一日有老嫗造門曰公先世有功德及公文治獄多平反今天賜策以廣公後因出獄中策九十九數公子孫佩印者如此算

何休

漢字邵公任梁川令質朴口訥而雅有心思精研六經世傳著作甚多有公羊墨守左氏膏肓殺梁駸疾等書邕里重之閉講舍聚生徒執贊者常百人經學大行

何湯

漢字仲弓魯單人師事桓榮太學知名拜郎中守關門上徹行在還過關門不納明且詔大官賜食

何武

漢相城守甄拔士類士多歸之所居無雜跡名去後嘗見思也武為揚州刺史行部九江得部

何英

漢鄆縣人學通經緯著漢德春秋十五卷孫汶亦深于學者世務三十篇

何竝

漢字子廉爲潁川太守郡僚羅威倚兄廷尉勢與輕快漁食閭里至姦人婦女持吏短長從橫郡中竝至捕殺之表善好士一郡清靜

何晏

三國字平叔宛人進之孫尚魏公主美姿容文帝疑其傅粉夏月賜熱湯餅拭汗而容愈鮮少以才秀知名曹爽引爲散騎侍郎遷侍中尚書賜爵列侯與夏侯玄等競爲清談天下士大夫效之遂成流風不可復制晏七歲明慧若神魏武帝奇愛之因晏在宮內欲以爲子晏乃畫地令方自處其中人問其故答曰何氏之廬也魏武知之即遣還晏言易義精了所不了者九事一日迎管轄

共論輅爲剖析玄旨九事皆明時鄧玄茂亦在坐言君見爲善易而語不及易中辭義何也略曰夫善易者不論易晏含笑贊之曰可謂要言不煩

何充

晉字次道廬江人王含作廬江郡甚貪濁王敦欲護其兄故於衆座稱其佳謂廬江人士咸稱之時充爲敦主簿在座正色曰克即廬江人所聞異于此敦默然庾亮嘗薦之云何克器局方槩有萬夫之望宜爲老臣之副社稷無虞矣後累官至尚書令卒諡文穆充弟準字幼則高尚寡欲州府交辟不就初充爲驃騎將軍勳令仕準曰第五之名何減驃騎兄弟中準第五故云克居宰輔權傾一時而準敎帶衡門不及人事唯誦佛經而已女爲禮皇后

何叔度

晉廬江濟人晉時爲尚書姨與母情愛甚篤母卒奉姨若所生姨亡朔望必往致哀并設祭奠食竝珍新躬自臨視若朔望應有公事則先遣送祭皆手自料理流涕對之公事畢即往致哀

以此爲常三年服竟官至太常致政子尚之以吏部郎歸省叔度問曰聞汝行日送者有幾人對曰有數百人叔度笑曰此送吏部郎爾非送何德彥也世謂尚之立身簡約皆本叔度之教云子尚之子彥德官至中書令愛尚文義老而不倦卒贈司空諡穆簡尚之子彥字仲弘元嘉中位太子中庶子歷侍中掌詔詣時尚之爲司空尚書令偃居門下父子竝處權要曲得時譽偃好談玄註莊子傳于時

俞之孫點字子皙容貌方雅博通群書宋齊累徵不起與梁武帝有舊及踐祚賜以鹿皮冠手詔徵之召見華林園欲拜爲侍中點其手掣帝髮曰不欲臣老子耶尋辭疾歸兄求弟胤皆隱遜世謂何氏三高竟陵王子亓于法輪寺見點遣以稽叔夜酒杯徐景山酒鑑點弟胤字子季好學師事沛國劉瓛受易及禮記毛詩又入鍾山定林寺聽內典其業皆通而縱情誕節時人未之知也唯瓛與汝南周顒深器異之仕齊武帝時爲建安太守政有恩信人不忍欺每伏臘放囚還家依期而反後暮會稽之勝棄家而往梁武帝卽位詔起爲光祿大夫遣司馬王杲之諭意瓛曰吾年五十七月食米四斗不盡何容復有官情謂杲之曰卿何不表置同我隱杲之曰不聞此例胤笑曰禮弓兩卷皆言物始何必有例杲之還奏詔給白衣尙書祿命山陰月給五萬錢皆固辭不受遷居秦聖山別爲小閣寢處其中已而山發洪水獨所居室巋然獨存太守王元簡命記室鍾嶸作瑞堂頌紀之年八十六卒

何無忌

晉東海郟人性忠直爲太學博士後爲廣武將軍桓玄篡位與劉裕等起義兵與玄戰玄敗走以興復功封安成郡開國公逾忠肅後討盧循戰敗厲聲曰取蘇武節來躬執督戰而死

何琦

晉字萬倫陽穀人好古博學事母至孝思供養不給爲涇縣令母亡哀毀幾絕服闋嘆曰所以仕者實微利祿以供親耳今親已卒復何求焉遂養志衡門耽翫典籍以琴書自娛公府辟命

皆不就桓溫過其山曰此中有人善養生老而不衰所著有三國論卒年八十二

何楷

晉吳郡城南何山以楷嘗讀書于此後爲吳郡太守因以其姓名山

何承裕

晉爲盤屋咸陽二縣令醉則露首跨牛樓府往往召豪吏接坐引滿吏因醉挾私自事承裕曰此見問也嘗受杖杖訖復召與飲

何劭

晉字敬祖曾子優游自足不貪權勢嘗語王澄曰僕雖名位過倖少無可書之事惟與夏侯長容諫授博士者可傳史冊耳

何遜

南北字仲言東海郟人爲梁揚州法曹水部員外郎揚州府字有梅盛開遜嘗吟咏其下後居滄陽思梅不得因請再任揚州從之既至適花盛發大開東閣延文士笑傲終日與陰隱俱以

能詩名世號陰何 遜少舉秀才范雲見其采嘆賞曰碩者
文人質則過樸麗則傷俗其能含清澗中古今得之何生矣

何子朗

南北字世明與何遜何思澄俱擅文名時謂東海三何子朗最多又曰
人中爽爽何子朗嘗爲敗軍賦擬莊周其文甚奇歷官員外散騎侍郎

何昌寓

南北字儼鑿尚之從子獨立不群所交皆當世名士仕宋歷部以清白稱後爲吏部尚書有姓
閱者求官自言子鑿之後昌寓笑曰遙遙華胄其子敬容亦爲吏部尚書詮序明審號爲稱職

出守吳郡政
爲天下第一

何承天

南北東海鄭人博通古今尤精曆數仕宋領著作郎朝廷每有疑議必先訪之時玄武湖得銅
斗衆皆不識承天曰此新莽咸斗三公亡則賜之江左惟甄期爲大司徒此必甄之墓也詢之

果然官至
御史大夫

何之元

南北廬江灤人好學有才思爲梁司空袁昂所重辟爲五官掾尋除信義令時縣名信義陳大
建中歷相州刺史始興王叔陵諮議飛軍及叔陵誅之元屏絕人事著梁典三十卷多居常州

之晉陵隋
開皇間卒

何遠

南北字義方東海鄭人初仕南齊梁武帝踐祚封廣興男歷宣城太守遷東陽疾
強富如仇讐視貧細如子弟豪右畏憚公清第一凡典郡所至百姓爲立生祠

何敬叔

南北東海鄭人爲長城令性清廉不受禮遺夏節至忽榜門受貺數日得米二千餘斛取以代
貧民租稅子思澄字元靜少勤學工文辭仕梁爲南康王侍郎遷治書侍御史武陵王錄事

參軍與宗人遜及子朗俱
擅文名有文集五十卷

何憲

南北字子思博通群籍任昉劉渢共執秘閣四部書試問其所知自甲至乙每說一事并敘述
作之體連日案夜莫見所遺宗人何遜退讓士也見而美之願與爲友齊武帝時位本州別駕

國子
博士

何子平

南北廬江濟人少有至行事母至孝宋文帝時爲吳郡海虞令得祿惟以供母不及妻孥人疑其儉薄子平曰希祿本在養親不在爲己問者慚而退母喪去官哀毀踰禮每哭踴頓絕方蘇

孝武末年東土饑荒繼以師旅八年不得營葬晝夜號哭常如初喪之日冬不衣絮暑不就清涼一日以米數合爲粥不進鹽菜所居敗屋不蔽風日兄子伯興欲爲葺理子平不肯曰我情事未伸天地一

罪人耳屋何宜覆蔡興宗爲會稽太守甚加矜獎爲營塚廡

何起門

唐建德人父死廬于墓大厝中刺史蕭定以狀聞天子表其門新唐書孝友列傳稱其事親居喪之行云

何易于

唐爲益昌令刺史崔朴春遊出益昌索民牽挽易于腰笏引船朴驚問對曰百姓春耕且蠶不可役惟令無事可任其勞朴大慙疾驅去

何蕃

唐和州人爲太學生學成行高諸生不敢與齒朱泚反同舍將往附蕃正色叱之故六館無受汚者韓愈爲之立傳

何澤

五代廣州人仕唐爲洛陽令好直言莊宗出獵踐民田澤叩馬諫曰陛下未能一天下以休兵而恣畋游害稼穡使民何以出租賦莊宗爲之罷獵明宗欲幸鄴又伏閣諫止仕終太常少卿

何令通

五代南唐時爲國師言牛頭山不利謫休寧來止芙蓉峰更名真真一坐四十年豁然大悟天禧中一旦正席跌坐忽心火自灼頃刻而化其徒收舍利爲塔葬之

何晝

宋少讀書廬山白鹿洞舉進士南唐時屢黜乃渡江入汴謁宋祖陳所爲書二十卷後登第官至鳳翔觀察推官

何隨

宋郟縣人初仕蜀爲安漢令蜀亡去官時巴士畿送吏取民芋以自給隨即以緇繫其處償之民視芋見緒相與語曰聞何安漢清廉必此人也所著有諱言

何蒙

宋洪州人精春秋左氏學南唐時進士宋初爲洛州推官累遷至本部長外郎通判廣州真宗時上所著兵機要類十卷後知襄州以光祿少卿致仕

何造之

宋子綽侯孫脩輔曾孫格非三世登第家有三桂堂

何涉

宋南克人讀書晝夜刻苦自六經百家及山經地志醫卜之術無所不學一過目終身不忘舉進士累官知合州運司封員外郎涉長厚有操行未嘗談人過惡所著有春秋本旨及廬江集

七十卷

何去非

宋字正通浦城人學問該博有識度元豐中對策論用兵之要擢優等除武學教諭使校兵法七書奏復見褒賞未幾擢博士蘇軾見其文驚曰此今班馬也力薦于朝詔加承奉郎歲餘出

爲徐州教授

何時

宋爲臨江司理參軍郡獄相傳舊斬一寇能行一里許衆神之塑爲肉身時至取故牘閱此寇嘗掠殺數人曰如此可爲神乎命鞭之沈于水人服其明

何琬

宋字子溫龍泉人舉進士神宗疏其姓名于御屏云政事何琬文章葉濤濤亦邑人也執中字伯通琬之裔登進士高第調台臺二州判官知海鹽縣有異政以母憂去寓蘇州比鄰夜半

火執中拊母極號慟有頃火卻數宗時累官至太宰封榮國公卒追封清源郡王

何求

宋閩中人以宋涉隆苑已疎略乃哀次三十卷號閱苑記後同縣曹無忌又增二十六卷

何鑄

宋字伯壽餘杭人政和中進士紹興中拜御史中丞秦檜誣岳飛命鑄鞠之鑄白其冤檜不悅鑄曰鑄豈區區爲一岳飛者強敵未滅無故戮一大將失士卒心非社稷之長策檜語塞調万

俟禹使論鑄私岳飛欲竄嶺南帝不從官至資政殿學士卒諡恭敏

何桌

宋仙井人政和進士第一累官右僕射嘗阻割三鎮京城失守從欽宗幸金營遂留不返既陷北庭桌仰天大慟不食而死兄棠弟槩俱有名號爲三鳳

何述

宋字明道調當塗縣邑瀕江述築堤以捍水患崇寧初除開封推官從尹以職事對上願尹曰何述詳雅可喜必能助剿決累遷開封少尹司農光祿卿出知相州後除徽猷閣待制知永興

軍有禮記解事類
領要廬江集等卷

何兌

宋字大和邵武人受學馬伸伸沒兌嘗輯其事狀政和中第進士紹興中爲辰州通判觀郵報奉檜自陳其存趙之功兌取所輯事狀達尙書省檜大怒下兌獄削官寘眞易檜死復其官

子鎬從朱熹學所
著有畫溪集諸說

何大節

宋知黃州金人犯黃大節義不屈投江而死

何亮

宋二十四賢中人

何覲

宋與江西詩派

何庚

宋紹興間知雷州循水利築隄以溉東洋之田凡數千頃皆成膏腴

何宗英

宋和州人紹興間以布衣上書數萬言論處必渝盟宜先事爲備與其坐困一隅不若進幸建康以壯國勢

何大奎

宋廣德人年十八試禮部第一時以文章著名

何淡

宋字自然東陽人嘉泰間以上舍釋褐歷官國子丞祕書郎爲人恬靜好學所著有通鑑手抄寶關漫錄

何基

宋字子恭金華人自幼端重寡言笑師黃榦窮伊洛之源隱居求志不願人知淳祐間以崇政殿說書徵不起授承務郎主管四林廟卒諡文定所著有大學語孟太極通書四錄近思錄傳

世子

何新之

宋西安人仕至樞密院編脩官嘗探唐宋詩爲詩林薦選行于世後知忠安軍死節

何充

宋漢州德陽人祖耕祕書監充通判黎州攝州事元兵破邛崃關克自刺不死軍帥許以不殺充曰吾三世食趙氏祿爲趙氏死不憾自是水飲不入口敵知不可強殺之充妻陳氏罵不絕

口亦死勇士譚孫駒行仲子仲桂皆先死

羅

羅章徵音祝融之後坛姓受封於羅國子孫以國爲氏又聖出長沙

羅威

漢字德仁番禺人性至孝遇寒則以身溫席鄰牛犯其稼威刈芻納其門牛家相諭莫犯每出遇老稚負帶于途卽爲代其任邑人化之令長召爲門下吏頗力威乃奉母通子增城

羅企生

晉字宗伯豫章人累遷武陵太守未之郡而桓玄攻殷仲堪仲堪以企生爲謀議參軍堪敗去文武無送者惟企生從焉玄至荊州或勸其詣玄企生曰殷遇我以國士不能共殄醜逆亦何

面目復求生乎玄聞之大怒遂害之

羅友

晉襄陽人少有志氣博學能文會有得郡者桓溫集僚佐錢之友後至溫問之友曰中路逢鬼椰榆云只見汝送人作郡不見人送汝作郡溫表爲襄陽太守友初從桓溫平蜀按行蜀城

關親字內外道陌廣狹植種果木多少皆嘿記之後溫與簡文集共道蜀中事有所遺忘友皆名列會無遺錯友性嗜酒當其所遇不論士庶又好伺人祠往乞餘食雖復營營墟肆不以爲羞桓溫常奇

之云君大不速須食何不就身求友傲然不屑答曰就公乞食今乃何得明月已復無溫大笑

羅可

晉性度寬宏嘗有竊刈其園蔬者適遇見却避神間又有獲殺其鷄者可攜蟹就之呼其妻孥坐蒸醉而歸出是相誠無患

羅含

晉字君章來陽人少時常畫臥夢一鳥文彩異常飛入口中自此漢思日新任爲江夏從事太守謝尚曰可謂湘中之琳瑯後補桓溫參軍於城西立茅舍以居織艸爲席布衣蔬食晏如也

或謂含乃荆楚之才溫曰此江左之秀豈惟荆楚而已哉徵爲尙書郎致仕回家南嶺有羅琴山以含嘗游琴遊此地故名

羅弘信

唐魏州貴鄉人狀貌雄偉善騎射仕爲節度使異進檢校太師卒贈北平王諡莊肅子紹威少有英氣吏事明辯嗣父節度累加太尉

羅隱

唐字昭諫錢塘人工詩尤長於詠史有湘南雜賦性傲倪少與桐廬章魯風齊名爲宰相鄭畋所重畋女覽隱詩諷詠不已畋疑有慕才意隱脫陋一日女窺見之遂絕口不詠錢鏐辟爲

從事節度判官副使嘗說繆討朱溫曰縱不成功猶可退保杭越奈何交臂事賊爲千古之羞乎所著有江南甲乙集等書令狐綯子痛登弟隱賢以詩綯謂滄曰吾不喜汝得第喜汝得羅公詩耳隱

弟鄭詩中虎也光化中章莊奏詞人才士時有遠賢不沾一命于聖朝從作千年之恨骨如李賀陸龜蒙羅邨方干賈島溫庭筠劉德仁皆有奇才伏望追賜進士及第補開拾遺

羅虬

唐與鄒隱齊名號三羅李孝恭籍中紅兒有聲色虬請之歌不答虬怒拂衣而去詰旦爲絕句百篇號比紅兒

羅公遠

唐宣宗時方士明皇賞中秋說月遠曰陛下欲至月中否以柱杖擲之成大橋如銀行數里精光奪目至大城闕遠曰此月宮也門榜曰廣寒請虛之府有樂娥數十歌舞于大柱下白鸞舞

其上上問曰霓裳羽衣曲也帝因記其調遂同却顧其後隨步而滅乃召梨園子弟作霓裳曲

羅通微

唐臨晉人少時探薪山中遇關使君寤謂曰子骨相嶮剛可學長生遂冠褐于五老山學步虛絕粒唐貞觀中忽一日謂人曰我歸明日大會士庶萬人俄雷震地下青龍躍出通微跨之而

登

羅士信

唐歷城人年十四齊郡通守張須陁擊賊濰水上士信請自効須陁少之士信怒被重甲左右韃上馬順盼許之陣纒列執長矛馳入賊營刺殺數人無敢抗須陁乘之大破賊後降高祖尹

陝州道行軍總管封鄉國公

羅向

唐廬州人少貧困常投福泉寺隨僧飯二十年間持節歸鄉書僧房云二十年來此布衣鹿鳴四上虎符歸故時賓從追前事到處松杉長舊園野老共迷官路拜沙鷗遙認年旗飛春風一

宿琉璃殿惟有泉聲愜素機

羅道宗

唐河東人慷慨尚義貞觀末警蹙嶺南有友人同斥者死于荆襄間臨終泣曰人生有死獨委瑩吳讓耶道宗慰之曰吾若還終不使君留此後果還葬于其家仕至太學博士稱名儒

羅藝

隋大業中以戰功補虎賁郎將後稱幽州總管字文化庭至山東遣使招藝藝曰我隋舊臣今大行順覆義不辱于賊斬其使者為煬帝發喪三日

羅承之

宋巴州清化人幼雄特好兵略乾德中文協率衆攻闕巴承之揭實募兵擒文協太祖召見賜感義軍節度使兼知巴州曾孫士勳事其母以孝聞家產盡遺姪之孤者

羅處約

宋字思純益州華陽人父濟仕蜀歸宋官至太常丞處約太宗時舉進士形神豐碩有詞采初知吳縣後召直史館卒年三十三有文十卷曰東觀集

羅彥輔

宋字經世當塗人嘉祐進士歷江都湖口令皆以廉稱後知池州屬歲旱以莊政從事奏課第一嘗誡子曰我以清白遺爾曹萬一至饑粥不給亦不可少屈人以姑溪水况其清德及卒人

過溪上者歎曰羅公何在溪水如故相與躊躇不忍去

羅孟郊

宋興寧人人生而穎異蚤喪父事母孝兒時牧牛長岐莊坐讀書有山人過奇之與語孟郊告以父喪貧未葬山人指示地遂從葬焉弱冠結廬羅嶺以學鄉中子弟從之孟郊指授篇至邑始

多學者善書札洗硯池水盡黑人稱曰墨池天聖八年舉進士第三人累官諫議大夫翰林學士乞歸養母茹葷齋然母冬月思贖孟郊解衣入池取魚供母鄰人目其池為曾子湖

羅泌

宋字長源廬陵人學問該博著有路史行于世

羅善同

宋字信遠上高人自幼勤詩書友善類程明道嘗貽以書云人之所以爲君子在不失其本心要常自檢點勿使一毫私意間之斯可到聖賢地位矣自號純古先生

羅道成

宋慶曆中遊中嶽詩云白驪代步若奔雲閒人所至留詩迹欲知名姓問源流請看邾陽山下石後問無所言有真人得道乘白驪行于石壁上其迹至今存焉

羅崎

宋字崎老元祐初爲滁州刺史或曰僻郡崎曰此歐陽公之醉鄉也何爲貪僻邪明年治碑宇于堂前植蘭數十本記之曰蘭之德有道君子也子之子蘭猶賢朋友朝襲其馨暮攜其英攜

書就觀引酒對酌後杜門不出著文海百餘卷

羅祝

宋字叔和長汀人閉戶讀書人罕識面貫穿經史雖註疏亦皆研究元祐間朝廷行十科祝以明經中第調漳州法曹本路漕按行欲秉燭入庫祝堅執于律不可漕遂止嘗手釋六經及註

唐書尤柑于律數終明州觀察推官

羅晏

宋閩州人兒時牧山下見二道人突晏捨牧觀之道人出囊中餅與之晏食已歸家覺腹中如煉因發狂累日自是惟飲水數日不一食稍稍預言福禍無不驗宣和中賜靜應處士張洩延

致軍中晏曰相公勿恐明日處退果然加號太和仲夷先生蜀人相傳壽至一百八十歲

羅昇

宋宜春人少貧業屠狗晚乃貨藥市中遇異人授以六術年幾百忽一日辭親戚奄然而逝時政和二年也後有客見其在瀏陽市貨藥有書寄鄉人驗其日乃其沒之明日也

羅孝芬

宋字廷揚平江人居側有大柿樹雷折之火燬其文成羅狀元字下有三點人莫能測明年孝芬舉甲科第三人始悟其兆云後擢吏部郎中靖康初致仕建晝錦橋秀野亭時人榮之

羅適

宋字正之寧海人舉進士歷知五縣提點兩浙京西刑獄終朝散大夫有易說赤城集一百卷行于世

羅願

宋字瑞瓦汝棊子兄願願頤頤弟願皆有文願博學好古法秦漢爲詞章高雅精練朱熹特稱重之有小集十卷爾雅異二十卷累官知鄂州有善政

羅尙友

宋字明善萍鄉人少負俊才文章倚馬可待嘗謁閣門使蕭注令其賦詩有人問酒客兼詩客天上文星與將星句後登進士第授武昌軍節度推官時李常以中丞爲帥每燕集必召尙友

凡樂語詩詞皆卽席而成因目爲席上才子

羅 戩

宋達州人初爲武學諭上幸學百官先集蔡京于坐上談兵衆皆拱聽戩獨仰視屋角京大怒奪其官

羅從彥

宋字仲素本沙縣人徙家陽平從學楊時於蕭山旣而築室山中絕意仕進充然自得朱熹謂龜山倡道東南士之游其門者甚衆然潛思力行任重詣極惟仲素一人而已學者稱爲豫章

先生卒諡文貞所著有尊堯錄十三卷行于世

羅博文

宋字宗約沙縣人從學李延平得道學之傳尋以薦叅議軍府政卒于嘉州官舍囊無餘貲有書數千帙而已同門朱熹狀其行

羅之紀

宋字國張號筠心居士瑞陽人孝宗朝攝邑雲夢因見雪壓庭竹賦詩云吾道非邪真可耻此君豈是折腰人棄官歸遇方士授丹經脩養法葺一室扁以子午靜逸成趣有易傳三卷文集

二十卷

羅必元

宋字亨父進賢人嘉定進士歷官撫州司法真德秀入叅大政必元移書謂老醫嘗云傷寒壞證惟獨參湯可救先生其今之獨參湯乎通判贛州上疏論賈似道後以直寶章閣致仕

羅天酉

宋字恭甫新昌人開慶進士以格非心去非人對策忤丁大全擯外歷官知懷柔縣有惠政丁父憂有三釜爲親今莫及萬鍾于我復何加之句遂不起所著有柘岡文集

柯

濟陽商音吳公子柯蘆之後

柯九思

唐字敬仲仙居人文宗朝爲奎章閣學士凡內府所藏法書名畫咸命鑒定善畫竹得文同筆法

柯崇 唐與曹松等五人登第號五老榜

柯仲常 宋神宗朝通判潭州救饑得民有異鵠棲于廳仲常去鵠亦送之東坡賦柯侯異鵠一篇

柯萼 宋太平興國七年遇一僧往萬歲山指古松下掘之得石篆乃寶公記國祚綿遠之文

柯夢得 宋字東海莆田人屢上春官不第嘉定七年以特科入官一生苦吟古詩學孟東野有抱甕集及選唐絕句行世

柯應烈 宋建德人性孝嗜學母闕氏病衣不解體侍湯藥癯瘠盡悴每夕露禱減算以益母壽空中有聲特延一紀後果如數龔吏部欲強以官母曰吾家代以文發身何事旁曲為竟不就

和 汝南商音義和掌天地之官和仲和叔因為氏

和洽 三國字陽士舉孝廉後為尚書令清貧守約至賣田宅以自給封西陵侯

和嶠 晉字長孺有盛名于世朝野許其能振風俗理人倫遷潁川太守為政清簡甚得百姓歡心庚徵見而歎曰嶠森森如千丈松雖礫硠多節目施之大夏有棟梁之用 嶠富擬王者杜預謂

其有錢癖

和凝 五代字成綬鄆州須昌人梁時舉進士歷漢周官至太子大傅封魯國公嘗知貢舉所取皆一時之秀稱為得人 凝舉進士名居十三後知舉選范質亦居十三謂之曰以傳老夫衣鉢後

歷官皆與凝同作詩云從此廟堂添故事登庸衣鉢亦相傳嘗舉進士李幹及凝大拜幹草制盡取去閣中器皿置詩云座主登庸歸鳳閣門生批詔立螭頭玉堂舊閣多珍玩可作西齋潤筆不 凝少真

才名賀瓊謂諸子曰和凝志義之士後當富貴爾蘊事之因妻以女後果為相 凝在朝率同列過日

後爲京東轉運使太祖以雅樂聲高近于悲哀不合中和以覲善音樂詔覲改定覲以王朴律準較洛陽司天臺影表石尺制律呂子是八音始和暢 隰弟子熾字顯仁至道初遷右正言獻詩歌稱上旨謂宰相曰有又采如和嶮者不可得也知制誥每艸詔閉戶 精思徧討群籍而後成 嶮弟熾淳和中獻文授大理評

過

夏時諸侯之國少康滅之子孫以國爲氏平聲

過

源

宋字時源臨川人少穎異問其父曰聖賢之學何學曰心學曰何古多而今少曰非有古今在人爲之耳于是篤志聖賢之學嘗曰人終身只是一箇窮理元不分知行行之至知之極也曰

情發乎性由于性則明明則聖任乎情則蔽蔽則愚學者稱浩齋先生有語錄二卷 從孫昂字紹古亦博覽能文性至孝有通神集三十卷收于祕閣

過

昱

宋字彥明南城人景祐間進士官至都官郎中性至孝母沒刻木爲像父沒水漿不入口者累日墓之終身

阿

官氏志阿伏氏改爲阿氏又伊尹爲阿衡子孫以官爲氏

阿

呵

唐馬龍州人納垢酋之後隱曠谷撰書字字如科斗三年始成字母一千八百四十號曰靈書僞人至今習之

高

高

拯

五代字叔濟歙人保大間令凋殘之餘撫綏有方民感之立去思碑

六麻

花

東平宮音出何氏姓苑

花驚定

唐驍勇過人上元初段子璋反于蜀時崔光遠爲成都尹驚定爲牙將討平之杜甫詩云成都猛將說花卿學語小兒知姓名

夸

苑見姓

夸父

上古夸父不量力欲追日影逐之於暘谷之際道渴赴河飲不足將走北飲太澤中未至渴而死棄其杖膏肉所浸化爲鄴林廣數千里

沙

汝南宮音姓苑東苑有沙氏吳興亦有此姓又有濟人族其一曰沙氏

沙世堅

宋素號武勇守宜州平劇賊一路賴之

余

蛇音

余起

宋銅陵人一門義聚千三百餘口子孫皆以科第顯

衙

秦穆王子食采于衙因氏焉江夏

衙謹卿

漢長平令七世同居

查

齊郡商音側加切

查文徽

五代性好學手自寫經史數百卷仕南唐統兵平建州所全活甚衆官至兵部尙書子元方歸宋擢殿中侍御史文徽孫道字湛然宋冠龍文嗣稱性慈孝母病思飯羹市無易者道泣

涕于河鑿冰得之母疾遂愈宋端拱初舉進士錄館陶尉通判遂州公正清潔真宗時中賢良方正科官至龍圖閣待制秉性純厚有犯不避所至務寬恕有集二十卷

查許國

宋海陵人精于六經以奏議罷職師慕清居荆南教授門人往往登科忽一日從容喜曰七十年聖師之壽許國何人敢繼其後唯是平生確遵善誘敬從門人啓予足手即端坐瞑目加

朝服而終

查深

宋字道源廣德人隱居力學治平間守郡錢公輔薦于朝力辭乃爲築堂于城西名曰清容教誨郡人子弟儒風日振號清容先生有文集二十卷

車

京兆角音漢相國千秋乘車入朝人號車丞相因氏焉

車胤

晉車武子南平人父育爲本郡功曹胤少時篤學不倦家貧不得膏油夏月囊螢照書及長其有鄉譽桓溫在朝相引爲正輔大元中領國子博士遷吏部尙書

車若水

宋字清臣黃巖人與同郡周敬孫楊珣陳天瑞黃超然朱致中薛松年俱師事金華王柏講明性理若水博學尤善文自號玉峰山民所著有字宙廣紀玉峰完稿

家

京兆角音周大夫家父之後又望出南安今錢塘有此姓

家師諒

唐陳留人以孝稱

家安國

宋字復禮初任教授東坡以詩送歸蜀云岷城有雛鳳梧竹養脩翎山谷贈詩云家侯口吃善著書嘗願執戈王前驅朱絨蹉跎晚得郡吟弄風月思天衢

家勤國

宋眉山人與從兄安國定國同從劉巨游與蘇軾兄弟爲同門友王安石久廢春秋學勤國憤之著春秋新義熙寧元豐諸人紛更而元祐諸賢矯枉過正勤國憂之爲築室作室喻二蘇讀

之敬嘆

家鉉翁

宋眉州人舉進士學問該博尤邃予春秋累官端明殿學士簽書樞密院事元兵至太后詔諭郡縣降于元令三省樞密檄執政皆署降表鉉翁獨不肯署使者命縛之鉉翁毅然曰中書無

倚方錄 卷一
締執政之禮乃止及宋亡旦夕哭泣不食元世祖高其節欲授以官不受遂安置河間以春秋教授弟子數爲諸生談及宋興亡之故輒流涕太息成宗卽位詔賜號處士放還鄉里又錫以金帛皆不受年

逾八十而卒

麻 上谷商音齊大夫麻嬰之後

麻 達 漢注 論語

麻 秋 晉石勒將威名可止兒啼

麻 九疇 宋字知幾三歲識字七歲能作大字徑數尺號神童仕金爲太常博士

麻 仲英 宋臨淄人祖希夢太宗時爲工部侍郎景孫子仲英七歲能詩以親之祿不及養不復肯仕博學有行鄉里推服雖凶年盜不入其家富韓二公守青州致書幣薦其行義召爲國子助教東

方學者咸尊師之

麻 士龍 宋元兵入常州文丞相遣尹玉及士龍援之率殘兵五百奮勇與元兵大戰死之贈高州刺史五百人俱死無一人降者

巴 高平徵音代本云巴子國子孫以國爲氏

巴 蔓子 周巴國人仕爲將軍周末國亂蔓子請師于楚許以三城楚發兵救巴遣使請城蔓子曰藉楚之靈克濟禍難誠許楚王城可持吾頭往謝城不可得也乃自刎使者以蔓子首報楚王王曰

使吾得臣如蔓子者用城何爲乃以上卿之禮葬其首巴人亦以上卿禮葬其屍于施州

巴

寧

周戰國時人公孫座曰決利害而使三軍不惑者寧之力也賜錢十萬

巴肅

漢渤海人字恭祖漢黨錮入顧中人仕爲議郎與竇武陳蕃等謀誅宦官曹節王甫謀漢武等遇害肅自載詣縣縣令解印綬欲與俱逃肅不從曰爲人臣者有謀不敢隱有罪不逃刑遂被

害

尚友錄卷七終